

ASO TOFI, 22 IANUARI 2015

Na nofoia le Nofoa e le Fofoga Fetala'i i le itula e 9:00 i le taeano.

Tatalo.

FOFOGA FETALAI: E manatu o lea ua tatou feiloai i lenei taeano manuia ma e talifonu foi ua tatou fesilafai i luma o le nuu ae ua le o tua o le nuu. Ua tatou feiloai i tai malamā, tai o'oo'o ma tai manino i le alofa ma le agalelei o lo tatou Atua i le taitaiina mai o lo outou soifua manuia le paia ma le mamalu maualuga o le Maota i lenei taeano fou. E ofo alofa atu ma faatalofa atu i le pala ma le mamalu o sui usufono uma o le Palēmene, malo le folau, malo le onosai. Ua faafetai i le tauavagamaina o a tatou galuega mai le aso ananafi seia tatou taunuu mai i lenei taeano fou.

E faatalofa atu foi i le tapuaiga a lo tatou atunuu Samoa, faafetai tatalo. O lo o outou tui mai pea le mulipapaga ma outou ula le mulila aua le feagai ai o lau Palēmene ma Upufai o Malo. Ua matou lagona le mafanafana i le pai mai o la outou tapuaiga leleoa ia te outou o matua moepo ma matua moeano o le atunuu ina ia manuia faiva o Taitai o le Malo, e momoli atu ai le faafetai tele.

O lenei aso e manatu o lea ua tatou taunuu i le amataga o a tatou galuega ma ua atoa tagi foi pou fetala'i o lenei taeano. Ona ou lagona lea, alo maia o le a faagasolo a tatou galuega i lenei aso ma le talifonuga, ia au i manu le Atua ma Lona finagalo i lenei taeano fou.

TUUNIA ATU O LIPOTI A KOMITI FILIFILIA

Na tolaulanina e le Failaunusi le Lipoti a le Komiti Filifilila lenei ua faataatia i luga o le Laulau a Fono e tusa ai ma le T.T.51.

1. P.P. 2014/2015 Nu. 192, Lipoti a le Komiti o Mataupu tau Faamasinoga, Leoalo & Palepuipui ma Faamasinoga o Fannua & Suafa i le P.P. 2014/2015 Nu. 12, Lipoti a le Komisi o le Toefatataga o Tulafono a Samoa i le Pulega o Measina a Samoa, Lipoti 13/13.

**FAAALIGA O LAFO A LE MALO - AFIOGA I LE PALEMIA
TOE TOFIA O LE SUI O LE FONOA A SUI TOFIA**

FOFOGA FETALAI: Lau Afioaga i le Palēmia, tulai maia mo le Lafo o le Toe Tofia o le Sui o le Fono a Sui Tofia.

22 IANUARI 2015

Faaaliga o Lafo a le Malo - Afioga i le Palemia
Toe Tofia o le Sui o le Fono a Sui Tofia

Susuga Hon TUILAEP A FATIALOFA LUPESOLIAI AIONO NEIOTI SAILELE MALIELEGAOI (Palemia): Lau Afioga i le Fofoga Fetalai ou te tulai atu ma le faaloalo e faatu le lafo, *Ina ia toe filifilia nei e le Fono Aoaio Faitulafono e tusa ai ma le Mataupu 25 Fuaiupu 4 o le Faavae o le Malo Tutoatasi o Samoa, Afioga Tuimaleaitifano Vaaletoa Sualauvi II e avea ma Sui Usufono o le Fono a Sui Tofia.*

Lau Afioga i le Fofoga Fetalai, o le mafuaaga ona o le tofiga lenei e faia e le Maota i le lafo e faatu atu e le Malo ma fai i ai le finagalo o le Palemene i se ioega e mafai ai ona faaauu le tofiga lenei. Ia manatua foi e toatolu i latou e tatau ona i ai ma o lo o taoto mai pea i le Malo e filifili malie se isi toalua e faatoo ai i se taimi o i luma. E taua tele le tofiga lenei ona o taimi uma e toesea ai Lana Afioga Mamalu, O Le Ao o le Malo, o ia e fai ma sui e faaauuina tofiga o Lana Afioga Mamalu, O Le Ao o le Malo ma ua atoa uma foi i ai mamalu na te tauaveina ai tofiga O Lana Afioga Mamalu, O Le Ao o le Malo i so o se taimi e toesea ai ma le atunuu.

Lau Afioga i le Fofoga Fetalai o le lafo lena.

Faaluaina e le Taitai o le Itu Agai, Sui Palemia, Minisita mo Tupe Maua, Minisita mo Tina ma Tamaitai, Atinae o Nuu ma Afioga ma Agafesootai, Minisita mo Fesootaiga ma Faamatalaga Tekonolosi ma le Minisita mo Faatoaga, Faleoloa o Faatoaga ma Faigafaiva.

Na faamaonia le lafo.

**TULAFONO TAU FAAOFIO LE FAATATAUINA O TUPE
FAAOPOPO (NU. 1) 2014/2015 – felafolafoaiga faaauau i luga o le
faitauga faalua – Aso 3**

FOFOGA FETALAI: E tolopo a tatou galuega i le aso Fono ananafi, ua maea ona saunoo le sui usufono mo Faleata Sisifo, ma e manatu o lea lava sa faailo le faasologa o le tatou polokalame i le aso ananafi, ma ou te manatu e talitonu e faigofo ai lena e faaauau ai le tatou galuega i lenei aso.

Ia lau Afioga i se tasi o sui usufono mo Salega, Afioga Afualo Wood Utu Salele, ia tulai maia o lea ua avanoa le Maota mo lau saunoaga i lenei taeao.

Afioga AFUALO WOOD UTI SALELE (Salega): Ou te muai faafetai atu i lau Afioga i le Fofoga Fetalai mo le avanoa.

I le alafai mai i lenei taeao fou o le taeao totoa, ua molimauna ai pea le alofa ma le agalelei o le Atua ia Samoa atoa, e afua atu iinei i le Palemene. E moni o le Atua o le Atua silisiliese, o le faipule, o le Atua malosi, o le Atua foi o le foafoaga, ia ae toe molimau mai foi le Tusi, o le Alii o le filemu.

I lenei la taeao i lau Afioga i le Fofoga Fetalai, e momoli atu ai le agaga faafetai. Ia ma e faatalofa aloaia atu i lau Afioga i le Palemia ma lau Kapeneta, aemaise o le mamalu o Minisita Lagolago.

**Tulafono Tau Faarofi o le Faatatauina o Tupe Faapoopo (Nu. 1)
2014/2015 – felafolafolaiuga faaauau i luga o le faitauga faalua**

E faatalofa atu foi i le Taitai o le Itu Agai, le Sui Taitai faapea foi le mamalu o lenei vaega faaupufai, e faatalofa atu i le mamalu o le Palemene aemaise sui usufono ua mafai ona tatou auai.

E faatalofa atu foi i le tapuaiga mamalu a le Faamasino Sili ma le vasega o le Faamasinoga ae tainane le mamalu o le aiga o lenei aso ona o lea e tatou te auai faatasi ma le mamalu ma le loaloa foi o tamalii ma faitauga o e ua laulogia latou te taitaitina ia Matagaluega taitasi a le Malo, aemaise foi o le paia o tamalii ma faitauga o le au faasalau, e faatalofa atu.

Ia Samoa ma lau faafogaaga, e le mafai ona galo ona o lea sa tapuaia ia faiva o lau Palemene a o lo o faatamasalii, i le tapuaiga mamalu a Lana Afoga Mammalu, O Le Ao o le Malo ma le Masiifo, le Afoga i le Sui o le Fono a Sui Toifa ma le Masiifo, faapea lau tapuaiga Samoa.

O Samoa ua uma ona tofi, e tala tau Toga ae tala tofi Samoa. O ou paia foi ua uma ona faatoototo e le mafai ona ou toe auililia i sau faamatatalaga, o le paia lea e afua mai i le tai samasama o le Tuimanua seia paia le tai vaula o Nafanua na tauilo ai Malo, na saoloto ai Samoa mai ana filifiliga aemaise o le faaolataga ua mafai ona Tutoatasi ai i tatou, ma o le fata foi lena o lea e tulai ai i luga ma fau ai le Maota lenei.

Ae i le tapuaiga a le Aufaigaluega a le Atua o lo o talafautu i fata faitaulaga e fia, ia o lo outou matupalapala ua vaavyaula lea ma le Afoga Paia a le Atua, ia e le mafai ona vaeluaina e se isi, ae ia silasila le Atua ma tali i a outou galuega ona o le faaolataga ua faataoto mo i tatou.

O lenei taeco lau Afoga i le Fofoga Fetala'i, e tatau pea ona oo sau tala aemaise o si ou itumalo pele o Salega o lo o taputapu'ai mai, e afua mai i Tapapa ma Mataititili i le afio o alo o Lilomaiava, susu mai Tuimaugapo ma le aiga, ala'alatai sa Soa ma le Falefa Sa Saomai. O paia o Iilili, ia o lea e afio ai le afioga i le Sao le afioga ia Toomata, afio le Toafa o alii, ia tainane le ala'alatai o Saleutogi Poe na alii matua i ai tofi'ga. O paia o mala'efa i Samataiuta, ia o lea e afio ai ia Tootooalii pola puipui e le mamalu o Saleutogi Poe, o le paia o le Mala'olema o afio ai Afualo ma ona alo e toafa, ala'alatai lau fetalaiga Faimanu ma le mamalu o le Alataua. Ia tainane foi le afio o le aiga Fualau ma le aiga alii, afio lau afioga Fepule'ai, afio Tlilafono ma Faavaoga ma le Gafa, ala'alatai lau fetalaiga Tuisalega na alifitai oe ma pule oe i lou itu. O paia o Siumalae ma Vaipua, ia o lea e afio ai le aiga Samooleoi, susu mai le Alama'ota ae tainane le ala'alatai o Matautuvai ma upu o le Alataua. O paia o Fogasavai ia o le ma'ota o Tumua o lo o afio ai le afioga i le Gafa ma le Toafa o ou alo, susu mai le matua o Moou'i, afi'fo mai Maopu, ala'alatai le Fualala o Sanuu, aemaise le ala'alatai o le Taupololai, ma si ou nuu o Sagone i Vaimolai ma Fetolai, le afio lea o le aiga Samooleoi, afio le alo o Lilomaiava, afio le Maopu, susu mai le Matua, ala'alatai le Falesefulu o le ati Togia ma le mamalu o le Alataua. Ia o ou paia ia Salega, afai foi ua pau se tasi i lau faafogaaga, ia o oe e te tausi vaatele, ia o lea ua oo atu se faamatatalaga e tusa ai o paia ia tatou te sapi ai i tofi'ga ua i ai nei.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitaaga faalua**

Lau Afioaga i le Fofoga Fetalai, e le mafai ona galo ia le galuega o lo o asuina le Ipuvai o le Ola i le Aufaigaluega a le Atua i le itumalo o Salega. Faafetai mo a outou tapuaiga i fata faitaulaga e fia, faafetai mo le taulaga momoli pea i aso uma, ua le gata i le tofi ia te au ma se tasi foi o uso ia Tapuai, ae o lo o outou tatalo foi mo le Palemia ma le Kapeneta, faapea foi lenei itu o le Maota aemaise o lau Afioaga i le Fofoga Fetalai ma le mamalu o le Palemene.

Ona agai mai lea o sau faamatalaga i lenei aso e le tele se.....ona o lea ua maea ona taoto ia manatu foi o le Komiti sa iloiloina le Komiti o le Tupe, e momoli atu lau faafetai tele i lau Afioaga i le Palemia, ia o ia foi lea o le Minisita o Tupe ona o le pulea ma le toto ma le faasoasoa ma le tatau, atonu e le tele se faasoa e utiuti, ae ua taumafai lava i lenei vaegatupe ua mafai ona faasoasoa mai ina ia tali atu i manaoga e tele ma le anoanoai o manaoga o Matagaluega sa tuuina mai, ae peitai ua lautogia lava manaoga e tatau ona faasafua i ai le Tala Faatatau o le Tupe mo lenei vaitau ina ia mafai ona faaauau ai pea galuega ma le atinae o le atunuu.

O le a agai atu sina au fautuaga ma e amata atu i le Minisita mo Leoleo ma Falepuipui. O le fesili lava ia e tuusao ona o le tausaga mulimuli lenei lau Afioaga i le Minisita. Ou te fia malamalama lava ona o lea foi e talatalanoa si ou itumalo po o fea le mea ua oo i ai le pou lea sa ou talosaga atu ai. Ia e faigofie lava aua foi o lea na e saunoo mai i le isi taimi, o lea e taoto ia maua ma si ou uso le Sui Fofoga Fetalai, ae e tatau ona fai e lau Afioaga le faaiuga i ai, a o lea foi e sauni le itumalo o Salega i le avanoa lelei lea ona o le toatele o le itumalo o lea e i luga tonu lava i le ogatotonu o Salega. A faapea o i ai se fuafuaga i lalo i Salailua, o le upu moni lava, e le talafeagai, ona e uma loa Salailua togavao loa o lou gutu ma le afi seia oo mai i Taga, a o le mamalu o le atunuu lea e faasolo atu i Gagaemalae ma Salega, aemaise lava le auunaga lea e taua tele aua o le auunaga e tali atu i manaoga o le atunuu pe afai ua i ai ni feeseeseaiga e le gata i aiga, a o tupulaga foi. A o lo o mamalu lava lea itu e tusa ai foi o le pulega a alii ma faipule o lo o lagolagosua mai i lau Afioaga e tusa ai ma le tausia o le filemu. Ae pei o le tulaga lena ua ou faafesili atu ai i lau Afioaga ina ia faamanino mai aua toe pau lenei o le tausaga o le tatou Paeaiga a ua mautinoa po o fea tonu e taoto ai. Ae faigofie lava, aua e pule lava lau Afioaga.

E faamalo foi ma faafetai ona ua ae se tofa i lau Afioaga aemaise foi le Afioaga i le Palemia ma le Kapeneta ina ia toe fuafua lelei le falepuipui aemaise foi o le tele o tatou lea e autovaa i uta i se nofoaga e mautu lelei, ona o lea lava e aliae mai pea le tele o faafetai ia tatou e sosola mai i tua o la e lava ua mafai ona fuafua mo lenei vaitau.

Lau Afioaga i le Minisita mo Galuega, Felauaiga ma Atinae Eeseese, faafetai tele lava. Atonu sa musumusu atu lau faafetai, ae na ou manatu lava, ua tatau pea ona momoli aloaia atu, ona o lea... atonu ua tiga o taliga, ua oo mai foi le tele o itumalo, o lea masalo toetiiti maea le auala o Sagone.

**Tulafono Tau Faafifi o le Faatatauina o Tupe Faapoopo (Nu. 1)
2014/2015 – felafolafolaiuga faaauau i luga o le faitauga faalua**

La masalo o le auuala lea ua lua i le tolu Paeaiuga faatoa fai, ae faafetai tele lava o lea ua tapena le alagalue, ae se i silasila atu i le faasolosolo atu i O, aemaise lava, o la e feooloo auala o isi pitonuu, ae vagana ai auala la e i o i Fiaiai ma Fogatuli ma Samata i uta ma Fagafau, e manaomia pea sira fesosoani, a o lea e tau faasasoa.

O le talosaga i lau Afioaga, o le auuala lea e alu i tai i le matou Kolisi i Savaii Sisifo, e matuai leaga lava le auala, a o i lea e autovaa i ai le mamalu o le itumalo, ina ia faigofoe, aua e le mamao tele lava, ae moomia lava le toe faafa lelei, aemaise foi o lea e tele meatotino a le tatou Malo lea e i tai e le gata o faleaoga, ae o lo o i ai ma le malae lakapi faava o Malo lea e i Sagone. Faamolemole se i silasila ifo i ai ina ia fesosoani, aemaise o lea o le a toe ae le aoga mo lenei fausaga. E toe talosaga atu ai, ona o le vai o Sagone e mai, e suaiua. Atonu foi o lea sa talosaga atu, ae atonu ua aoga lea o lea ua faatino le auala, e tatou ai ona toe ave le pamu i uta e vili, ina ia maua tonu le faatanoa lea e i ai le vaimagalo lea e mafai ai ona maua ma taumamafa le itumalo. Aua o le mea la e tupu, e fesootai mai uma i Sagone paipa la e vili i luga i Fogasavaii, Fogatuli ma Samata, ona tau magalo ai lea o le vai, a o lea foi e inu ai ma Gagemalae, a o lo o manaomia e le itumalo, aemaise lava o paipa ia o lea e taulai mai i le maota gasegase lea i Gagemalae i le tulaga lea. Ae talu ai o lea ou te i i lau Afioaga, faafetai tele lava ona o lea ua amata ona toe faaleleia le tatou uafu lea i gatai i Matautu. Faafetai foi i le Afioaga i le Palemia mo le... ae o le tunalalo po o fea le mea ua oo i ai... o la e lava e le i i ai se galuega ua faia i le uafu i Asau. O lea foi e fai lava ma o i Savaii ma taamilomilo ifo i ai, o lau lava vaai i ai, o le uafu lea e i Asau ou te faatusaina o le taulaelea o la e moe, e tatou ona fatagau i luga le taulaelea po o le sauai foi o la e moe, sleeping giant. E tatou ona silasila i ai ina ia tali mai i manaoga o le tatou atunuu aemaise foi o le tapenaina o Savaii. O lea lava ua vaai atu ma le fotoa, o le tele o atinae, o lea e taulai uma iinei i le motu i Tumua nei, a o lena e i ai le anavatu a le Vaega Faaupufai, o tatou uma lava na, o le mea e lelei mo Upolu, e tatou foi ona lelei mo Savaii. Ae se i silasila i ai, aua o lea foi e faasolosolo ina ia mautinoa ua tali mai foi manaoga o lena atinae mo le manuia o le atunuu. Ae faamalo mo galuega aemaise foi o fuafuaga mo lenei tausaga, e le faigofoe, o oe e fuafuaina.

E tusa ai o galuega o le Siosiomaga, o la e lava... ae o lo o manaomia pea... o le tele o nuu matululuga e le manaomia ni taligalu, masalo o le tele o le tafifa foi lea i timuga po o le mafuaga o la e soona ta lautanua ia i uta. O le tele o nuu, pei o se tuatalo lea i lau Afioaga i le Minista mo le Siosiomaga ina ia silasila i ai, aua pei e aafia uma ai nofoaga ia e tapue ai le suavai, ina ia mautinoa ua malupuipua, aemaise o Fogatuli la e i ai le isi pamu. Na sau le talosaga ia te au ua lua vaiaso, o la e faasa e le mafai e le Ofisa o le Vai ona vili atga la e lataata i le ofe. Sa ou fesili lava i ai pe aisea, ae faamatala mai, ona ou toe fesili lea i le Ofisa, tau mai e le Ofisa e le mafai ona o la e lataata i nofoaga ia, ne i te i ua aafia le suavai lea e alu i lalo i le faatanoa lea e pue ai le vai.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolaloaiga faaauau i luga o le faitauga faalua**

Ae tuu atu pea i lau Afioa e fai ma asiasi, aemaise lava nofoaga ia e tutu ai pamu, aua o la e ua i ai nuu ua ou vaai ua tele ina nofoia, ia i ai se tapulaa foi lea ia aua ne i nofoia ae faaavanoa lea e toto ai laau. E le aoaia e Laupua Tamafaiga aua ua e silafia mea ia, a o se fesoasoani ina ia mautinoa ua malupuipuia vaitaumafa o nuu ma alaalfaga aemaise foi o le tatou atunuu i le tulaga lena.

Ona ou oo mai lea i lou uso a Minisita mo Aoga, faafetai i lau Afioa ona o le tele o tapenaga mo lenei tausaga. Ou te lagona lava e le faigofie, ua upuia foi oe i le tele o mea fou ua fai, ae o mea e tatau ona fai. Ae i lenei tausaga, ou te momoli atu le faafetai ona o le tolu lenei o tausaga talu ona kolisi lou itumalo o Savaii Sisifo. Ia atonu foi o lea sa sausaunoo lou uso le Sui Fofoga Fetalai, o faiga faavae foi na o lea na ou faalogo ai i Savaii, o lea o le a alu atu le Pule o Palauli Sisifo, o ia lena o lea o le a pule i Savaii Sisifo, ae o le a autovaa mai le pule o Savaii Sisifo i Palauli Sisifo. O se faiga faavae lelei, atonu foi o lea e atugalu le Sui Fofoga Fetalai i ai, ae ou te masalo o mea ia tau o pulega lelei, aua ua loaloo o tulai mai pea Palauli Sisifo i le tele o sui e omai. O le tele foi o tama ma teine lea na au mai, o tama ma teine mai luga i Salega, a o la e ua fai le kolisi. Sa taumafai lava i matua, ae peitai, o le tolu lenei o tausaga. O le tausaga muamua, sa leai se sui a le itumalo e au mai i le Lunivesite. O le tausaga lua, sa maua le toatasi, o le tausaga lea na tea nei ua toalua. Ia o le tala masani lava foi lea, e fai fai nice. Aua o le upu lena na fai i ai, toaga laia e fai aua o lea ua tali mai le Malo. Aua a oo loa ina toe aveese le kolisi ma tatou, ona le mafai lea. A o la e ua faasolosolo ua maua alo ma fanau, ina ia tulai mai i le tulaga lea. Ae faafetai tele lava. E moni lava o la e ua i ai fuafuaga fai mo le faaauppegaina o faiaoga, ae toe silasila totoa ina ia mautinoa o lea e moomia foi nisi faiaoga. O le manaoga foi lea mo aoga uma a le mamalu o alii ma faipule.

O le tulaga lea sa tulai mai i suega ia ua maea atu nei, sa i ai lava lou lagona, pe le alagataatau ona toe silasila lau Afioa ae vaelua le Matagaluega o Aoga, tuuese lalo i le primary, tuuese le kolisi, secondary. Aua e pei lava o le mea lea ua tupu mai nei, o lea ua tuuese le Pulega i luga i aoga maualuluga i le Lunivesite. Atonu o se isi lena auala e fesoasoani ai ia te oe e tau foia ai le tele o faafitauli ona o le tele o le Matagaluega, ma mafai ai ona faatino le tele o faiga faavae lea e tau faasoaso atu ina ia tali mai, aua o le humanai lea o le atunuu.

O le tulai mai o le maualalo o le pasi o le faa-Matematika i le Vasega 13, o lena foi sa fai semina ma aoaoga e tau tali atu ai, ua tali foi le Ofisa e tusa ai o... ae o le **popotega lea e ia te au, a faapea o le toatele o alo ma fanau lea ua** le mafai ona ausia le... o lea lava e o i gauta i le Lunivesite, atonu o faafogafoga mai le Lunivesite, e aafia le filifiliga a le tama ma le teine pe a alu atu nei i le Lunivesite e maualalo lana numeru. O lena e te silafia lelei lava. Po o ua silasila i ai le Lunivesite i le tulaga lea. Aua a faapea e na o le 1/3 lea na pasi, o le matuai tele lava o le faaletonu. I le aafiaga la lea o le a tupu mai nei i i, e aafia ai ma le filifiliga.....

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaanau i luga o le faitauga faalua**

FOFOGA FETALAI: Malie le sui usufono o lo o saunoa, se i tuu atu le avanoa i le Afioaga i le Minisita mo Aoga, Taaloga ma Aganuu. Tulai mai lau Afioaga i le Minisita.

Afioaga Hon Magele Mauiliu (Minisita mo Aoga, Taaloga ma Aganuu): Faafetai mo le avanoa, faafetai mo le sui usufono mamalu mo le finagalo ua faaalua. O la e ua sauni le Iunivesite.... o le a ou talanoa i se taimi i le fesuaiga lea, a ua uma ona talanoa i ai, ua maua mai tatou results, o lea ua fiafia le tatou Iunivesite ua toe foi lava i le mea lea na manao ai foi latou. O lea foi la ua sauni latou e tali manaoga ia o tatou suega.

O le faaitiga lea ma le faaalalo lava.

FOFOGA FETALAI: Malo faafetai. Ia, tulai mai le sui usufono e faaanau mai le saunoga.

Afioaga AFUALO WOOD UTI SALELE: Faafetai. O lea ua saunoa manino le Afioaga i le Minisita, ae pei o le numera lea sa tau faapulapula atu, ona o le numera e ogatoronu i le tele o le filifiliga o mataupu faa-Saienisi aemaise foi mataupu faapisinisi. O faiga faavae lava e masani ona taoto, a e le maua le fa i le grade lea e te alu atu ma oe, e aafia uma lava le filifilina o mataupu e le gata o le faapisinisi, ae faapea uma lava mataupu o lo o ave i le faa-Saienisi, ona aafia ai lea o le lumanai o le tama ma le teine, ae pei o le agaga lena. Ae faafetai pe afai o lea ua silasila totoa i ai le Iunivesite ina ia mautinoa ua toe iloiloina le tulaga lea.

I le tulaga lava ia i le tunaita o le suega, e le i alagatatau lau Afioaga i le Minisita ona toe silasila, aua ia te au lava ia, ona o lea sa ou tusia nisi suega. O le mea lea ua ou matauina, na o le tolu lava itula lea... o lea foi e tele ina faatino e le Iunivesite, ae suesue ai le curriculum atoa lea e acao e le tama ma le teine. Pe le i oo i le taimi ua tatau ona toe silasila i ai ina ia mautinoa lelei ua tapena le... E pei lava o mea ia e fai i lalo i le competency lea e faaoga e lalo ina ia mautinoa lelei ua mafai e le tama ma le teine, aua e i ai lava alo ma fanau e i ai le mealofa a le Atua i o latou mafaufau. O le upu monti lava lena, a o le toatele foi, e le maua le faamanuiaga lea. E moomia la le tapena o le lotofafile ina ia mautinoa lelei ua ausia uma le tele o le faamanuiaga lea. Aua o le mafuaaga lea, ou te talitonu e le...

FOFOGA FETALAI: Malie le sui usufono o lo o saunoa se i tuu atu le avanoa i le Afioaga i le Palemia.

Susuga Hon Tuilaepa Fatilofa Lupesolai Aiono Neioi Saitile Maleleagaoi: Lau Afioaga i le Fofoga Fetalai, masalo o lea ua tali le Minisita i le taimi foi o le a ia faamalalamaina ai le auata tele lava lea ua latou faia ina ia maua ai faiaoga ia. O le tele ia o le faiga lea ua aloaia ai le Minisita. O le tele foi o matou nei, sa matou faiaoga foi matou. O le taimi sa ou faiaoga ai i le matou aoga foi lea Suetusi ma ou faia foi pepa o suega.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

O le mea lea sa ou matauina, a faaletonu lava faiaoga e faaletonu foi tamaiti aoga. O le tulaga sao lena, o le ala foi lena e ala ai ona fai le faiga faavalevalea lea po o anafēa na amata mai ai, o le toe re-grade i luga o maka e nana ai i ina le incompetence o le aoga ma le faiaoga, o lea ua taofi. E pei ua avea le taofiga i le tausaga lenei ua aliali mai ai le mea lea. O lona uiga o se faiga maoae lea i polokalame e aliali mai ai i le malosi o le agaga lea ua agai i ai le Minisita, le Pulega ma le aufaigaluega i le fofoina o le mataupu lea faatasi ai ma le Lunivesite.

O le fesoasoani atu lena, ou te lagona o la e tele mataupu o lo o moomia e le itumalo, a o le tulaga lava ia o mea tau aoaoga, o lea ua tagofia e le Afioaga i le Minisita.

FOFOGA FETALAI: Malo. Tulai mai lau Afioaga i le sui usufono mamalu e faaauau mai le saunoaga.

Afioaga AFUALO WOOD UTI SALELE: Faafetai atu i lau Afioaga i le Palemia. Leai e le o agai atu sau faamatalaga i le tulaga lena, e le o le uiga lena o lau faamatalaga. O lo o manino lava, o le mea ua leva ona tatau ona fai, a o lea faatoa fai. Ae faafetai o lea ua agai i luma fuafuaga mo le manuia o le aoaoina o alo ma fanau e tusa ai foi ma le poto salalau.

Ia ona oo mai lea i lau Afioaga i le Minisita mo le Soifua Maloloina. Ou te talitonu sa tele ina alofia oe ona e oo loa ia oe ua uma ai foi ma le matou taimi. A o le agaga mama lava ia, o le upu tuusao, e le o oe foi o se isi. O lea faafetai tele o lea ua maea Motootua, e \$100+miliona, ae faatoa ou sau nei lava mai Savaii sa ou afe ifo i Tuasivi, ou taamilomilo ai. Faafetai mo le maota gasegase la e i Sataua, o la e o lo o faaauau le galuega sa afe foi i ai ma matamata ai. Faafetai atu ai i le Malo i le fuafua foi ma le manatu atu ona o la e ua ave tonu le falemai i le ogatotonu o le itumalo i le mea e tatau ona i ai e autofaga uma i ai le mamalu o le itumalo. Ae pau lava lau... ona o le tulaga la e i Tuasivi, o le a se fuafuaga ma le silasila mamao a lau Afioaga? O lea ua tapena le taulaga lea i Salelologa, o Tuasivi foi ia e pumoomoo se i tulou, ae tatau ona o lea e i ai fanua o le tatou Malo, se i silasila i ai, ae o i ina e tatau ona tapena lelei ai. O lea ua uma le \$100+milliona lea, ae o ni nai miliona laiti lava e toe fai lelei ai le tatou falemai e aumai i Salelologa ma le tele o isi Ofisa la e i ai, ona mautinoa lea ua ogatotonu, aua o le tulaga la e i ai, a aumai le mai mai Savaii e aumai i Motootua, o le toatele lava e faatofa, aua a faapea... e maluu atu lava iinei le gasegase pe a le maua se fofo. O le toatele la, e le gata ina maluu, ae taugata mo aiga nei e siimai mai, aua e fai o fate maluu.....

FOFOGA FETALAI: Malie le sui usufono se i tuu atu le avanoa i le faamalalamamaga a le Minisita mo le Soifua Maloloina.
Tulai mai lau Afioaga i le Minisita mo le Soifua Maloloina.

22 JANUARI 2015

**Tulafono Tau Faaofi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitauga faalua**

Afoga Hon Tuitama Talaleti Tuitama (Minista mo le Soifua Malooina): Lau Afoga i le Fofoga Fetalai, ona ua feoloolo nai fesili ia ou te sauni i ai i le taimi ou te tali atu ai, sa ou le tutulai ai i fatia ua sola ona sa ave pea le avanoa i sui usufono e sausunoa ai i vaega ia. Talu ai la ona e talifonu ua lava ma totoe ia fesili e alu ai sou tolu itula mulimuli ane, ua ou manatu ai e sili ia le tali atu o le sui usufono i lana faafesili i lenei taimi ina ia faaititia ai se taimi e toe alu mulimuli ane.

O le faafesili lau Afoga i le tulaga lea i Tuasivi, o le taimi nei, o lea o lo o talia le faagasologa o fuafuaga faaooto faatasi ma le faamautuina o le vaegatupe lea e aumai i le SWAP e faatino ai le faafouina o Tuasivi. Sa ou talanoa ananafi i le tulaga foi lea o le tuueseeseina o le A&E ma le Outpatient, o le faafouga foi la lea o Tuasivi, o lo o i ai foi le fuafuaga lena, ina ia tuueseese o le A&E ma le Outpatient. O le faafouga foi la lea o Tuasivi, o lo o i ai foi le fuafuaga lena, ina ia tuueseese le A&E ma le Outpatient, faatasi la ma le toe faateleina o le faata faatasi ai ma le fale suetoto. E feoloolo lava la nai suega ia ua faaomoeina nei mo Tuasivi. E le gata i lea, i lau asiasiga i le vaiaso lea na tea nei i le Aso Faraile, sa ou asiasi ai i Tuasivi, e i ai foi nisi manaoga e tatau ona faaleleia i Tuasivi, lea ua faaomoeoe e avea le avanoa lea o le a toe faafou ai le falemai e asiasi ai i tulaga ia. E manaomia ni moega fou, e vevela foi le tele o potu o lo o i ai, o lo o ua fautuaina foi le Matagaluega ina ia i ai foi se potu e isolate ai mai foi nei e pipisi. O lea ua faagasolo i ai fuafuaga a le Matagaluega i tulaga ia. E le gata foi i lea, o totonu o le ward ua matuina lava ua faasolo ina tuai potu o lo o faooto ai gasegase. E fasi foi lea vaega lea ua agai i ai le faasologa lea.

O le tulaga i le toe silita o le falemai pei ona saunoa i ai le sui usufono mamalu, manatia le faautautaga, ae ona pau lava o lea, silasila foi, o se galuega tele le galuega e toe fai. O lo o i ai nei i Tuasivi, faata uma lea ona faatino le tatou auunaga foi lea o le faamamatoto, e ono moega la e ua i ai nei i Tuasivi e faamama ai toto. O lea la ua mafai ona tali atu i manaoga o tatou gasegase i Salafai, lea sa masani ona autovaa mai faatolu i le vaiaso i le fale faamamatoto i Motootua ona e leai se tulaga faapea i Tuasivi. O la e la ua manatu le vaega lea, ma e le faigofie foi le tulaga na fausia ai le faaomoeoe lea mo le tali atu i lea manaoga.

O le tasi, ua maea foi ona toe lipeta le tatou fale maluu i Tuasivi, ona o le faaomoeoe lava ina ia tali atu i manaoga tau le soifua maloloina i tulaga uma ia. Afai la ae toe silita le falemai, o se galuega tele o le a feagai ai i le toe silita. E le gata la i lea, afai foi e silita i le taimi nei, ua i ai le manatu, e le toe manaomia se falemai i Salelologa. E pei ona silasila, o lo o faagasolo nei fuafuaga mo le fausia o le falemai i Satupaitea. O la e ua uma ona tapena le fanua, ua uma foi ona fai fautanga ma le itumalo o Satupaitea mo le faatinoina o le faaomoeoe lea. Ua tuai nei ona faatino, ona o lo o talia seleni sa talosagaina mo le faaomoeoe lea. I le va la o le falemai lea ma le tatou uafu i Salelologa, e leai se mamao, e le atoa se 10 minute.

**Tulafono Tau Faaofi o le Faataaaina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

Ona i ai lea o le manatu, e tusa ai ma le finagalo o le sui usufono mamalu, ua i ai le talitonuga e le manaomia se tulaga o se isi falemai i totonu o Salelologa, ma o lo o i ai le va lea i le va o Satupateaa faapea foi ma Tuasivi.

Lau Afioa i le Fofoga Fetalai, pei o le ala lena leaga o lea e agai pea le Afioa i le sui usufono mamalu i tulaga ia, ae leaga e maumau ai fua lona taimi, ae mo nisi vaega e fia saunoo i ai, a o le tulaga tonu lea o lea ua i ai fuafuaga a le Matagaluega mo Tuasivi faapea foi ma Satupaitea. Ma le faaalalo lava.

FOFOGA FETALAI: Malo faafetai. E manatu ua manino ma malamalama, atonu foi e le toe afea i se finagalo o se sui usufono e toe saunoo. Tulai mai se tasi o sui usufono mamalu mo Salega, Afioa Afualo Wood Uti Salele.

Afioa AFUALO WOOD UTI SALELE: Faafetai i lau Afioa i le Fofoga Fetalai, faafetai foi i le Minisita mo le tali manino, ae pei lava o le fautuaga, ia tuu atu pea ona o lea e agai i luma fuafuaga, aemaise o lea ua faataoto fuafuaga a le Malo i le taulaga i Salelologa, e pei o le agaga lena. Ae mafai lava ona faaaua Tuasivi ma Satupaitea o falemai faaitumalo. A o lau tutu ai i Tuasivi, e ese le manaia ae tu ai i ina se faletalimalo foi lea pe tolu, pe fa, pe lima foi fetu, e faaauaga atu ai le oneone paepae le la ae aumai le tatou falemai i i, ona tele ai foi lea o ni galuega a lena itu. Ae tuu atu pea, faafetai o lena ua e tali manino mai.

Lau Afioa i le Minisita mo Faatoaga, faafetai lava o lea ua sausaunoo foi le mamalu o le Fono e tusa ai foi ma tapenaga, o lea sa manino lava mai le amataga o lenei Paeaiga, na faataoto mai lava i le manulauti ina ia oo mai i le tausaga lenei ua ausia le 20 pasene, o lou sao lea o lau Matagaluega aemaise foi o faatoaga i le tamaoiga o le atunuu po o le GDP. O lau fesili, po ua tai latalata i ai? E moni lava o lea ua tali mai foi fua o faaeleleaga i faatoaga, o lea foi ua siitia tatou oloa ia e ave i fafo e ala i fua o faatoaga, a o lea foi e tapena le fale fasimanu. Ia malo lava, ae pei o le agaga lena e i ai ina ia mauiinoa ua agai i luma ma galulue ma le Matagaluega. Ae i ai lava si vaega mauiinoa ua agai i totonu o le Lipoti a le Komiti o Tupe, se i toe silasila laitiiti lea o lea foi e i totonu o le faeseeseaiga a lau Matagaluega ma le totoa ifo lava ona o lea e i ai le faeseeseaiga a lau Matagaluega ma le Matagaluega lea e faamaumauina fuainumera i le aofaiga o manupapalagi lea e i le tatou atunuu. E taua tele ina ia sao lelei, aua o la e fetotoai, aua foi o lea e talitonu le Ofisa o Fuainumera Faamauina, e sao le latou fuainumera, a o lea foi e talitonu lau Matagaluega, e sao lau Matagaluega. Ae ina ia sao lelei, aua o le fautuaga lea e aumai, o le fuainumera sao e aumai i lau Afioa aemaise o le Palemia ma le Kapeneta e fau ai ma faatonutonu lelei faiga faavae ina ia aua ne i toe tupu, a ia agai i luma fuafuaga mo le... Ae faamalo lava faafetai i lenei tausaga i galuega fai.

Lau Afioa i le Minisita mo Tina ma Tamaitai, Atinae o Nuu ma Afioaga ma Agafesootai, e le tele sau... ae o lau talosaga vaivai i lau Afioa, se i toe silasila ifo lava i le faaaloaga o nai pulenuu ma nai tamaitai.

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafoaiga faaanau i luga o le faitauga faalua**

O la e na talosaga mai lava le toatele, e manaomia se fesoasoani i lo latou totoi. Ae o lena e i lau Afioega le uta a le fairnea, e toe silasila i ai pe gafatia. A le gafatia i le Tala Faatatau o le Tupe, ia e le afaina, ae ona o lea sa logo mai foi au ou fai atu, ia se i ou musumusu i ai i le toaina, o la e foi e i ai le lagona faapena, ae fuafua lava agai i le Tala Faatatau o le Tupe ma le tupe e mafai ona ao e le tatou atunuu i lenei vaitau.

O le tomai lea ua i ai nei i le faasalau, ia, po ua tofutofusia uma lau Afioega i le Minisita le internet mo aoga uma lea sa faasolosolo, ona o lea e folliga mai o Savaiti i le matou itumalo o la e ua i ai computers nei, pei o le isi lea vaega e fesoasoani tele i aoga a tamaiti ina ia mautinoa lelei ua oo atu ma faamanino, aua e i ai le polokalame lena e i ai.

O le vaega mulimuli lava ona o lea... se i vaeane lava lou gutu ma le afi Laurafi, ona o lea e moni e te fou mai, ae leai o oe ua e masani foi i mea nei. O le Afioega foi i le Minisita o Tupe po o le Afioega i le Palemia lea e i ai fanua ma elelele, se i toe silasila ifo lava i le falelalimalo foi lea, faafetai o lea ua tapena le falelalimalo i Malifa ona o lea ua manuia tele fuafuaga o lea ua faamatuu i le aufaipisinisi e le Samoa Land e tapena e latou ma... ae ao mai e latou ia... ae se i toe silasila i ai po o sao le la falelalimalo ae toe faamatuu i le aufaipisinisi e fesoasoani foi ia latou, ae mautinoa ai o lea ua patino ma ao a tatou tupe maua.

Ma le vaega mulimuli lau Afioega i le Fofoga Fetala'i, o lau fesili i le Afioega i le Palemia aemaise o ia lea o le Minisita o Tupe po o le Minisita o Tagata Tafafao Maimoa Mai ona o lea ou te faalogo lava o lea e sau faasalalauga i le faaogaina o le kasino. Ia, o lea e manino lelei le Tulafono lea e taoto a tatou i le taunafaina o le ava, o lea foi e i ai le Komiti... A o lea ou te tau faalogo atu i faasalalauga e tau lava i le 4 o la e lava e faatau. O lau fesili e fia malamalama ai, pe faataga le kasino e faatau le ava i itula ia i tua atu a o lea e i ai falelalimalo ma le tele o isi, e oo loa i le taimi ua tapulaa, a ia faigofo, ae afai e i ai, e le afaina. Ae ona o lea e faasalau mai lava, o lea e faalogo foi i ai ma fesiligia mai foi e le mamalu o le tatou atunuu ma fuafuaga mo tatou tagata tafafao. Faafetai mo le atinae lea le Lamana, masalo o le toatele o outou e le o mafai ona autovaa atu i tai, ae o le manala ia o le atinae lea, o le tele foi ia o tagatanuu i lea faitu o lo o mafai ona faafagalugaga ai. Atonu o le agaga atoa lea ina ia tele ni atinae faapea ina ia mautinoa lelei o lo o faaanau, aemaise foi o Savaiti, o la e taunafai lava ina ia tele nisi atinae faapenei mo le manuia o le atunuu.

Lau Afioega i le Fofoga Fetala'i pau ia o nai maratu o le sao lea o Salega e fesoasoani i le Tala Faatatau Faapoopo o le Tupe i lenei tausaga, ia alofagia e le Atua ia faamanuia i le Palemia ma le Kapeneta ma le taitaiina foi i lenei tausaga, aemaise ia i latou foi o lea ua mafai ona autovaa mai tatou te scalaupule faatasi ia maratu ma fuafuaga mo le manuia o le atunuu.

Lau Afioega i le Fofoga Fetala'i, ia maua pea le tofa e saoloto e te taitai ai ma le filemu aemaise o le mamalu o le Atua ina ia manuia a tatou fuafuaga fai. Manuia Samoa lau tapuaiga.

22 IANUARI 2015

**Tulafono Tau Faaofi o le Faataauina o Tupe Faaopoopo (Nu. 1)
2014/2015 – felafalafaiga faaauau i luga o le faitauga faalua**

Ae le i maea ou te avatu le faamalo ma le faafetai tele lava i le Palemia ma le Kapeneta ona o le toe tofia o le Sui o le Fono a Sui Tofia e faaauau ia ona tiute. Ia lau Afioiga i le Tuiaana ia o upu lava ia, o le tagata lava ia e savali i ala o le Atua e fiafia, e manuia ma e saoloto foi. Ia o lau talatala atu lea e faaiu ai le lauga a Salega, ia manuia lava lenei aso, faamanuia mai le Atua, faafetai.

FOFOGA FETALAI: Malo faafetai. Ia e manatu o lea ua tatou taunuu mai i le taunuuga o saunoaga o se tasi o sui usufono mo Salega, faamalo atu Afualo, faamalo saunoo, faamalo tullei i lenei taeao.

Tofa MOTUOPUAA UIFAGASA AISOLI VAAI (Vaisigano Nu. 2):
Lau Afioiga i le Fofoga Fetalai.....

FOFOGA FETALAI: Oi, e te fia saunoo lau Afioiga i le sui usufono?

Tofa MOTUOPUAA UIFAGASA AISOLI VAAI: Ia na o sina mea puupuu lava.

FOFOGA FETALAI: Ia e ava tele leaga o lea ua uma ona fai le faaiuga ananafi, e toe o le masaga lea e totoe, toe lava o le Taitai ma le Sui Taitai ia ona uma loa lea o la outou pito. Ae tulai maia, le sui usufono mo Vaisigano Nu. 2, leaga e faigata o lea e te ta ma e aau mai i Savaii, e mamao le mea e te afio mai ai o le a avatu le avanoa i lau Afioiga i le sui usufono mo Vaisigano Nu. 2, tulai mai.

Tofa MOTUOPUAA UIFAGASA AISOLI VAAI: Faafetai i lau Afioiga i le Fofoga Fetalai mo le avanoa. Ia o le a faapuupuu, ona o lea ua maua sina ou avanoa laitiiti. Sa ou manatu e leai sau lauga e faia ona o faasea ia ma lauga ia na tatou faalogo mai lava i lena fa tausaga o lea ua...ia o le mea lava e tasi, o lea na o sina faaopoopoga laitiiti ona ou toe nofo ifo lea i lalo.

Lau Afioiga i le Fofoga Fetalai faafetai mo le avanoa. E faatalofa atu ai i lau Afioiga faapea le paia o le Malo, faapea foi lea itu le paia o le Palemene. I lenei taeao ua tatou faatasi ai foi ma Faauluuluga o Matagaluega faapea le mamalu o le Ofisa o le Fono le susuga i le Failautusi. Sa ou manatu, e tatau lava ona ou tu ae e fai sina tala puupuu ia ma faamanuia atu le Kerisimasi ma le Tausaga Fou i lau Afioiga, e faapea foi le mamalu o le Palemene faapea foi le mamalu o Samea o lo o faatogologo mai, aemaise o lou itumalo o Vaisigano Nu. 2.

Ae o lenei taeao lau Afioiga i le Fofoga Fetalai, sa i ai sou manatu o le a tele sau lauga i le Ofisa o Aoga talu ai ia result ia o le tatou Maths exam lea e very disappointing, ona o lea ua tali mai le CEO o le Matagaluega, o le suega na fai lava e alii polofesa o Lecturers e toatele tagata na faia, ae na base lava i luga o le curriculum.

22 JANUARI 2015

**Tulafono Tau Faaofi o le Paatatauina o Tupe Faaopopo (Nu. 1)
2014/2015 – felafolafolaiga faaanau i luga o le faitauga faalua**

O lea la, o le a ou le toe oo la i ai ae na ona faaali atu pea lou faanoanoa i nei results.

I aso ia lau Afiooga i le Fofoga Fetalai a o matou aooga i le Samoa College, a ave e le tagata o la outou vasega ae ave le mea lea o commercial practice po o le accounting, se pei e look down i ai, e a? o le tele lava o kolisi ia pei o le Samoa College o le....,pei e base lava i luga o le science, ia ae vaai nei la i tamaiti nei e o atu e o i Fiti e fia fesili atu, e o atu e fai a latou kilia foi ia e o i Fiti, o le a lau mataupu e ave? o le Arts, tocititi lava o le 99% o le Arts. Ia o le mea lea, e le o faasea atu i lau Afiooga i le Minisita ma le Matagaluega, pau lava le fautuaga ia toe sasaa le fa'ao, ia aua ne i avea nei mea ma mea masei, ia ae toe iluilu lava le tofa.....

Afioaga Hon Magele Mauiliu: Lau Afiooga i le Fofoga Fetalai.....

FOFOGA FETALAI: Ia malie le fautuaga a le sui usufono, se i avatu le avanoa i le Afioaga i le Minisita mo Aoga, Taaloga ma Agannu, tulai mai lau Afioaga i le Minisita.

Afioaga Hon Magele Mauiliu: Na ona ou faafesili atu lava i le sui usufono pe manao e toe foi i le mea lea na tatou o ese mai ai, ma faafufula i luga ia maka o tamaiti lea e mafua ai, o le mea tonu lava lea e mafua ai ona vaivai tamaiti o le Science i le taimi lenei ma le Maths, ona o le faafufula lea na i ai. Ou te fesili atu la i le sui usufono, pe tatou te toe foi i tua i le faafufula? Faafetai.

Tofa MOTUOPUAA UIFAGASA AISOLI VAAI: Lau Afioaga i le Fofoga Fetalai, afai ua fula, ia ave i le falemai e tipi ese ai, ioe.

FOFOGA FETALAI: Leai, saunoa mai pea o oe o le alii fomai e te malamalama po o le a le mea e foia ai le fula lea.

Tofa MOTUOPUAA UIFAGASA AISOLI VAAI: Lau Afioaga i le Fofoga Fetalai, leai, o lea e fai atu silasila le Afioaga i le Minisita, toe sasaa le fa'ao, ioe, toe tilotilo po o fea le mea lea e tupu mai ai le masei lea. E pei o le tali atu lena lau Afioaga i le Fofoga Fetalai.

FOFOGA FETALAI: Malo, faafetai.

Tofa MOTUOPUAA UIFAGASA AISOLI VAAI: E pei ona fai atu, e puupuu lava le lauga.

FOFOGA FETALAI: Ia se i tulai atu le Afioaga i le Palemia.

Tulafono Tau Faaofi o le Faataauina o Tupe Faaopoopo (Nu. 1)
2014/2015 – felafalafaiga faaauau i luga o le faitaaga faalua

Susuga Hon Tuilaepa Fatialofa Lupesolilai Aiono Neioti Sailele Maleleaga: Lau Afioa i le Fofoga Fetalai, o le mea lea e tatau ona faataua, ua ou le iloa po o ua faafia ona tulai mai ia le Minisita e tau mai, ua leva lava ona sasaa le fafao. O a nisi fafao? O le mea la lea na ala ai ona fesili atu le Minisita, o lea ua uma ona sasaa le fafao. Po o le manatu la e toe aveese mai le fafao lea e toe fafao pea agai i tua? E i ai le itu taua, e leaga o lea e faafogafoga mai lo tatou atunuu, pei e foliga mai e leai se mea o la e nofonofu le Minisita, e tatau ona faafetai i le Minisita na oo atu loa vaai i mea ia, faasao loa. O lea la, ae o lena e tele ia isi au mea, se soia e te toe alu i le auala ua uma ona laasia, ua uma ona ausia muamua ia tulaga ia, o lea ua uma ona faamatala atu le Minisita, o le ala foi lena na toe fesili atu ai le Minisita, pe o a nisi fafao ua leva lava ona fafao ma sasaa le fafao?

Tofa MOTUOPUUA UIFAGASA AISOLI VAAI: Lau Afioa i le Fofoga Fetalai, o le mea lea na ou fai atu ai, ou te le o auiliilia atua, na o le sasaa o le fafao le mea lea na fai atu ai, e sese le ato la e fafao i ai, ioe, pau lava lena.

O lea lau Afioa i le Fofoga Fetalai, ia o le a ou see ese ma lea....na o le pau lava o se fautuaga i lau Afioa i le Minisita mo Aoga, Taaloga ma Aganuu, e pei lava ona ou fai atu, e puupuu lava le lauga.

Lau Afioa i le Minisita mo Galuega, Felauaiga ma Atinae Eseese, o oe lava lea e tui tele atu e sui usufono nei. Ia pei ona ou fai atu foi i le Tala o le Tupe i le tausaga talu ai, o le iva lenei o tausaga o talosaga atu lava lenei itumalo i se auala galue. Ia uma ona ou tusi atu, ai ua faulai tusi i totonu o lau kesi, ia na ona toe tata logo atu pea Masefau i lau Afioa, ia manatua ane lenei itumalo. O lo o i ai foi le falemai fou lea toetiitiiti uma ona fau, se manatua ane nai moli i ina i le aualatele i talaane o le falemai ona e leai se moli o i ai.

Lau Afioa i le Minisita mo le Soifua Maloloina, ia e sili ai ona aua ou te lauga atu ona o lea e ta te talatalanoa lava i o i le malae tapolo ma tau atu mea ia ou te manao e faalelei mo le Matagaluega, ae faafetai i lau Afioa, faafetai i le Malo, o la ua toetiitiiti uma le tatou Maota Gasegase i Sataua nei. E pei lava ona saunao se tasi o sui usufono, ia o le nuu nei e tu i le ogatotonu o le itumalo, o aso ia sa tu ai le falemai o lo o tu ai pea, tu ai le kolisi o le itumalo, tu ai le falemai le Post Office, sa i ai foi sina tamai ofisa o leoleo sa tu ai, ia o lea faalogo mai a outou Afioa i Minisita o lo o tau tonu i ai ia nei....ia se i toe manatunatu ane, pe ua le tatau foi ona toe faaseese atu nei le falemeli, faleaoga, e toe faatu i le ogatotonu o le matou itumalo nei.

Ua uma foi se manatu, na ou fai atu e puupuu, faafetai i lau Afioa i le Fofoga Fetalai, faafetai mo le avanoa, faafetai i le Malo mo le lavapapale ma onosai, ia manuia tele le tatou Fonotaga i lenei aso, faafetai.

FOFOGA FETALAI: Malo faafetai. Ua saunao le sui usufono mamalu mo Vaisigano Nu. 2, ia talosia ia i le Atua ia vave ona uma ona fausia le tatou falemai, ae faamalo le onosai.

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

La tulai maia le sui usufono mamalu, lau Afioega i se tasi o toe ulutria o le tatou Maota, lau Afioega i le Sui Taitai le sui usufono mo Falealupo, ua avanoa le Maota mo lau saunoaga.

Afioega Hon AEAU PENIAMINA LEAVAISETA (Falealupo):
Faafetai tele mo le avanoa lau Afioega i le Fofoga Fetalai.

I le agaga faalotalo ma le ava e tatau ai, ou te faatalofa atu ai i le mamalu maualuga o le Maota, le Fonousu a le Palemene o Samoa i lenei taeao i ona tulaga faalupe. Afio lau Afioega i le Taitai o le Malo lau Afioega i le Palemia ma le mamalu o lau Kapeneta i le Tamaitai ma Alifi Minisita, le Taitai o le Vaega Faaupufai e agaia le Malo ma sui usufono mamalu uma o le Palemene.

E ia te au le agaga faalotalo e faatalofa atu ai i le tapuiga a Lana Afioega Mamalu, O Le Ao o le Malo faapea le Sui o le Fono a Sui Tofia ma o la Masifofo, e faapea foi ona faatalofa atu i le Aufaigaluega Paia a le Atua o lo o talafautu i le atu Samoa e faanono-manu mo se manuia o le tatou atunuu, e taua tele le latou sao.

O lo o auaititia foi fanua i le Maota nei i le affio mai o alii ma tamaitai o Faaulululuga o Matagaluega, ua faamalo. E faapea foi Faalapotopotoga, o le ao taumatau o le Afioega i le Palemia ma le Kapeneta i atinae, i galuega fai a lo tatou Malo ma e tele o outou sao, e malamalama-gofie foi a outou galuega i sa outou faafogfogaaga i se faafolafolaiga a le Maota Fono nei. O le faafetai a lenei itumalo i lau Afioega i le Taitai o le Malo i le Tala Faatatau o le Tupe e \$1.0milion⁺ ua tatou soalaupuleina nei, o se vaitau taua. Ua faafioega le atunuu i fuafuaga faaatatitia a le Malo, ua saunoo nisi o sui usufono i le agaga faafetai i lau Afioega i le Palemia ma le Faigamalo e tusa ma atinae o lo o vaia ma molimauna e le atunuu. O le mea moni lava lau Afioega ma le mamalu o le Palemene, e toe soso atu lava se agaga o le Vaega Faaupufai leni e lagolagosusa i so o se mea. O le agaga faufautua e tuutuu atu o matou tauau aua o outou o lo o i le foe i so o se mea.

O lea ua faataatia le alafua i lenei vaitau seia oo ia Iuni. Ia lau Afioega i le Fofoga Fetalai, faafetai mo ia atinae o lo o vaia e le atunuu. A lelei lava i ina, ia e tauleleia lava le Maota nei, faafetai mo le falemai i Motootu, ua manuia ia atinae lelei. Faafetai tele lava mo le falemai isi o matou itumalo i le Itu Asau o lo o i ai nei le falemai fou o lo matou itumalo, faafetai. O le talosaga i le Afioega i le Minisita mo le Soffua Maloloina ina ia faaatoa tofoga uma o le falemai i Satana leaga e manao. E lelei Tuasivi e latalata mai i Apia nei, a o matou i o e manao tele. E ao ona i ai uma lava matata ma mafafai faasofua maloloina. O le itupa o tina, o oloa ma taotoga. O le talosaga lea i lau Afioega i le Minisita. Ia faatele, faalelei ma faaatoa.

Lau Afioega i le Palemia ma le faafolafolaiga o lo o tapenapena i ai, o nai itu laiti lava nei e manatia e lou sui, o le tulaga lea i le vaega lea ua faasino i ai Vaega Faaupufai i Vaitele. Sa i ai lava le manatu na o au, o le malae leni i Tiafau e tau o le Maie o le faautugataufa a Samoa, e lote ai Upu'ai. E faapitoa lona taua, leaga e amata mai i le amataga i le Tala Fasolopito o Faigamalo.

**Tulafono Tau Faaofi o le Faataauina o Tupe Faaopoopo (Nu. 1)
2014/2015 – felafalafaiga faaauau i luga o le faitaaga faalua**

Sa i ai la le manatu, o e uma lava e fuafua, o e uma lava e galulue mo lea faamoemoe i Upufai o Malo, e lotoifale iinei i Mulinuu lea e faaigoa o le Malae o le faautugatagi po o le faautugataufa a Samoa, ae aua le avea i Vaitele. Na o pisinisi lava mea ia e fai i Vaitele.

Na ona faataatia atu i lau Afioga i le Palemia, ae e le fai ai aua e ese lava le manaia o Maota o Vaega Faaupufai pe a tuu iinei. E pei e manaia ona e mamalu, ae ua na o se manatu e faataatia atu.

Ona oo mai lea o sa matou faamatalaga i le agaga o le Tala Autu o le Tupe e fesoasoani mo itumalo taitasi. Lau Afioga i le Fofoga Fetalai, o lenei itumalo e fai sina mamao aua o aga lava ia faa-Falealupo. Lau Afioga i le Minisita o lo o fitoitonu i ai, o le Minisita lea o lo o tau avatu i ai se matou faaunaunga, o le Minisita mo Galuega, Felauaiga ma Atinae Esee. O nisi lava tulaga, o le agaga faafetai i Minisita uma e pei o le Soifua Maloaina, Aoga, Taaloga ma Aganuu ma isi vaega uma, ua faamalo. A o lo matou itu i le faausiuga o le motu tele i Salafai, e laitiiti nai o matou faafitauli ma o faafitauli masani lava lau Afioga i le Minisita. O le faafetai ona o lo o maua pea tala ma vaaia pea lau polokalame matou te fiafia lava i ai. E fai asiasiga ma fesiligia Pulenuu, o le matua manaia lava, faafetai tele lava. Ua faafetai lava ma o le ala lelei uma lena o nai a matou mea ia o le suavai, eletise ma auala ma e le faitio foi se isi.

Lau Afioga i le Minisita mo Galuega, Felauaiga ma Atinae Esee, o lo matou auala i Avata e tau i le aai pe maila, ua lava lena, sa faata i le nofoaiga a se tasi o Minisita, Afioga Hon Tuisugaletaua Sofara Aveau. O le manaia ia o lea ta, se ua matou ofo. O le taimi lenei ua leai lava ma se mea o toe vaaia.

Na ona lafo atu e pei lava o se matou faamatalaga i le itula ua fano, e le tagisa pe faitio Falealupo, ae tuualalo ma faamanatu. Se i tagai ane, toe silasila i pepa po o le kamupani lea sa faia pe a. Se faamolemole pe mafai ona toe fai nai o matou auala. Vaeane lava le pau o le Maotaga nei, faamolemole o o matou auala e tua i ai le nuu i ana atinae aua ona pau lea o le mea e atiae ai, na o le sami ma le vao. E tolu nai o matou auala galue mai Falealupo-uta e tau i tai ma le auala galue e tasi e tai valu i le iva maila o le auala mai Falealupo-tai i uta. Faamolemole, e le o atoatoa ona lelei, ae na ona faataatia atu i tafatafa o lau Afioga i le Minisita, ae faafetai lava ona e le o matua leaga tele, a o lau vaaia maumau pe ana faapea e regular i le tulaga lea.

O le tulaga i le suavai ma le eletise, o le suavai o lena ua outou silafia. O lo o matou fesoasoani atu i nai o matou tuaoi i tala atu o matou, ae matou te le pisa tele ia i le mea lena, ae a vaivai le pressure i le matou vai, ona matou afaina uma lea ma o matou tuaoi.

Na ona logo atu i lau Afioga i le Minisita faamolemole, matou te manaomia pea ona o le faaaliga a i latou o lo o vaaia, ua tau le lava le pressure i le matou suavai talu ai le matou faasoa, ae e le leotele la le matou tomumu i le mea lena. A o le lafo atu pea i lau Afioga i le Minisita mo Galuega, Felauaiga ma Atinae Esee ina ia amanaia mai le tulaga lea.

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafoaiga faaanau i luga o le faitauga faalua**

Lau Afioega i le Fofoga Fetalai, e pei lava ona matou fai atu i le taimi ua mavae, e itititi lava se matou talosaga mo ia vaega uma o lo o manaomia e lo matou itumalo.

O lo o i ai le vai i totonu o lo matou itumalo, o lo o matou faatalitali pea po o le a se faatofalaiga a lau Afioega i le Minista mo Faatoaga ma Faigafaiava i se galuega lelei mo lea vai aua o le matura lelei lava pe a faapea e atiae.

Lau Afioega i le Fofoga Fetalai, ona pau lea o se matou tofautaluga i le faafofogaga a lau Afioega i le Palemia ma le mamalu o le Kapeneta, ae momoli atu le faafetai tele lava i le tatou fetuunaiga aemaise lava galuega i totonu o le Palemene. Ia manuia le Fono, soifua.

FOFOGA FETALAI: Malo faafetai saunoa i lau Afioega i le sui usufono mamalu mo Falealupo, a o lau Afioega foi o le Sui Taitai o lea Itu o le Maota. Ua faafetai timai, ua faafetai mo lou sao i lo tatou faanoemoe ma a tatou galuega.

Tulai mai lau Afioega i le Taitai o le Itu Agai, Afioega Hon Palusalue Faapo II ua avanoa le Maota mo lau saunoga.

Afioega Hon PALUSALUE FAAPO II: E tulai ma le faaalalo i luma o lau Afioega i le Fofoga Fetalai, e le gata i lea a o le Maota nei ona o lea ua maea ona tapui le tapu a Tupo e ala i le tatou faafetai i le Atua ona o Lona alofa ma Lona agalelei. Ua vaia foi nai timuga e faasusu ai le eleele. E talitonu e le tuu lafoaitina i tatou e le Atua. Ia saga vīla pea Lona alofa ma Lona agalelei.

O pata o lenei Maota o lea ua maea ona tuulupua aemaise o le faafogafoga tapuai mai a Samoa mai mauga teletele seia oo i mauga iti, e faatulou atu ai.

Lau Afioega i le Fofoga Fetalai, e le umi foi se manatu ona ou te talitonu o lea ua sasaa faaoti le ura a le faimea i saunoga ma timaiga a lenei Itu e tusa ai ma galuega fai a lau Afioega i le Palemia. le Kapeneta ma lena Itu o le Maota. Ua faafofoga i saunoga manino, e momoli atu le faamalo ma le faafetai e tusa ma atinae o lo o vaiaa pea i Samoa atoa. O le tele o sui usufono o lenei Maota e tele mea e fia faaleleia i o latou itumalo. E le faigofie Ia outou galuega tau faasosoa.

Lau Afioega i le Fofoga Fetalai, e muamua ona ou avatu le faafetai i le tofiga i lenei taeano. O tofiga mamalu o le Malo, o le Sui o le Fono a Sui Tofia lea ua toe filifilila ai e faaanau le galuega lelei a le Afioega i le Tuiaana Tuimaleaitifano, leaga o le tama a le Vaa Nofotofu. O le Tauaana, Tauagi ma le Aiga Sa-Tunumafono. Ua malo faafetai, faafetai mo nei tofiga maualuluga.

Lau afioega i le Tuiaana, sagai ane ai o le tai aua ou tiute e pei ona valaauina ai e le Atua. Ia manuia ma ia saga faamanuia e le Atua lau nofoaiga; o ou mama na.

Lau Afioega i le Fofoga Fetalai, o lenei Tala Faaopoopo o le Tupe, o lou fiafia ia, e le gata o au o le sui o le Komiti o Tupe, a o le Taitai foi o lenei Vaega e agafia le Malo. Aisea? O tupe o lo o māua lava i totonu o Samoa.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaiga faaaauu i luga o le faitauga faalua

O tupe maua o lea e aoao, e leai ni aitalafu e faatino ai le Tala Faaopoopo o le Tupe, a o tupe o lo o aoao ma faasaoina mai. Aisea? O le fuafua lelei, o le ata lena o le pulea lelei o tupe lea ua faatupe ai le mea lea leaga e taua e faaaauu ai galuega a le Malo. O le mea lena e ala ai ona ou fiafia ma lou talitonuga, a lelei ona faapolopolo, a lelei ona pulea lelei tupe, a lelei ona faasoasoa tatou te le manaomia ni nonogatupe tetele e pei ona i ai nei. O le upu moni lava lena, tatou te le manaomia. O lea e agalelei mai nai a tatou paaga. Ua aumai tupe faameaalofa, ae e le o ni tupe e aitalafu mai.

O le faataitaiga o le uafu lea i Matautu lea na tatalo atu ai lenei Vaega, ave i ai le faamuamua a le Malo e faalelei le uafu lea, ae faafetai.....

Susuga Hon Tuilaepa Fatialofa Lupesoliai Aiono Neioti Sailele
Malilegaoui: Lau Afioaga i le Fofoga Fetalai.....

FOFOGA FETALAI: Malie lau Afioaga i le Taitai o le Itu Agai. Tulai mai lau Afioaga i le Palemia.

Susuga Hon Tuilaepa Fatialofa Lupesoliai Aiono Neioti Sailele
Malilegaoui: O le mea lena e ala ai ona matou faalavelave. Se i vaai i le manaia o le saunoaga a le sui usufono mo Falealupo? E leai lava so matou faalavelave, ae tu ane loa se sui usufono e aumai ni upu pepelo i luma ma le tau faavalea, ona matou tutulai atu loa lea.

E tolu tausaga e faagaioi ai talosaga ia e ave i o i le Malo o Iapani. O lena e te silafia lelei aua sa e i totonu o le Kapeneta. Ioe, e tolu tausaga e ave ai talosaga i o ia Iapani, ona faatalitali lea. A uma lea atinae ona fai lea o lea atinae. E fai faasolosolo faapena, a uma ona faatoa fai lea. Afai lava la e tolu tausaga pe fa tausaga o fai se atinae, e leai lava se isi atinae e toe faatupe mai e Iapani.

O e manatua mea na Palu? O oe sa ou tofia e avea ma au Minisita i le Paeaiga o le 2001 i le 2006. E tele mea sa tatou faia. A o taimi uma lava e te lauga mai ai, e te i lou loto. O le a le mea e mafua ai ona te i lou loto? Ou te le iloa po o a au mea sa fai i totonu o le Kapeneta, ae luai mai i au saunoaga lou te malamalama i mea sa tatou faia. O fea se tagata sa saofai i totonu o le Kapeneta ma avatu pea i ai mea uma ia, e oo i Tulafono? O lena e te malamalama, e leai se Tulafono e sau i totonu o le Palemene lenei e aunoa ma le muai aveane i le Kapeneta e pasia ai. Ioe, ae ua ou te i i lou faalogologo mai o Iona uiga o le Tulafono lava lea ua nofo toatasi le Palemia ma fai ma aumai i totonu o le Palemene. E le mafai ona aumai se Tulafono i totonu o le Palemene, seiloga e vaai i latou nei i le FK, Pepa o le Iuga a le Kapeneta. Ou te ofo i lou sausaunoa pea ma aliai mai i au saunoaga lou le malamalama i mea sa tatou faia. O le ala lena o lea ou te tutulai atu ai pea ma faasao, ioe, ma faasao.

Afioaga Hon PALUSALUE FAAPO II: Lau Afioaga i le Fofoga Fetalai, o lea foi ou te fia faasaoa le saunoaga lea a le Palemia.

22 JANUARI 2015

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafogaiga faaauau i luga o le faitauga faalua**

FOFOGA FETALAI: O lea o le a uma mai ona avatu lea o le avanoa e te saunoa mai ai.

Susuga Hon Tuilaepa Fatialofa Lupesoliai Aiono Neioti Saitele Mallegaosi: Aua foi e le mafai ona avatu loa le mea ia Iapani, aumai. E umi lava aso o fuafua e le Komiti, o le Aid Coordination Committee, e umi, ona faatao ai lea o le polokalamē faatoa ave i o. A o le a le mea lea e tupu? O le fai atu lava o lea mea tutulai Palu, ia o lea la faatoa fai le mea na matou fai atu ai lava. Se e pei o ni mea a ni tamaiti, o lea ua fai le mea na ou fai atu ai, o lea ua fai le mea na ou fai atu ai. E le faapena ona faia fuafuaga a le Malo, o le fai mai o lea oso i le Malo, fai mai o lea oso i le Malo. E umi se taimi o soalaupule. E i ai le Komiti foi lele na tatou fautaina ma faatutina, o le Komiti o Fono a le Cabinet Development Committee, e ave i ai mea lautele ia e soalaupule ai i totonu i ina. Vaai i le umi o lau faamalamalama lea e fai atu nei, ae leai lava sou faalavelaveina o le saunoaga matagofie a le o lo o lagolago ia te oe, aua foi o la e sau sao lava? Ae e te sīpa loa, matou faalavelave loa, la, sau sao loa lau saunoaga faauma.

FOFOGA FETALAI: la, tulai mai le sui usufono mamalu e faaauau le saunoaga.

Afoga Hon PALUSALUE FAAPO II: Lau Afoga i le Fofoga Fetalai, o le mea lava e tatau ona ou faasaoa muamua, e le o se taufaavalea le mea lea ou te fai atu ai lau Afoga i le Palemia. O le Tulafono lea e te saunoa i ai, se ua tetei le tou Vaega, ua tetei. O le mea lea e iloa ai latou te le i silafia le Tulafono. A o lea ou te malamalama telei lava i tulaga o le faagasologa o le Kapeneta aumai ai iinei.

FOFOGA FETALAI: Ia, malie le Taitai o le Itu Agai se i avatu le faamalamalama o lau saunoaga.

Susuga Hon Tuilaepa Fatialofa Lupesoliai Aiono Neioti Saitele Mallegaosi: Lau Afoga i le Fofoga Fetalai, o lona uiga na tetei le Kapeneta?

Afoga Hon PALUSALUE FAAPO II: Na tetei foi.

Susuga Hon Tuilaepa Fatialofa Lupesoliai Aiono Neioti Saitele Mallegaosi: O ai la na tetei atu ia oe? O ai?

Afoga Hon PALUSALUE FAAPO II: E le tau atua le igoa lau Afoga.

Susuga Hon Tuilaepa Fatialofa Lupesoliai Aiono Neioti Saitele Mallegaosi: Vaai ia i ai i le mea lea o le sa Minisita na te le malamalama i ana mea na fai.

22 JANUARI 2015

Tulafono Tau Faaofi o le Faatautauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua

Ou te iloa o mea uma lava e te tutulai mai ai, ana faapea se matou Taitai, ua leva ona ofe, a? E te vaivai. Ana faapea se Taitai o le matou Vaega, ua leva ona ofe.

Afioga Hon PALUSALUE FAAPO II: O le mea tonu lava lena o lena e te faia, ua leva na tatau ona e ofe. O le upu moni lava lena. Ae leai sau aia i le matou Vaega.

Susuga Hon Tuilaepa Fatialofa Lupesoliai Aiono Neioti Sailele Malielegaai: O lea ia ou te fai atu ia te oe, o taimi uma lava ia e te tulai mai ai....

FOFOGA FETALAI: Malie le sui usufono, Palusalue....

Susuga Hon Tuilaepa Fatialofa Lupesoliai Aiono Neioti Sailele Malielegaai: Ma ou tulai atu faasao oe, o lea tulaga, o le aveesega lena o le faatuatuga o lau Vaega ia te oe. E le o tautala atu, a o lea ou te iloa, e le o tautala atu ia te oe, a o lea ou te iloa....

Afioga Hon PALUSALUE FAAPO II: Lau Afioga, o lea foi ou te iloa lau Vaega, ua malepetepe lau Vaega ona o oe.

FOFOGA FETALAI: Malie le sui usufono mamalu Palusalue, lea o le a uma ona avatu lea o le avanoa.

Susuga Hon Tuilaepa Fatialofa Lupesoliai Aiono Neioti Sailele Malielegaai: Afai e te pepelo i le Maota e toe pepelo i fafo, ua leai lava se mea e te toe taofia ai oe. Se o lea ou te tau atua mea ia e te pepelo ai. Na oo foi ananafi, vaai o lele e ta mai au saunoaga sau i luga o le TV1, sau i le nusipepa, ae ou tu atu ananafi e tau atu au saunoaga tau faasee ma tau faavalea ae fai mai e te le i saunoa ai. Se i vaai la i ai? A o lea e silafia uma e tagata. O le a le uiga o lou Taitai? O le taufaavalea le mea lena.

FOFOGA FETALAI: Ia, malie ia lau saunoaga lau Afioga i le Palemia.

Afioga Hon PALUSALUE FAAPO II: O le a ou le tali atu i ai, o la e faamasino mai le atunuu.

FOFOGA FETALAI: Ioe Pahu, aua ia ne i faataumatatao lo oulua finagalo, o lea e faafogafoga le tatou Malo. Tulai mai le sui usufono mamalu.

Afioga Hon PALUSALUE FAAPO II: E ao ma le po ao ma le po, Palemia i luga o le TV, icitio. Ae o le a ou le tali atu, e faamasino mai Samoa. Pe ua ou taufaavalea po o lea le tulaga e i ai.

22 IANUARI 2015

Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitaunga faalua

FOFOGA FETALAI: Tulai mai lau Afioaga i le Palemia.

Susuga Hon Tuliapapa Fatialofa Lupesoliai Aiono Neioti Satele Maliegaosi: Lau Afioaga i le Fofoga Fetalai o se mea e fia faasao. Ia, e le pulea e le Malo se TV. A o le a le mea e omai ai le TV i le Malo? O le mafuaaga, lea o mea ia e fai e le Kapeneta, o mea e manuia ai le atunuu atoa. Ona e i ai le mafuaaga o le omai o latou, e i ai faavae tetele lava e lua. O le faavae tele lea e faupupu i le faaupuga, good governance. O le good governance, e lua mea tetele lava, o le accountability ma le transparency. O le accountability, e fai ma Lipoti atu i le atunuu mea o lo o fai, ma le lua, ia malamalama le atunuu i mea o lo o fai. O le ala lena e tuitituli ai matou, a o lea e te alu atu soo lava i mea e tatala ma e saofai ai, ma e faafogafoaga, ma ou faamalo atu ia te oe i lou toaga e te alu atu e te vaai tino ma e afio mai ai ma fai au faamatalaga sasao, ae tuu le mea lena o le taufaavaalea. Ia, o le mafuaaga lena o le tuitituli o au e i latou e fai TV. Ua e vaai atu o faasaga se TV ia oe, o lea e faasasaga mai ia te au. E fa TV la e tuu mai o, o la e tete uma mai ia te au a latou... ou te le o faapea la... o lena ua outou faapea mai o le susu mai o le TV ia te au, ae a faapefea ona le susu mai na o le susu lava lea e tafe atu ia latou ma le meli e ola ai, latou te suea latou faamatalaga? Aua e le maua loa ni faamatalaga mo le TV tutuli loa. O le ala la lena o la e pulatoa mai lava mea ia te au, ae le pulatoa atu ia te oe. Ia manuia le Fono lau Afioaga, manuia lau lauga.

FOFOGA FETALAI: Ia, tulai mai lau Afioaga i le Taitai o le Itu Agai.

Afoga Hon PALUSALUE FAAPO II: Lau Afioaga, ua fefefe nai TV. A foi lea ua pasia le Tulafono. Ua fefefe aua tou te le puea loa le ata o Tuliapapa leai se tou tupe e maua. Ae ui i lea lau Afioaga i le Fofoga Fetalai, e faamalulu atu foi i le Afioaga, na pau lava lea o le mea, e leai e le o sou taufaavaalea. Ma o le upu moni lava lau Afioaga i le Palemia, e aoga lo matou lagalaga atu, e aoga le matou lagalaga atu ona e mauupu ai lea i au mea ia e fai i luga o le leito ma le TV. O le upu moni lava lena, e ala ona omai le atunuu, e le na o le au faasalalau e omai, ma le atunuu, ona o la e foi e fia malamalama latou i mea o lo o lape ai lau Afioaga ma lena itu.

FOFOGA FETALAI: Malie lau Afioaga i le Taitai o le Itu Agai, se i tulai mai le Afioaga i le Palemia.

Susuga Hon Tuliapapa Fatialofa Lupesoliai Aiono Neioti Satele Maliegaosi: Lau Afioaga i le Fofoga Fetalai, e le o tau suea ia oe ni au upu. O le saunoga lea na fai mai ou te mauupu ai, e le tau suea ia te oe ni upu. O upu ou te fautala i ai, o faaiuga a le Faigamalo lenei, o le faaiuga a le Kapeneta ma le Vaega Faaupufai o le HRPP, e faapena, e galulue faatasi. Ua fia ea ni atinae o fai? Fatifo, fatifo, fatifo, fatifo, fefefe, ae sau lava e leai se mea o faaletonu. Ua fia?

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaoaiga faaaauu i luga o le faitauga faalua**

O le ala lena o lea ou te fai atu ai, na o mea lelei, mea suamalie, mea lololo e faia e le Vaega lenei. E le faia e le Vaega lenei ni mea leaga.

FOFOGA FETALAI: Tulai mai lau Afioga i le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, o au ou te alu lava i mea e tatala ai atinae nei, ou te alu lava, ae tele ina tuu le atinae ae lauga le Palemia ia au. Saunoa sao lava, e lelei lou sau ou te mauupu ai i le tatalaga o atinae. Ua ou tau musu ai, e oo i lenei Vaega, ae le mafai ona ou tuua ou tiute faa-Taitai e tatau ona ou alu ou te vaai i atinae a le Afioga i le Palemia ma lena Itu. O le mea lena i lenei taeao, lau Afioga Tuilaepa, e le o sou taufaavaalea, o lea ou te fesoasoani atu i lau galuega, ioe.

FOFOGA FETALAI: Malie le Taitai o le Itu Agai, se i tulai mai le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Maltelegaai: Leai ne i te i ua galo ia te oe, o le faamatalaga lea na ou avatua, o lou fatio i le tulaga foi lele, TV sau i le po, o au, o au, o au. O le tele ia o mea e fai a le Vaega lenei, ma ou te mulimuli i mea e faatonu mai e lau Vaega au ou te alu e fai. E faapena le mea. Ae a faatonu atu oe e lau Vaega, e fiu e sue oe. Ua mao foi ona avatu le taavale ia te oe, ua e alu ai lava na o oe ae tiai le tou vaega, a o le taavale aupito tele lava lena e sili atu ona lapoa i taavale ia e feoai ai Minisita ina ia ofi uma ai le tou Vaega.

O le mafuaaga lena na ala ai ona ou tutulai atu. Ou te le i fai atu i ni TV e omai, o le faalavelave ia o nei mea o TV, faalavelave, ae tau mai loa lava o lea ua omai le au fiaola ia i fafo, ona ota alofa lea i ai pei o sata fanau, aua a le faia le interview lea, o le mea e oo i ai, o le tutuli e o latou pule i le leai o ni latou news. A o news uma, o lea e i totonu o le Malo. O le mea lena ou te fai atu ai ia te outou Minisita ma outou uma o Ofisa Sili o Pulega ma Pule Sili o Matagaluega ma Faalapotopotoga a le Malo, a outou vaai atu ea ua o atu le TV, ia ave i ai faamatalaga ina ia le toe o atu soo ai ia te au ma le fai mai o le Taitai o le Itu Agai ua tiga ona fofoga i le vaai soo ia te au. A o lea le mea a fai i le o atu o tagata? E le o atu ia te oe ae omai ia te au. Ae ou te talia lelei lava, e tiga ona ou alu i le fale ae o atu lava. Moe, moe, moe, fafagu mai fai mai, o la e foi ua i fafo isi, ona ou sau foi lea i fafo talia latou. A o oe, e fiu e sue oe. Ia, lau Afioga i le Fofoga Fetalai, na o mea foi ia tatou te talanoa ai ae aua e te pisa tele.

FOFOGA FETALAI: Malie lava lau Afioga i le Taitai o le Itu Agai, se i tuu atu le avanoa i le Minisita mo Tina ma Tamaitai, Atinae o Nuu ma Afioga ma Agafesootai.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

Tofa Hon Tolofuaivalelei Falemoe Leiataua (Minisita mo Tina ma Tamaitai, Atinae o Nuu ma Afioaga ma Agafesootai): Lau Afioaga i le Fofoga Fetalai, o au nei e faaloolo tele i le Taitai o le Itu Agai, ae ou te manatu lau Afioaga i le Fofoga Fetalai ma le faafofoga a le atunuu, a ou liloa lava se lafoga a le Taitai e tatau ona ou fesoasoani i ai, ou te tulai lava ona o mea moni. E masani ona saunoa le Taitai o le Itu Agai e faamasino le Atua ma faamamua le Atua ona ou tulai ai foi lea i lona vaiatalmi. O le taimi lenei, o lea sa saunoa lava le Taitai o le Itu Agai e le taufaavalea, a o lea e i totonu o le Maota lenei se tasi o tagata soifua na matua mafatia i le taufaavalea a le Taitai o le Itu Agai. O lea e i totonu o le Maota ou te le tau atua. Ae a ma talanoa ma si ou tama, o lana tala, “Ou te le faamagaloina le tagata lenei, leaga na alu e fai le ma campaign, o le avanoa na ou suea, o le saunoga lea a le toaina, o le avanoa na ou suea mo le ma itumalo, ona alu lea, ou fai atu, alu loa e fai le ta campaign.” Ae a oo ina ma’i, e sau i lo’u fale moe ai, e tausi lelei e si ou toalua ma si au fanau, ae emo ane le ata, e poloka uma lava ana votes. O le taufaavalea la lena. O lea la ou te fai atu, o le matua le amiotonu lava o le Taitai o le Itu Agai i lea faaupuga, e le o ia e taufaavalea. Ma le faaloolo lau Afioaga.

Tofa Levaopolo Talatonu (Gagaemauga Nu.2): Lau Afioaga i le Fofoga Fetalai, ou te faafesili atu lava la po o si toaina o Tulioma lea e te talanoa mai ai?

Tofa Hon Tolofuaivalelei Falemoe Leiataua: E faitalia lava le sui usufono ia, ae oo foi ina otegia oe e le toaina.

FOFOGA FETALAI: Aua e te toe afea ia itu e maua ai oe. Agai sao i le mataupu i le tatou Tala o le Tupe. Tulai mai lau Afioaga i le Taitai o le Itu Agai.

Afioaga Hon PALUSALUE FAAPO II: E le o se taufaavalea le mea lea, o le tafuaifi, ae ui i lea, o le a ou see ese ma lea mataupu e le taugofie ai le tau o le soifuga, e le aveesea ai le oi o le atunuu lea e i ai nei i le tau o le eletise ma le... Ae pei ona ou fai atu lau Afioaga i le Fofoga Fetalai, o le Tala Faatatau Faaopoopo o le Tupe, manaia, o le pulea lelei o tupe, faasoasoa lelei o tupe, ae i ai foi nei mea faaletonu la e i ai i totonu e faatupu manatu i lau Afioaga i le Palemia. Toetitiiti lava \$500,000,000 le tupe lea ua faavagavaga mo lau Afioaga ma au Minisita Lagolago, toetitiiti lava \$500,000,000. Lele e tu mai le Ofisa faapitoa mo faipule, lea. A o le a le mea lea e tulai mai? A faaopoopo ma isi Ofisa o Minisita Lagolago lea na fai i le NPF Palaza, e ova ma le \$1milion, a o lea e tutulai le Ofisa na fau faapitoa mo faipule, so o se taavaile, na ona manao lava o le Minisita oso i le taavaile alu, ae le o alu se tupe i le latou Ofisa.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua

FOFOGA FETALAI: Malie lau Afioga i le Taitai o le Itu Agai, se i tuu atu le avanoa i le Afioga i le Minisita Lagolago o Tupe, tulai mai lau Afioga i le sui usufono mo Faasaleleaga Nu. 4.

Afioga Peseta Vaifou Tevaga (Faasaleleaga Nu. 4): Lau Afioga i le Fofoga Fetalai, ia leai leaga ua faalogologo atu ma le totoa i le faasea a le Afioga i le Taitai o le Itu Agai, mo le silafia foi e le Taitai, leai o lea o lo o i ai a matou ofisa i i le fale lea o sui usufono, e le o i ai la se tulaga foi lea e toe faaalu ai nisi tupe tele e toe fausia ai nisi ofisa fou, o lea o lo o i ai lava ofisa o sui usufono ua uma ona fuafuaina. O le tulaga foi lea e aumai e lau Afioga i le Taitai o le Itu Agai e faapea mai e \$1miliona, e leai, e le miliona na alu i le fausia o le ofisa o le fale lea e te taua soo, ua maoae tele lea tau, ma lou faaaloalo lava.

Afioga Hon PALUSALUE FAAPO II: O au sa ou le iloa le.....

FOFOGA FETALAI: Malie, se i avatu le avanoa i le isi Minisita Lagolago, leaga o lea ua e taua e tai miliona mea ia i le fauina o le ofisa o le toalua lea.

Tofa Tuisa Tasi Patea (Sagaga le Falefa): E toafa Minisita Lagolago, o lona uiga e toafa uma lava tali ia o le a alu atu ia te oe. Lau Afioga i le sui usufono mamalu, o lea ua e taua le matou ofisa, ia pei lava foi ona faamalalama atu ananafi e le Afioga i le Palemia po o le aso muamua ea, ia o matou nei, e i ai a matou galuega e fai, e tatau ona matou nonofo latalata i tafatafa ane o le matou Minisita e matou te lagologosua i ai, e pei lava o tulaga e masani ai. O le ala foi lea e ala ai ona fai a matou ofisa i tafatafa o le Minisita, e matou te le fia omai i i le fale lea, o le matou talitonuga, o i lea e te tafua ai le afi, o le tali sao lena. Ia o le ala lea o le le fia omai i i.....

FOFOGA FETALAI: Ia o lea ua maua. Tulai mai lau Afioga i le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, o au ou te gatete e fai lea tala, fai lea saunoaga faapea, o le fale o sui usufono mamalu o le Palemene, ae fai mai e tafu ai le afi, silasila i le mamalu o sui usufono, o sui usufono filifilia mai itumalo, ae fai mai e tafu ai le afi, o la e faafogafoga mai le atunuu.

Ou te faasao lau saunoaga, o le fale lea e lipoi ai upu a le atunuu, e iloilo ai ma suesue Tulafono ia e aumai, e fonu ai Komiti Faa-Palemene, e le o se fale e tafu ai ni afi. E faapefea ona aumai na excuse e faaoga ai tupe ia e ova ma le miliona i lou ofisa? Silasila la i ai, lele e le faaagaina o outou ofisa i i.

22 JANUARI 2015

Tulafono Tau Faaofi o le Faatautauina o Tupe Faaopoopo (Nu. 1)
2014/2015 – felafolafolaiga faaauau i luga o le faitaunga faalua

A o le mea e fia faasao i lau Afioaga, afai o lou agaga lena e te sau e te tafu afi i, o la e faafogafoga mai lou itumalo, o lona uiga o lau mea lava na o lena e fai, a o sui usufono o tofi mamalu o itumalo, e omai i le galulue, e omai e galulue aua le manuia o le atunuu, leai ni tafuga afi o fai ai, leai ni umu o fai ai. Lau Afioaga i le Fofoga Fetalai, o saunoaga tuulafoai, o saunoaga soonafai.

Tofa Tuisa Tasi Patea: Se i faasao atu le faamatatalaga.

FOFOGA FETALAI: Malie o lea o le a faasao, o lea la ua maua le finagalo, malie lau Afioaga i le sui usufono mo Sagaga le Falefa. Saunua mai le sui usufono.

Tofa Tuisa Tasi Patea: O lo o manino lava ua uma foi ona tumatamaga ia galuega a le tatou ofisa lea, ia a o tala i le usuga a le vai e pei ona masani, e i ai foi lava foi latou o lo o o atu.....

Afioaga Hon PALLSALUE FAAPO II: Lau Afioaga e le aumai ni tala suesue, ia pei o le mea lea e saunua soo i ai le Afioaga i le Palemia, e le aumai ni tala a le vai ma le usuga i le Maota lenei, ioe, o mea moni, o mea moni e aumai i i o la e faafogafoga mai le atunuu.

Tofa Tuisa Tasi Patea: E i ai lava foi latou o lo o atu i ina e fai ai le tulaga lena, a o matou o lo o latalata i le Minisita, e i ai a matou galuega e fai, e i ai foi la expenses o lo o tofogi, o le mea moni lena.

FOFOGA FETALAI: O lea ua manino le mataupu, ou te fautuaina foi le sui usufono, o le finagalo lava o le sui usufono ia ona o tulaga, ae leai ni mea faapea o tutupu ai, atonu e leai ni agaga faapea o i ai ni faufauga ma ni mea o i ai le tulaga lea, e tatau ona faasaoina lea mataupu, ne i meane ua matau esese mai lo tatou atunuu. A fai foi lava ni a outou talanoaga, ia o a outou lava talanoaga, e le o se tulaga e tulai mai ai se mea o i ai se tulaga tele e fai ai se fetecnaiga, ae faatafaa lea fuilauvi. E agai sao lau Afioaga i le Taitai o le Ilu Agai e faaauau le saunoaga, o lea ua maua lou finagalo, o lena e sagatomu lau o le fo i lau saunoaga.

Tofa Hon Tuuu Anasii Leota (Siimu): Lau Afioaga i le Fofoga Fetalai.....

FOFOGA FETALAI: Ia se i tulai mai le sui usufono mo Siimu.

Tofa Hon Tuuu Anasii Leota: E leai se isi e fia faalavelave i le saunoaga a le sui usufono mamalu, ae o au le isi tagata o lo o aafia i le maota lea e saunua i ai le sui usufono mamalu.

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua

Ou te le o iloa po o a ni afi o tafu ai i o, e masani ona matou i ai, e matuai ou le malamalama i tulaga ia e aumai i ia ituaiga mea, ae sei....afai o i ai ni afi le Taitai o le Itu Agai o i ai, se i vaai sau paelo vai e sasaa i ai, ma lou faaaloalo.

FOFOGA FETALAI: Ia, aua ia le ave'a le se ma mea mamafa, ou te talitonu o lo o manino ma malamalama le tatou mataupu.

O lea ua tatou taunuu i le tatou taimi malolo, ia malie le sui usufono mo Alataua Sisifo, o le a taatia le tatou afi lea se i faamalalalama pe a maea mai le tatou taumafagati.

Ou te faasilasila atu o le a faia le malologa a le Fono Aoa'o mo lana malologa masani o le taeao.

Na faataatiaese Tauulumaga a le Fono Aoa'o mo lana malologa masani i le itula e 10:47 i le taeao ma toe faaauau i le itula e 11:21 i le taeao.

FOFOGA FETALAI: Ou te faasilasila atu ua toe amataina nei Tauulumaga a le Fono Aoa'o Faitulafono.

E i ai le agaga maualuga ua faafoisia le malosi i le tino, o lea ua maea ona paleauau le taliga o le sua i lenei aso. E tatau lava ona tatou manatu i le tulaga o le suesueina o le malosi talu ai lenei vai'atau e tele faamai pipisi ma tulaga e tatau ai ona tatou manatunatu lelei, ia a toa lava le moa ua lelei le aso atoa. Ona i ai lea o le agaga maualuga ona o lea e tatou te Fono po e tau foi i le 7:00 nanei, ia e manatu ua sao i alo le taliga o le sua.

E faamalulu foi i le paia o le Maota po o le a faifua ua maua e le aloalii ia Fepuleai ma le ofisa, ia e taumafai pea i le mea sili aua le taligasua a le tatou Maota.

E fai le tatou faiga malologa o faapena ona sausaunoo le Afioa i le Taitai o le Itu Agai, ona o le tulaga o lo o afeafea i tuleiga ma saunoaga itu taua ma ana fautuaga anoa o lo o tuu atu i le tatou Maota Fono, ma o lo o afeafea ai le tulaga i lona finagalo i le taua o le Matagaluega a le Afioa i le Palemia. Se i tulai mai lau Afioa i le Palemia.

Susuga Hon Tuilaepa Fatialofa Lapesoliai Aiono Neioti Sailele Malielegaai: Lau Afioa i le Fofoga Fetala'i faapea foi le mamalu o le Maota nei, o lea ua saialo le vai vevela i lenei taeao e maua ai le malosi aua le faaauauina o le tatou Fonotaga o le Fonousu, e pau lava lenei o le Fonousu e atoa i ai Samoa, o a outou Afioa foi o Tootooau o le atunuu, o lea lava ua ee atu i a outou Afioa ia mamalu uma lava o le atunuu, o Samoa i ona tulaga faalupe i Aiga ma a latou Tama, faapea foi Faleupolu Tofia o Toa ma le Usoga a Tumua ma Pule e Ono i Salafai. O lea lava ua tititianoa i le Maota nei le lauiluina o mataupu iloga mo le tulaga auiluma o le tatou atunuu. E le o toe i ai foi la nisi o i sili o faalagolagomaga uma o Samoa i ona tupulaga lalova'oa, tupulaga fai mai, o lea o lo o tietie i o outou tauau.

**Tulafono Tau Faafoti o le Faatatauina o Tupe Faapoopo (Nu. 1)
2014/2015 – felafolafolaiuga faaauau i luga o le faitauga faalua**

Aua o a mea tatou te fai, ia e tautatalaso ia tulaga o galuega o lo o tatou taumafai i ai, e le faapea o ni galuega e tautana ai nisi, a o galuega e tatau ona tatou faia, leaga o le mea lea na valaau ai tatou e lo tatou Matai, e tatou te omai o tatou o tagata galulue o meafai galuega a lo tatou Alii, tatou te faaoga taleni e aumai e le Atua e tatou te faatino mo le manuia lautele o tatou tagata, ma o i ina foi e faamasino ai tatou, pe na faapefea ona fai le galuega, tatou faia foi ma le lototele, fai ma le loto mauatalo, ia ma tatou tatato foi i le Alii e fesoasoani mai i lo tatou vaivai, a o Lona mafuta mai e tatou te malolosi ai. A auai foi le Atua ma tatou, ia o ai foi se e toe faasagatau mai, i le faatinoina o mea e tatau ona tatou faia? A maea, ia ona tatou nonofo ifo lea i lalo ma tatou faapea ane, o tatou o auaua le aoga, auai foi o mea lava ia e tatau ona tatou faia, ae ave le viiga i le Atua.

Lau Afioega i le Fofoga Fetala'i, na malolo le tatou Maota o faalua se finagalo o le Taitai o le Itu Agai e faitau miliona ua alu i Minisita Lagolago, o le ala lena o lea sa ou manatu ai se i foi mai ona ou faasoaina lea o le sese lea ua aumai, leaga e matuia. O iuaiga lafoga faapenei, ia e avatu ai ia faamatatalaga le faavea, o lea e manino ia le aumaiga o le Tala o le Tupe. O le ala foi lena e uma ai ona tauaao le Tala o le Tupe i totonu o le Maota lenei ona tuu atu lea i le Komiti a le Palemene, o le Komiti lea e i ai uma lava sui usufono o lena itu ma lenei foi itu. O le agaga e faapea ai ona fai tofiga, a i ai ni mea o faaletonu, ona talatalanoa ai foi lea o la outou itu agai, e leai lava se mea o faanaraina, ona aumai ai lea i luma o le Maota lenei pe atai o i ai se lape. Ia o lea la ua tele lava le lape o le taeso lenei, ae tatau ona ou faasoaina leaga o au o le Taitai o le Malo toe Minisita o Tupe.

E pei ona silafia sa i ai fetuunaiga, ona o tulaga lava foi e faitau eseese. O au la e fa au Minisita Lagolago na ou toe apaapa i ai i Minisita ia sa i lalo o le Tupe, e fa ai la Minisita o lo o lagolago ia te au. Ua ou vaevaea foi ia i latou nei e tuu atu i ai le marmafa o galuega. O le ala lena ina ia tele ai se taimi o au e avanoa e faafeagai ma le atunuu. Aua a outou o atu i o i le Ofisa o au, se o le ancano o tagata e o atu ma a latou faafitauli, po o ai lava e le maua, e le o se mea e fitoi ia te au, ia o uiga na o si o tatou atunuu, e pei a oo atu lava ia te au, ia ona manatu lava lea o latou ua uma mea uma, uma pisuppu, lea ua oo atu i luga o au o le faatumutummuga. A o le tele o nei mea, o lea e fitoitonu i Minisita, o le ala lena ou te tapa ai le lagolago a au Minisita Lagolago, o le Afioega i le sui usufono mo Aleipata Itupa i Lalo o le Tutatua Faanonofo, o ia lea ua ou tofia e ave ma Minisita Lagolago e faafeagai ma le Atinae lenei o Tagata Tafafao Maimoa Mai, o lou lima taumatau i le faafeagaiga a le Malo ma le tau faasoasaina o mea e nonofo ai tagata i le Fono tele faatoa uma atu nei, sa tele ina fonu i aso uma aso uma aso uma, e leai ma se mea na faaletonu i le Fonotaga na ususia nei.

A o le tulaga lea sa matura tele le gaoioiga sa fai e Fiti ma isi atunuu, ina ia aua nei i tau lau o le tatou faanomeoe, aveese atu ai ma Samoa ona o tulaga e le lava faaletalimalo.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

O le mea moni e le lava a tatou faletalimalo, ae pei e oo loa i le mea e finau ai Samoa po o le lava lo tatou vaivai, e alu lava le finau, e le toe solomuli, na o le kia lava e alu ai i luma le kia e alu ai ia lo tatou atunuu pe a faafeagai ma malo i fafo, e le toe solomuli. O le a la le mea na tupu? Na ou lafoa i le....o lou lima taumatau lea, le Afioga i le Tuiatua Faanofonofu, fonu i aso uma aso uma ma latou o vaega ia o Turisi, na oo lava ina aumai le latou faamatau, e oo mai ia Luni e le i logo maia tagata mai fafo o le a talepe uma ae faasoloatoa le latou booking, o le a deny le avanoa e aumai i malo e omai mai fafo. O le tele ia o le faafitauli, soalaupule, soalaupule, fofo lava e Tafua. E tele a, o le tulaga foi o le atinae o Tagata Asiasi Maimoa Mai, ua agai atu ina lalata i le \$400milliona ia le tulaga o seleni e maua mai ai i Samoa, o le atinae aupito sili lea ona maoae i totonu o Samoa, ma e taula i ai a tatou atinae mo le agai atu i le lumanai. E le laitiiti ia le tiute lea e faafeagai ma Tafua, ae o ia foi o lea ou te faalagolago i ai e fesoasoani mai ia te au i le tulaga o le va i fafo aveai fonotaga e lagolago mai ia te au. O le tasi lea aualea e faamasani ai ia Minisitā Lagolago ma galuega tetele o lo o faatino e lo tatou Malo.

O le Afioga i le sui usufonu mo Sagaga le Falefa o le Minisitā Lagolago, o ia lea o lea ou te tofia e nafa ma le tupe. O le sui usufonu e le gata o le Loia ae i ai foi ona faailoga o le Commerce o mea tau pisinisi, mea tau tamaoaiga. O lona uiga o ia ou te faalagolago i ai i tulaga uma lava tau tupe, a oo la ina tulai mai ia Fonotaga Faava o Malo, o lou lima taumafai lea, aua e le mafai ona ou auai i taimi uma i mataupu, e tatau foi ona fai ma ou faasoasoa ma ou vaavaai foi au ia maua lou malosi. O lona uiga, e le laitiiti foi le vaega lea o lo o faafeagai ma le Afioga i le Minisitā Lagolago.

O le Minisitā Lagolago ia Lafaitale, o ia lea o lo o faafeagai ma le tulaga o tupe o le Faletupe Tutotonu, o le Faletupe Tutotonu e na te pulea uma lava ia Faletupe i totonu o Samoa, o le Faletupe foi lea e na te faataotoa uma lava ia tulafono e taiala ai ia gaoiiga a faletupe. O le isi galuega tele a le Faletupe lenei, latou te mataituina le faaanga tatau ma le sologa lelei mai i totonu o le atunuu, o mea nei o tupe faaagaaga mo feafaatauaiga, ia aua lava ne i toe lapelapea a tatou fuafuaga tau tupe ma le faagaioiiga o le tatou tamaoaiga, aua e faaletonu loa i ina, oti atoa ma le tatou economy i le mea lava lea o le faasoasoa tatauina o tatou foreign exchange reserves, e le laitiiti la le galuega foi lea e faafeagai ma le Afioga ia Lafai.

Ia ona ou oo mai ai lea ia Peseta, o Peseta o le tagata e i ai lona tomai faapisinisi, o ia o lo o faalagolago i ai i isi mataupu faatatau i le lotoifale ma tofiga o le Palemia o le Lotoifale, aemaise lava mataupu tau pisinisi mo le atinae. E silafia foi e lau Afioga i le Fofoga Fetalaia, o le isi lea mea o lo o taumafai i ai lo tatou Malo, ia galulue faatasi le Malo ma latou o lo o faia atinae i tua, aisea? Aua o latou ia, e aupito sili atu ona tele lo latou mafai ona create ona faatuina galuega fou mo fanau a Samoa, o le mea lea o lo o ave i ai le faamuamua a le Kapeneta ma le Vaega Faaupufai lenei a le HRPP, e le o se mea matagofie lo tatou talanoa i galuega, galuega, ae leai ni fua e faatino ai.

22 IANUARI 2015

**Tulafono Tau Faaofī o le Faatatauina o Tupe Faaopoopo (Nu. 1)
2014/2015 – felafolafolaiuga faaauau i luga o le faitauga faalua**

O lea la e mafua ai ona ununai e le Malo nisi o atinae faatupu galuega, aemaise lava atinae tetele o lo o faatino e le Malo pei o auala, eletise o mea faapena, ona o galuega nei mo Infrastructure Development o mea o atinae autu e faalagolago i ai ia atinae a tagata i tua, a lelei ia auala, ua fagofife galuega a le aufaifaatoga, aemaise o felauaiga e tatau ona fai o oloa mai lea nofoaga i lea nofoaga. O lona uiga, i le anoano o i latou ia o lo o galutue ai i i le aufai auala konekarate fai auala, tasi lena galuega tele o lo o pisti ai lo tatou Malo e feutagai ma malo i fafo, ina ia maua mai ai seleni e ununai ai galuega ia e faatupu galuega mo a tatou fanau, galuega tetele ia o lea e alu i lafo o le faalupega lautele, Infrastructure Development, e aofia ai lea ua oooo le talanoa a le Malo i le uafu i le lumanai, e le gata i lena a o le tatou malae vaatele, ina ia avea Samoa ma laumua o femalagaiga, e le gata o le ea a o le sami. O ni fuafuaga mamao ma e foliga o vision in the sky dream, foi lele e ono fagata ona talitonuina, a o le tele o tatou atinae, e leai lava se mea e ese ai ma le alagauu e fitotonu i le Malo lea o Saina. So o se fuafuaga mamao e amata lava i le laa muamua, o le a le laa muamua lena? o le manatunatu i ai muamua, o le moe manatunatu.

Ua ou taua itu ia lau Afioega, ina ia silafia ai e le Maota lenei ma le atunuu le taua o galuega, lea ua ou avatua ia Minisita Lagolago e toata, ae faapena uma lava galuega o lo o faafegagai foi ma Minisita Lagolago uma e lagolago i Minisita o le Kapeneta.

Lau Afioega i le Fotoga Fetala'i, i le tulai mai o le mataupu lenei, ia o lea ua outou faafogafoga, ua oo i le miliona. E faapefea le faafogafoga mai a tagata? Ua outou faalogo. O ia ua tunai e le Taitai o le Itu Aigai e oo lava i le miliona tupe mo ana Minisita Lagolago, ia se i ou lau atua mea ia, e i ai lava mea ia na aumai i totonu o le Tala Faaopoopo o le Tupe, e i ai ia mea nei e moomia mo le galuega, feoaiga i taavale fuel mo Minisita e toalua, na o le \$5,000 lea e aumai i totonu o le Tala o le Tupe, ua ou le iloa po o fea le miliona lea e taua e le Taitai o le Itu Aigai. O mea o pepa o Minisita ia faaopoopo, o pepa e fai ai galuega. E leai se Minisita e na ona alu atu na o lona lima ona tustitusi lea osiosi i luga o le kesi mea e manao i ai, e tatau ona i ai ni pepa e faatino ai galuega, e tatau ona i ai ni penitara ma ni ballpoint. E i ai le fonu ina ua uma ona faatoa au e Tofilau i le 1991 o le a avea au ma Minisita mo Tagata Asiasi Maimoa Mai o le Pasefika, ona ou alu ai lea i le fonu o le fonu muamua na usua i Fiti, o lea e faafotoga mai nisi sa matou auai na Taitaifono ai le Minisita Fiti, na ona amata lava ou fai atu i le Minisita, se faamolemole lava e i ai se tatou Agenda? Leai, e i ai ni peni e tustitusi ai mea? E leai. E i ai ni pepa? Leai. Ia e a la pe a tufa mai ni pepa ma ni peni se i ou tustitusi ai, ona pei ai lea o se fonu e mamalu o ni fonu a Minisita, ona faatoa tufa mai ai o pepa. Ona amata loa lea fai atu, o a la mataupu? Ae aumai le tusi lapoa. Je tusi lapoa e faapena le tele. Ia na valaau atu outou se i outou omai sei outou talanoa i le tusi lena o fuafuaga mamao na o mea tau tagata asiasi maimoa mai, na ou faitau ou te le i moe i le po ae ou faita'ua, ae ou vaai atu i Minisita, e leai ma se Minisita na faita'ua, na ou faita'ua i le po atoa.

Tulafono Tau Faaofo i le Faatatauina o Tupe Faapoopo (Nu. 1)
2014/2015 – felafolafoaiga faaauau i luga o le faitauga faalua

La ona fai atu loa lea i ai i le aufono, o mea ia e aumai i i totonu i i, faatoua ou tau lava lea i ni fautuaga faavalevalea tele. O ai na faia nei mea? A o la e nofo mai le palagi mai Peretania i le tulimanu na totoi e le EU e omai e faia le study, o ai na tusia ia mea o mafauauga faavalevalea? O le a ou tau atu le mea e tasi lava, o lea e aumai i, e pule lava le Komiti Faatonu i le filifilia o le Pule, e leai ni Pule e tofi e ni Faatonu, e ave i luga i Minisita, ina ia iloa ai le fair o le distribution o mea o tofiga i totonu o le Pasefika, e uma ane ua ave e outou ma Fiti tofiga, ae faapena ona faasafua i nuu uma o le Pasefika. O le pasiga o le Tala o le Tupe, ia o la e fai mai e fai e le Komiti Faatonu? E le faia e se Komiti Faatonu mea ia, e ave i luga, o lau fautuaga tuua le tatou fono, e alu le tagata ia e ave le mataupu i lana Kapeneta e aafia ai iuga faa-Kapeneta i mea ia. Na amata le matou fono pe na o le 15 ea minute ae toe tuua, taape, tuua, aua e leai se aoga e fai ai, e oo lava i pepa ma peni, ana ou le fai atu e le ave ifoa ni peni, a o Fono Faava o Malo.

Lau Afioa i le Fofoga Fetalai, o le uiga lena o le taua o mea ia, e tatau ona lava mea o supplies e fai ai galuega a Minisita Lagolago. Ia o le a la le mea lea e sau i i, general office supplies, e \$8,075. Ia ona oo mai lea i le isi mea lea e sau i i o travel costs. O travel costs pe a matou o matou te malaga, ia o lea e sau ai le \$60,000, tusa la o le aofaiga lea e sau i, o lea ia e avatu i, e le atoa se \$200,000. A o upu ia na aumai nei i, oka, oka, e na o le faapoopo ane le \$5,000, \$8,000, \$60,000 le isi, \$60,000 le isi, e fia ia ia lena mea? o le a lafo atu tou te faapoopoina, e le atoa se \$150,000. A o nei lafoga na aumai, ua miliona, a o nei upu na lafo mai e miliona lea e faagaioi ai le toalua lea na aumai nei, lau Afioa i le Fofoga Fetalai, se o ituaiga faaupuga nei e tupu ai le vevesi o tatou, a o lea faatoua uma atu nei lava, o le ala lena o lea ou te fai atu soo ai lau Afioa i le Taitai o le Itu Agai, se tuu le mea na o le taufaasese, e te fua lava e taufaasese e tatau lava ona ou tu atu e faasao oe, e leaga o le tala e ave, o tala e fai vae e le fai vae ae lelea, aemaise pe a alu atu mataupu i totonu o le Maota lenei, ia silasila, na amata loa le lauga muamua a lena itu, na amata loa ia ona aumai lea ma sausaunoo mai i le Tala o le Tupe.....

Afioa Hon Palusalue Faapo II: Lau Afioa i le Fofoga Fetalai ma le faaalalo, ou te fia malamalama po o ua tali mai le Afioa i le Minisita.

Susuga Hon Tuilaepa Fatialofa Lupefesoai Aiono Neioti Sailele Malielega: O lea o le a uma, o le tatou Tala o le Tupe.....

FOFOGA FETALAI: O lea e tali atu i le mataupu na e laga.

Afioa Hon Palusalue Faapo II: O le mea lea ua ou popole ai pei ua tali mai ae le i uma lau lauga.

FOFOGA FETALAI: Leai, aua e te popole e le i uma lau lauga.

22 JANUARI 2015

**Tulafono Tau Faaofi o le Faatatauina o Tupe Faaopoopo (Nuu. 1)
2014/2015 — felafolafolaiga faaanuu i luga o le faitauga faalua**

Afoga Hon Palusalue Faapo II: Oi, ia faafetai.

FOFOGA FETALAI: Aua e te popole, o oe e tuusaunua lava lau lauga se i lau uma mai mea na e te finagalo i ai.

Susuga Hon Tuilaepa Fatialofa Lujpesolilai Aiono Neiotti Saliile Malilegaoni: O le lauga muamua lava a le itu lena, na amata i le upu faapea, e latititi lava le tatou Tala o le Tupe na o le \$10⁺ miliona, o lea foi la na e lauga mai ai le Taitai o le Itu Agai e latititi lava le tatou Tala o le Tupe, na o le \$10⁺ miliona. O le tatou Tala o le Tupe lea e i ai, na o le \$8,254,000, a tilotilo la i le composition o le aofai o tupe faaopoopo, e \$10,790,305 ona tilotilo loa lea i le faaititiga o tupe faatatauina, e \$2,635,000 ona maua ai lea o le \$8,154,000, na o le pau lava lena o le tatou Tala o le Tupe lea e talanoaina nei \$8,154,543 tuu i ai ma le \$100,000 o vaegatupe i mea tau Tulafono, e ala ona tuu ese i i, ona e oo loa i Statutory Expenditure, o i ina lea o lo o tau i le mamalu o lo tatou atunuu. O le ala lena e faaigoa ai le vaegatupe lea Statutory Expenditure, tupe faapitua faale-Tulafono, o lona uiga o lea e tau i ai i totonu i i, ia le mamalu atoa o le Malo lenei. O le mea lena e ala ai ona tuu ese lava e le palua faatasi ma isi vaegatupe. A o le tatou Tala o le Tupe lena, e \$8,254,000 ina ua aveese le faaititiga, net out loa lea, ia na o le pau lava lena o le tatou Tala o le Tupe lea tatou te talanoaina.

Ina ua tuua le tatou Fono ia Tesema, o lau upu lea na fai atu ia te outou, o le a tuu atu Tesema atoa ma Ianuari se i tau i le aso 19 e tatou te fono ai, ae ave a outou Tala o le Tupe e faitau, faitau, faitau ma taumafai e malamalama ai, aua e oo foi i le aso tatou te toe foi mai ai, o outou fesestetai lava ma outou le malamalama. Ia o le a faapefea nei ona fai le galuega ona o lea e oo lava ia te oe o le Taitai e te le o malamalama i le Tala Faataau Faaopoopo o le Tupe lea tatou te talanoaina? Ae na amata mai i le isi o le tou Vaega na muamua talanoa, sau muamua lauga, \$10⁺miliona, ae na o le \$8.2miliona le tatou Tala o le Tupe. O le ala lena o lea e fai atu ai, se saunua i mea maoti, aua le fai autaga le galuega, ae aua o la e faafogafoga mai le atunuu. Ia se i vaai i nei mau miliona na e tau maia o lea e aafia ai au Minisita, a o lea ua tau atu ia te oe le sa'o? A o mea nei na avatu i totonu o le Komiti o le Tupe, sa tatou ona logo ane oe o le Taitai ona e aumafia ai lea, ae le o le faaseese o le Maota lenei, faaseese atu ai ma le atunuu atoa o lo o faafogafoga mai. O le ala lena na ou fai atu ai ia te oe Palu, tuu le mea lena o le taufaasese, tuu le mea lena o le taufaavalea, e le mafai ona ou tuulua oe e te alu. O le ala foi lena e omai ai pea TV e faalogologo mai, leaga na o mea lololo lava ma mea suamalie ma mea moni ma mea saosso. A o mea ia e te saunua soo ai, na o mea taufaavalea taufaavalea mea e te faia. Ia faauma maia lau lauga, ia manuia lau lauga.

FOFOGA FETALAI: Malie lava lau Afoga i le Taitai o le Itu Agai se i tuu atu lava le avanoa i le sui usufono mo Alataua Sisifo. Tulai mai le sui usufono.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

Afioga Lafaitale Patrick Leiataualesa (Alataua Sisifo): Masalo e le toe faasilila so matou leo, o lea ua saunoo manino lava le Palemia i vaega ia. E leaga e moni lava o upu e faataata a lafoga, ae leaga o lea e faafogoga mai le atunuu o lea e tuuaia matou. O ofisa foi ia e taua e le Taitai o le Itu Agai, e le o ni ofisa fou. O lea matou te i le Development Bank po o le Central Bank foi, o ofisa lava ua leva ona fau e le Malo. Ae le manai le saunoaga a le Taitai o le Itu Agai leaga o la e faafogafoga mai le atunuu. O lea la ua tuuaia nei matou, ae o lau fésili atu la, o le a le mea ua faamavae ai Saleaula? O Saleaula o le isi sui usufono matua o lena itu. Pe le o le le talitonuina e le Vaega Faaupufai, po o le palaai foi ia Tapuai? Ia, ma le agaga faaaloalo.

FOFOGA FETALAI: Ia, se i avatu muamua le avanoa i le Taitaifono. Tulai mai lau Afioga i se tasi o sui usufono mo le Au Palota Taitoatasi, Susuga Hon Papaliitele Niko Lee Hang.

Susuga Hon Papaliitele Niko Lee Hang (Palota Taitoatasi): Faafetai atu i lau Afioga mo le avanoa. Ma le faaaloalo lava ou te fia talanoa i le saunoaga a le sui usufono mamalu lea na tau ai le ofisa lea, ona e i ai foi lou ofisa i le Maota lea o le Palemene, ona o lou talitonuga e faauigalua le afi lea na taua e le sui usufono mamalu. O le afi lelei lau Afioga, o le afi foi lea e mumu i luga o ao o le ausoo o Iesu, a o le afi leaga, e i totonu lava ia i tatou uma le afi leaga lea e taupule ai ni tulaga faavevesi. Ua lima tausaga o ou nofoia le Maota lea la e i ai lou ofisa, ae ou te le i faalogo lava i ni tafugaafi o fai i totonu i i. O lea la e tatalo atu ai i lau Afioga, faamolemole aveese le vaega lea o le saunoaga a le sui usufono mamalu, ona ou te iloa e faauigalua le saunoaga. Ma le faaaloalo lava.

FOFOGA FETALAI: Malo. Ia, se i tulai mai Saleaula, leaga o lea sa taua lou suafa.

Tofa Levaopolo Talatonu: E sao lelei lava, o le mea tonu lea ua taunuu ai le upu foi lea, “E a ulu tafega ae selefutia ai Levaopolo.” Ou te le iloa la i ai i le tulaga lea. E pei lava la o le taufaasese sao lea. Ae a faapea foi o lea ua taua ua ou fefe ia Tapuai, ia sala ina ou fefe, leaga e leai se isi o le Maota lea na te maua le tulaga lea e i ai Tapuai Toese, o le talatalanoa ma Agelu i aso uma. O le mea la lena e le maua mai le Vaega lea. E pei la o le mea lena ua ou tali atu ai i vaega ia e lua e tau faasao atu le vaega lea, a o le taufaasese tonu lava lea.

FOFOGA FETALAI: Malo. Ia, le Alataua e i ai se isi mea?

Afioga Lafaitale Patrick Leiataualesa: Lau Afioga e le mafai lava ona avatua ni faamatalaga e le talafeagai. Mo le silafia e le Maota, o le tausoga o au e nofo ai Levao. Na valaau mai si ona toalua anapo mai Niu Sila, “Lafai, ua faamavae Levao mai le Tautua Samoa.” Ma le agaga faaaloalo.

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaanau i luga o le faitauga faatua**

FOFOGA FETALAI: Ia se i tulai mai le Afioaga i le Palemia.

Susuga Hon Tuilaepa Fatialofa Lupeolilai Ationo Neioti Salliele Malilegaori: Lau Afioaga i le Fofoga Fetalai, se ou te faamalulu atu i Jena Itu o le Maota, o le a foi se lafoga ua sala, e faamalie atu i Minisita Lagolago, se onosai ia ua lava ia lea faamalalamagama ua ou fara. Onosai ia, e tofu lava le tagata ma lona sese. E faamalulu atu foi i lau Afioaga Levaopolo, o le a se faafiofoga mai, o le tulaga lena e oo i ai tatou i nei lava mea o uiga faapenei, o lea foi e le i aveese le lotoitia o Afioaga i Minisita. O le Afioaga a Iesu, ia faamagalo, maua tatou i le faamagalo. Ia faamagalo mai matou i ni o matou sese, matou te faamagalo atu foi, ae faagasolo le tatou Fono.

FOFOGA FETALAI: Malie. Masalo o lea ua taoto i lagatonu le saunoaga a le Afioaga i le Palemia, o lea foi ua faamalalama le atugaluga sa i ai le saunoaga a le Taitai o le Itu Agai ua lava ai i i. O le saunoaga a le Taitaifono i le tulaga o le saunoaga a se tasi o sui usufono e uiga i le tatou Maota lea, ia tasi ae foi, ou te lagona atonu lava e faaataata a lafoga ae leaga o Ia e faafiofoga le atunuu, e tau maualalo ai le tatou Maota lea. E talitonu e leai se agaga o ni mea tuga, o a lava tou suaga o le vaatele ma tou talanoga, o mea masani, ae aua le avea le se ma mea mamafa, ne i manatu o i ai ni tulaga faapea e i ai ni faaolotaua ma ni mea o talanoa i ai. O le mea lea Tuisa, ia faau i tua le upu lea faapea o le Maota lea o se tafugaafi, ua ou lagona foi e le talafegai ma le faafiofoga a le tatou atunuu, e toe taufaatauvaaina ai le tatou galuega, Vaai i le tatou fiafia, tatou te inuti faatasi, tatou fiafia faatasi, inu le tatou ava. O a suaga o le vaatele, ia malu i fafo ma malu i fale a tatou upu. Tulai mai le sui usufono mamalu mo Sagaga le Falefa.

Tofa Tuisa Tasi Patea: Lau Afioaga i le Fofoga Fetalai, i le ava ma le faaalalo ou te toe tulai atu ai. Leai o le afi lea na ou taua, o lea e manino lava i le Tusi Paia, o le afi ma le agaga ma le vai. O le tulaga lena e faamalulu atu ai.

FOFOGA FETALAI: O lea la ua faasao mai o le afi lea na... O lea la ua tutusa a oulua saunoaga ma Papatiti, o le afi o le Agaga Paia ae le o se isi tafugaafi. Tulai mai le Taitai o le Itu Agai e toe faaanau le saunoaga.

Afioaga Hon PALUSALUE FAAPO II: Ia, faafetai i le avanoa ua toe tuuina mai, aua ua ova ma le afa itula o saunoa le Palemia fai mai o lou taufaavaalea. Ae a silasila i lana saunoaga i le Itulau 2 – 2, o lea o le a ou faitaua mo le faafogafoga mai a le atunuu, e \$476,806 ua faagaaga mo le faatupaina o galuega lagolago mo le Ofisa o le Minisita o Tupe faapea Minisita Lagolago e toalua lea e leai se vaegatupe i le Tala Autu. E le o ni upu la a au, o upu lava o lana lauga.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaiga faaauau i luga o le faitauga faalua**

FOFOGA FETALAI: Ia, o lea ua maua se i faamalalama le mataupu lea. O lea o le a faamalalama atu le vaevaega.

Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malilegaosi: Lau Afioga i le Fofoga Fetalai, o lea sa ou avatua le tulaga o Minisita Lagolago ae ou te le i avatua le tulaga o au nei, aua foi o lena tou te iloa lelei, o malaga mea na, ae tatau ona ou malaga. E le faapea la na faitio mai ia te au, ae o lena ua ou avatua mea tonu lava a Minisita Lagolago ia e toalua na agai mai i ai a outou saunoaga, o lena ua e toe faamaninoa mai e oe. A o le tulaga lena sa ou tolaulauina atu, leaga o mea faamaumauina mea na lea ou te talanoa atu ai. O lea foi e faamaumauina lau tautalaga lena, ae ia manatua, o le isi vaega, o au e fitoitonu i ai, ma e tatau ona ou malaga, leaga o au lea e autu i ai mea uma, aemaise le fonotaga a Malo Aufaatasi, e tatau ona i ai Faauluuluga o atunuu uma e molimoli i ai finagalo o le Malo ma o tatou tagata, aemaise foi le fonotaga a Malo o le Pasefika.

O le tulaga la lena, ia manatua foi, o le esesega o mea ia, ona o au lea ua Minisita o Tupe, o malaga la e fitoitonu i le Matagaluega o Tupe, o lena e aumai i ina. Ae o au malaga lava ia masani, e ese le... ae se i vagana ona ua ou malaga, e i ai malaga e tatau ona ou auai e aofia ai mea tau tupe, o fonotaga ia a Minisita o Tupe. O le fono lea sa fai talu ai lea sa ou taitaifono ai. E tatau ona ou auai i fonotaga a le IMF ma le World Bank, e tatau foi ona ou auai i fonotaga a le ADB. O fonotaga la nei, ou te le alu i se vaa kalone po o se atigi kalone, pe ou te lele i se tamai vaalele, e tatau lava ona ou alu i vaa tetele ia ia vave ona ou oo i ai, ma vave ona ou taluu mai i Samoa. O lena e te malamalama i ai. Ia manatua foi a o ou malaga a o tatou.... ona ou avatua lea o le pepa, a outou fai mai lava ou te le malaga ona ou le malaga lea. O e manatua Palu mea na? O e manatua? E ala ona ou fai atu, ou te ofo ia te oe i lou toe faitauina mai o le mea lena, ae sa tatau ona e malamalama i ai, ona o lena e i ai i totonu, na o le pau le vaega lea na ou avatua, e avatu lava na o mea ia sa outou laga e fitoitonu i Minisita Lagolago, a o lea foi e avatu i pepa ia, pepa sa tilotilo i ai le Komiti.

FOFOGA FETALAI: Malo faafetai. Ae se i tulai maia le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, ou te le o talanoa lava i ni malaga. O lea ou te talanoa atu i Ofisa o Minisita Lagolago nei, leaga sa fai foi i le NPF Plaza. O le a le tupe na alu ai? Ua tiai na Ofisa? Minisita Lagolago fou nei e tulai mai, ou te le o talanoa atu ia Tafua ma Lafai. O le mea lena, lea na ova i le miliona pei ona fesiligia e le Palemia.

22 JANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

FOFOGA FETALAI: O lea ua... silasila mai foi la, o lea o le a ou faamalamalamaina atu le atugaluga lea. Palu, onosai mai se i ou faamalamalamaina atu le mea lea leaga o lea e te aumaia... Onosai mai se i tuumavaevae atu mea na.....

Susuga Hon Tuilaepa Fatialofa Lupesolai Aiono Neioti Sailele Mallegaosi: la manatua foi a talanoa i mea na ona talanoa loa lea i le totogi o le ofisa? Lena la e i ai le totogi o le isi Minisita Lagolago, Tuisa e \$15,468. O le isi Minisita i lana rent e lisi ai, aua foi o le Plaza e ese, o le NPF, e \$53,000. A faaopoopo la le \$15,468 ma le \$53,000, na o le \$69,000. A o le tupe e alu atu i le Matagaluega, o le tupe e alu atu i o i le taga a le NPF, o le isi Paalapotopotoga a le Malo mo tatou tagata faigaluega. E le o ni tupe o tiati i le sami. O lena e te agai i tua, ae manatua foi, e le faia i ni tausaga uma ni ofisa o ni Minisita. E le o o atu la le toalua fou lea feomai ai i o, e leai, e ese foi o laua ofisa. O le faamatalaga lena. E faigata tele ona e malamalama i mea na. Ua ou manatu o lea e manino, ae pei e sili ona e see ese ia ma na mea, o le a maunau lau lauga matagofie.

FOFOGA FETALAI: O le ala lea o le taumafai atu lau Afoga i le Taitai o le Ilu Agai, o lea ou te taofi ma matau upu o lau saunoga, e te le i agai i le tulaga lautele i le Matagaluega, o lea sa e agai tonu lava i Minisita ma tana ai le miliona lea e tau faamalamalama atu. O lea la ua e toe taua mai foi le \$400,000+ lea sa folasia i le tatou Tala o le Tupe, a o le Matagaluega atoa lena, a o lea ua faamanino mai na o le \$150,000+ mea lava tau Minisita Lagolago lea e i ai. A o le aotelega o le mataupu, o lea ua toe faamanino e le Palemia, o ia. Ua manatu ua manino Palu? A i ai ni ou alofa tulai mai e faasolo le tatou galuega.....

Afoga Hon PALUSALUE FAAPO II: Lau Afoga, ua atili ai ona ou le manino i lau faamalamalamaga. O le upu moni lava lena, o lea ou te faalogo i le faamaninoga mai o.....

FOFOGA FETALAI: O lea ou te taumafai e faamalamalama ma fesasoani atu.

Afoga Hon PALUSALUE FAAPO II: E sese lea upu fai mai o lou taufaavaalea. Ia a taufaavaalea o lea e tele tupe a le atunuu lea e afaina ai?

FOFOGA FETALAI: Agai ia i o e faamanino le mea lena ae aua e te fai mai e le o manino i lau tala lea e fai atu. A tatou o nei e aulilili au upu ma au tala lea e fai mai ona manino lea o le mea lea ou te faamalamalamaina atu. Ia o le a e tu ae lava fai mai e miliona?

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaiga faaauau i luga o le faitauga faalua**

A tatou o la e vailiili lau miliona a fea e sau ai, a o lea na o le \$400,000+ le Matagaluega a le Palemia? Palu, o lea ou te taumafai e fesoasoani atu i lau pitolaau e faamanino ma faasao ma faatulaga le tatou Fono i se mea, ae aua e te faia mai lena upu e te le manino i le mea lea ou te taumafai atu e faamalalama ia te oe.

Tulai mai e faaauau le saunoaga.

Afioga Hon PALUSALUE FAAPO II: Ia o le a ou see ese, a o la e faamasino mai le atunuu i ofisa ia na fai i le NPF Plaza o Minisita Lagolago nei.

Susuga Hon Tuilaepa Fatialofa Lupesoliai Aiono Neioti Saille Maleleaga: Lau Afioga i le Fofoga Fetalai, leai o le mea lea ua ala ai ona nunumi le Taitai o le Itu Agai, o le agai fua e auiliili sese le Tala o le Tupe. O le mea lena faatoo tatou agai i ai i le taimi mulimui, a o le taimi lava ia o lauga, o lauga faalauaitele. E pei o le tulaga lena, ae ua atili ona e fenumiai, ona ua e agai fua i le Tala o le Tupe e sau fenumiai ai lava ma maua atu ai lou auala ou te faasaoina ai le sese lena e te aumaia.

FOFOGA FETALAI: Ia, tulai maia ua lava lena fenumiai ae faaauau lau lauga.

Afioga Hon PALUSALUE FAAPO II: Lau Afioga, o lau lava lauga sa faalauaitele, ae na oo loa i le auiliili ma fesiligia le miliona, lea na ala ai ona ou oo i ai.

Lau Afioga i le Fofoga Fetalai, e faamalulu atu, o lea e taumafai atu. O le aotelega o lau lauga, ia faasaosao tupe nei ona faaititia ai lea o a tatou aitalafu ma mea faapena. O lea ou te iloa lau Afioga i le Palemia, o lena e taumafai e sue tupe. Aua o lo outou tiute lena o le sue o tupe aua le atinae. O lea la matou te lagolago atu ai, sue tupe ona o le faamoemoe mo le lumanai manuia o le atunuu. E pei la o tupe ia ou te talanoa atu ai, ana faasaoina lau Afioga i le Palemia, e tele mea lelei e fai ai.

O le mea lea o le a ou see ese ma le mataupu lea.....

FOFOGA FETALAI: See ese lau Afioga i le Taitai o le Itu Agai.

Afioga Hon PALUSALUE FAAPO II: Ona pau lava lea o le mea na e laga ananafi ma faapea matou te.....

Susuga Hon Tuilaepa Fatialofa Lupesoliai Aiono Neioti Saille Maleleaga: Lau Afioga i le Fofoga Fetalai, o le matua tele lava o le fenumiai lea e aumai.

FOFOGA FETALAI: Malie le sui usufono, se i tuu atu le avanoa i le Afioga i le Palemia.

22 JANUARI 2015

Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitauga faatua

Susuga Hon Tuilaepa Fatialofa Lupesolilai Aiono Neloti Sailele Malilegaosi: Fai mai o le faasaoina. E tasi lava le mea e faasaoina ai o le aua le faia se galuega. Ona pau lava lena, o lona uiga ia faasaoina tupe ia aua ne i faia se galuega.

O le a la le aoga na tatou omai ai i totonu o le Maota lenei? O lona uiga na ona tatou omai e faalue i nofoa ia? O le uiga lena o le upu lena e te aumai. Ia faasaoina, aua ne i faia se galuega. Tatou te le i omai na ona tofofi mai ona omai lea nofonofo. Na tatou omai tatou te galulue. O le mea lena na ala ai ona tofia i tatou e o tatou itumalo, tatou te omai e fai ni o tatou sao ma togi le ma, ia tatou lagolago i le fausia o le tamaoauga ina ia tupu ma ola pea, ma ia maua ai galuega a nai a tatou fanau ua tutupu ae. E matautia le toatele o le tupu lea e tutupu mai ai tama fanau a le atunuu e moomia ni galuega. E le maua la ni galuega i le leai o se mea e faia. Ona pau lava le mea e maua ai galuega, ia matua faaalu i le atoa le atinae, e le gata iinei ae o i fafo e aumai. Oi, a o isi atunuu e aumai ae tatou nofonofo? E o isi atunuu e nono mai.....

O iinei i Samoa, o lena e te silafia i au foi loans la e fai. E te le mafai ona fai se mea pe a e le alu e fai ni au loans. E le o faia la ni au loans? Ia ua a la? O lea ou te iloa.

Afoga Hon PALUSALUE FAAPO II: Lau Afoga i le Fofoga Fetalaí, o lea ua manino.

FOFOGA FETALAI: O lea ua manino lau folasaga. Se i tulai mai lau Afoga i le Taitai o le Itu Agai.

Afoga Hon PALUSALUE FAAPO II: E leai ma sau folasaga na fai atu e taofi mea e fai, a o le fuafua lelei, ae le faapea ua ou fai atu e taofi ae tatou faalue. O le mea lena e ala ai ona sese, leaga e miliomilo solo e le Palemia

Susuga Hon Tuilaepa Fatialofa Lupesolilai Aiono Neioti Sailele Malilegaosi: Lau Afoga i le Fofoga Fetalaí, sa e i totonu o le Kapeneta. O a la ni mea na leaga ona tatou fuafua? E fuafua lelei uma lava mea uma, a o le upu lea e te fai soo o le fuafua lelei e pei e foliga mai e le o fuafua lelei. O lea e fuafua, ua matua ova le fuafua lelei. E oo foi i o tatou taimi, o oe le isi tagata e ese lou fuafua lelei, ae tiga lava ona e fuafua lelei, ae na tutupu lava mea i lalo o oe.

O e manatua o lea foi na ou alu atu tau fofo le isi ou faafrauli ona ua fafau e isi mea e aveese ai isi, ona ou alu atu lea fofo?

Afoga Hon Aeau Peniamina Leavaseeta: Lau Afoga i le Fofoga Fetalaí, e pei o le agaga lea e tau molimoli atu i le Afoga i le Palemia.....

FOFOGA FETALAI: Tulai mai le Afoga i le Sui Taitai o le Itu Agai.

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolaloaiga faaauau i luga o le faitauga faalua

Afioga Hon Aeau Peniamina Leavaiseeta: O le taumafai foi lea e fuafua le aitalafu leaga ona pau lava lenei o le atunuu ua iloa i tulimanu uma o le lalolagi nei le fautuaga, “Aua ne i toe faia ni a outou aitalafu le mafauaufa faapea.”

E pei la o le agaga lena lea e tau molimoli atu, aua le soona faaogaina tupe aua e tele ai aitalafu.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai.....

FOFOGA FETALAI: O lea ua maua le finagalo o le sui usufono.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Ona pau lava lenei o le atunuu, so o se taimi tatou te talosaga atu ai i Faalapotopotoga ma Malo, e pei lava o le a le toe e aumai. Aisea? Leaga foi o la e tilotilo i lo tatou debts service capacity, o le matua malosi. E le i taitai, toetiiti \$800miliona le tatou tupe lea e faaalu i tausaga uma i a tatou paketi, ae ova ma le \$700+miliona a tatou tupe maua, ae laifiti lava le tupe lea e alu; o a tatou lava tupe. Se i vaai la e le i taitai, a o lea ua ou vaai atu ua outou manavanava. Oi e fai e matou galuega ae manavanava ai fua outou?

Ia manuia lau lauga Palu.

Afioga Hon PALUSALUE FAAPO II: Lau Afioga i le Fofoga Fetalai, ua matua galo lau lauga aemaise la o lea ua saunoo na alu atu fofu le faaifitauli ia te au. O ia na aumaia papalagi i le SamoaTel. O ia na aumaia papalagi e toa 20+. O le mea lea lau Afioga i le Fofoga Fetalai, pau lava le mea lea.....

Susuga Hon Tuilaepa Fatialofa Lupesoliai Aiono Neioti Sailele Malielegaoi: E le o le sao lena. Ia manatua foi o le tatou faasalalauga sa fai lea foi sa avatu i totonu o le Kapeneta, ona fili ai lea o le laui'a lea? O le laui'a la lea o lea na alu atu, e tasi lava e le i atoa ni masina ae ona iloa le faaifitauli lea e faafeagai ma tatou.

Mai le 1972 i le 2002 sa pepe a tatou telefoni ona o le sese o le mea la e tu ai le fale i Lalovaea lea e tafe ifo i ai loimata o Apaula. O lea la e pepe uma ai a tatou telefoni ona o le susu. Ae ana le sau si tamai laui'a lena na o le 30+ tausaga. Na ona sau lava tilotilo i le faaifitauli fai mai loa, “Aveese mai le fale ma o, ae fai le fale i Maluafoou.” O le tasi lena atinae na taofi mai e le Faletupe o le Lalolagi lea sa tatou faatonuina e fai le fale ona e taua ma o le ala lena. A o le mea la na tupu lea na o ifo ai le Komiti ia te oe ina ia tuli le papalagi. Ona ou fai atu lea, “Aua le tulia le papalagi ae se i sue muamua po o ai e sao.” O le lipoti la na avatu e le Suetusi na iloa ai o la e sao le papalagi.

22 IANUARI 2015

**Tulafono Tau Faaofī o le Faatatauina o Tupe Faapoopo (Nu. 1)
2014/2015 – felatolafolaiga faaauau i luga o le faitauga faalua**

O ituaiga mea faapena e tutupu lava leaga e i ai lava le tiapolo i mea uma. E ese ai la ma i ina, a o le manaia ia o lau galuega sa fai i ina, a o lea ou te tau atu ia te oe, e i ai lava mea e tutupu. E te fīu lava e taofīfī, leaga o lea e i ai Sātani i le lalolagi lenēi.

La toe faaauau, ua leva tele ona e lauga. *(I le Taitai o le Itu Agai).*

FOFOGA FETALAI: Tulai mai lau Afioaga i le Taitai o le Itu Agai.

Afioaga Hon PALUSALUE FAAPO II: Lau Afioaga i le Fofoga Petalai, faafetai i lea vaega leaga e matuia lafoga a lau Afioaga i le Palēmia faapea o matou lea matou te avea le upu sese. O le aso ananafi, e le taugofīe i lenēi Itu leaga o la outou galuega o le taumafai e aumai kamupani i totonu, e maua ai galuega a le atunuu, e matua lagolagoina e lenēi Vaega le aumai o kamupani mai fafo.

O le mea lea e popole ai lenēi Itu o le leai o ni kamupani e omai, ona pei lea o le a tuuaina matou fai mai o matou lea e avea tala leaga i fafo. Lau Afioaga i le Fofoga Petalai ma lau Afioaga i le Palēmia, e sa i le Vaega lenēi ona faaleaga le atunuu. E oo lava i lau Afioaga ma lena Itu, e puipui lenēi Vaega. Aisea? Ina ia saogalemu ma solo lelei le atunuu lenēi, ma le faaomēmea ina ia tele ni fale gaosi mea e aumai i le atunuu.

O le manaia ia o au saunouaga ia e taoto lava i inēi i le Maota aemaise o a outou Afioaga. O le a aumai le fale chips, o le a aumai fale i'a. O le matua fiafia o la matou Itu, ae pau lava lea o le mea e fassao, e le mafai, le mafai ona matou faaleagaina le atunuu lenēi.

Susuga Hon Tuliapēpa Fatialofa Lupesoliai Aiono Neiofi Saitēle Matitegaofi: Lau Afioaga i le Fofoga Petalai.....

FOFOGA FETALAI: Malie le Taitai o le Itu Agai, se i tulai mai le Afioaga i le Palēmia.

Susuga Hon Tuliapēpa Fatialofa Lupesoliai Aiono Neiofi Saitēle Matitegaofi: O le manaia o lau saunouaga, e te saunoua atu i totonu i inēi ae ua leva ona matamata le atunuu i au saunouaga i le televise. Na ou matamata ai foi. Ana e le sausaunoua atu i le televise ma alu atu au faasalalauga i le Observer ou te le iloa au gaioioiga alualua ia e fai i ou tua. E le o faalauaitēleina foi au talanouaga. O lea ou te talanoa atu e fitotoitonu lava i lau Afioaga. E ala ona ou faatana oe, leaga o oe lea sa e saofai i totonu o le Kapēneta ma e silafia ai a tatou metotia i le faiga o iuga. Tatou te le faia ni niga faavalevalea, tatou te matua o lava i le ooouga o mea.

O le mea lena ua sese ai lou tulaga, aua na ona e sasi lava ou pinpoint ina oe ma toe aumai lava oe i totonu i inēi i le mea sa tatou mafuta ai, aua e le faapea o suia faiga i le taimi lenēi ma faiga sa fai i lena taimi.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaunau i luga o le faitauga faalua**

O le saosaoa lava o faaiuga sa i ai o lea lava e saosaoa e le i suia. E tasi lava le mea na tau saosaoa teisi loa e teva atu i ina, o taavale po o le fesuaiga o taavale afi ma le itu e o ai ona o lou fefe vale.

Na ou faitau foi i le isi faasalalauga na mafua ai ona tetee tagata, ona na fai mai o le mea o le a tupu ia Samoa e 700 pepe po o tamaiti o le a taso solo e taavale nei e taumatau foeuli. O au ua te'i, o lona uiga e sosogi taavale. Na ona alu ane lava o lea taavale sosogi mai o le fale lea o la e i ai le tamaititi afe loa, e alu atu lava oso i totonu o le potu moe soli le tamaititi. Ou te ofo i le oa o faamatalaga le aivaa.

Lau Afioga i le Fofoga Fetalai o le mafuaaga lena leaga o lea e te talanoa mai iinei e deny, a o lea sa ou matamata ia te oe ma au folasaga i luga i le televise ma au folasaga e fai i nusipepa ona ou iloa ai lea. O le mea lena o lea ou te iloa ai, ae oso ese ia ma nei mea o le a maumau ai lau lauga.

FOFOGA FETALAI: Tulai mai le Taitai o le Itu Agai.

Afioga Hon PALUSALUE FAAPO II: O le mea e fia faasao i le saunoaga a le Palemia lea na faapea mai na ou teva. Ou te le i teva ae na ou faamavae ona ua ou le talitonuina lau taitaiga, ae e le faapea na ou teva ese. Ioe, o le mea lena e fia faasao atu i lau saunoaga.

Susuga Hon Tuilaepa Fatialofa Lupesoliai Aiono Neiotei Sailele Malilegaai: Lau Afioga i le Fofoga Fetalai, leai e te le tau faasoina aua o lea lava e faafofoga. E le gata na e tetee aloaia iinei i fuafuaga a le Malo e faatino ai lou le toe fia i ai i le Vaega lenei, a o lea lava e iinei i latou na faia le iuga. E fai atu ia te oe e tomumu ina ua faamuta oe. Ona e teva lava lea i fafo ma le potu ma e tomumu. E i ai ni mea faapena e te alu ma e tomumu? Ae mafua ona tomumu ona o le iuga ua fai aua leaga e i ai a tatou faiga faavae. E le o se mea amiotonu lo tatou mafuta pea a o lea e te tetee i faaiuga fai a lo tatou Malo i mea e manuia ai le atunuu aemaise lava o le faalauiloa i totonu o le Maota lenei.

E pei o le tulaga lena lau Afioga i le Fofoga Fetalai, ae le faapea o ni tala e fatu fua leaga o lea e tilotilo atu le vaega lea. Ia vaai foi o lea e talie le vaega lenei ona e fai atu lava le iuga ae e tomumu lava ma e toatamai? E le faapea la o se mea e fuatia ifo. O lea ou te fai atu, aua o lou soona agai tele mai ia te au o le a tauau ina mapuna uma atu ai mea e le tatau ona ou faaalua.

FOFOGA FETALAI: Tulai mai lau Afioga e faaaunau le saunoaga, ia vaatele foi lou finagalo Palu.

Afioga Hon PALUSALUE FAAPO II: Ia faamasino mai le atunuu aemaise outou lena e talie vaeatu a outou Afioga. O le musumusuga a le Agaga na ou alu ese ai, o le mea lena.

22 IANUARI 2015

**Tulafono Tau Faaofi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitauga faalua**

Lau Afoga i le Palemia, o le tele ia o tuuafina ia e faapea na ou tomumu. E tóatele foi le auafii tomumumu ia e i ai, ioe. A o au ia ou te le i tomumu. Na ou faafetai atu i lau Afoga.

Susuga Hon Tuilaepa Fatialofa Lugesolai Aiono Neioti Satele Malilegaoti: Ja aveese ja le tomumu ae tuu i ai le muga.

Afoga Hon PALUSALUE FAAPO II: Lau Afoga i le Fofoga Fetalaí, o tuualalo na. Tuilaepa, afai e tuualalo atu ae le faaogaina, a o le mea e sili ua avatu le tuualalo. O lea ou te matavina ua tele lava tuualalo ua outou faaogaina. Malo faafetai i le fetuutunai o le tofa i mea e lelei ai le atunuu.

O le mea lea o le a faagata iinei lau lauga ona ua alu foi le aso. Ia manuia le Fono.

FOFOGA FETALAI: Ua malo le tulei saunoa i lau Afoga i le Taitai o le Itu Agai. E le fou upu a le atunuu, e faatau matatoo lava tama a o le uso. E le natia foi a oo loa ina sili le vaatele, e le toe i ai se vaa e sili vale. O lea ua tulei saunoa lau Afoga i le Taitai o le Itu Agai, ua talifutaitau le Taitai o le Malo, ia ua fetauti fola. O a foi a oulua saunoga, e faapena a tatou Fono. O le fono e fevaifitai ma le ato tatou te manatu o le ola lea o Samoa o lo o tapuai. O faiva e tapuaina, a o le tatou tiute ma le matafaioi ia tau masuasua aua le tapuanga a le atunuu i lona tamaoauga. E momoli le faafetai i lau Afoga i le Taitai o le Itu Agai.

Tulai mai lau Afoga i le Taitaifono o le Komiti o Tupe Maua ma Tupe Tototogi a le Malo.

Afoga Hon Leaupepe Toleafoa Apulu Faafisi (Aana Alofi Nu.1): Lau Afoga i le Fofoga Fetalaí.....

FOFOGA FETALAI: Malie lau Afoga i le Taitaifono o le Komiti o Tupe Maua ma Tupe Totogi, se i tulai mai lau Afoga Leaupepe.

Afoga Hon Leaupepe Toleafoa Apulu Faafisi: E le samania lou finagalo aua e pule tutasi lau saunoga ma le malelega i le Maota Fono, ae na ona ou tulai atu o se mea e fia faasao ma faamalalama.

E tonu ma sao le saunoga e fetai lava tama a o le uso. Ae mo le sifafia e lau Afoga, o le Afoga lea i le Taitai o le Itu Agai, o le maupaolo ia Aiono lea Tuilaepa ma au i Fasitootua. O le sao ia o le mea, e faatauta a o le faitava Palu ia maua ma Aiono. Ma lou faaalalo lava. Faafetai.

FOFOGA FETALAI: Aveese le upu lea faitava, o paolo e malu ai aiga, ua fai si... ua afu le tautua a Palu i le tatou aiga. E manatu.....

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaanau i luga o le faitauga faalua

Afioga Hon Leapepe Toleafoa Apulu Faafisi: Ma lou faaaloalo o le maupaolo lau Afioga. Ae ala ona ou taua o le faiava o le muga soo. Faafetai.

Afioga Hon PALUSALUE FAAPO: Lau Afioga i le Fofoga Fetalai, o le mea lea e iloa ai le matavalea o le aualii ia, ou alu atu lava sei mai le tumutumu. Fai faalelei mai la au, ioe, ia lua iloa au.

FOFOGA FETALAI: Ana faapea se maupaolo o lou aiga ae le lagolagoa tagata o le aiga, ua leva lava ona tuli ma le aiga. Ui i lea, faatea lea fuilauvi. Tulai mai le Taitaifono.

Susuga Hon PAPALIITELE NIKO LEE HANG: E muamua ona momoli atu lau faafetai i lau Afioga mo le avanoa. E fia piiana foi lenei sui usufono i le taulaga paia ua uma e siitia i le taeao nei, e faafoi ai le viiga ma le faafetai i le Tama i le Lagi ona o Lona alofa ma Lona agalelei faitaifea ua tatou maua ai lo outou soifua laulelei aemaise foi o so matou ola.

Ma le faaaloalo lava lau Afioga i le Fofoga Fetalai, e muamua lava ona ou faatoulu atu i le pau o le Maota ua sasao nei i le afio o lau Afioga i le Fofoga Fetalai, afio lau Afioga i le Palemia, le Sui Palemia ma Afioga i Minisita. Afio foi le Taitai o le Itu Agai, le Sui Taitai aemaise o le paia lasilasi o sui usufono mamalu uma o le Fonousu a Samoa.

Ou te fia faatoulu atu foi i lau tapuaiga Samoa mai mauga tetele seia paia mauga iti, i le afio Lana Afioga Mamalu O Le Ao o le Malo ma lau Masiofo, afio o lau Afioga i le Sui o le Fono a Sui Tofia ma lau Masiofo, taimane foi le afio o lau Afioga i le Faamasino Sili ma le mamalu o le Ofisa o Faamasinoga. Susu le aufai tatalo i fatafaitaulaga e fia i nuu ma afioaga o lo o nonomanu aua se manuia o Samoa aemaise o le Palemene nei.

Ou te fia faatalofa atu foi ma faafeiloai atu i le mamalu o le itumalo Palota Taitoatasi, faamalo le tapuai. E faatalofa atu foi i le paia ma le mamalu lasilasi i Ofisa Sili o Pulega ma Pule Sili o Matagaluega ma Faalapopotoga i alii ma tamaitai, aemaise foi o le afioga i le Failautusi o le Fono ma le mamalu o le Ofisa. O outou sa ma ni outou faigata o le a le oo i ai sau faamatalaga, ae o le a faapena ona nuunuu atu faatini o tausala.

E muamua lava lau Afioga i le Fofoga Fetalai ona faamauna se agaga faafetai i lau Afioga i le Minisita o Tupe le Afioga i le Palemia, aemaise foi le Ofisa Sili o Pulega ma le Matagaluega o Tupe i le galuega fita sa feagai ai a o tapenaina lenei Tala Faatatau Faaopoopo Muamua o le Tupe. Malo le galulue malo le tauatai. Ou te fia faafetai foi alii ma tamaitai o le Matagaluega o Tupe, le Ofisa o le Pule ma Suetusi Sili, Ofisa o le Komisi o Galuega, aemaise o le Ofisa o le Palemene, o e sa lagolagosua i le tapenaina o le matou Lipoti. Malo faafetai, malo galulue. Ia tau ina ia agalelei le Atua ia faapena ona faafualeva lo outou soifua laulelei aemaise faatumu pea la outou utu aua galuega o feagai ma outou, o outou lava o le limataumatau o le Malo. Faafetai.

22 JANUARI 2015

**Tulafono Tau Faaofi o le Faatataina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

Lau Afioega i le Fofoga Fetalai, ou te talitonu ua manino ma malamalama uma sui usufono mamalu i le Tala Faatatau Faaopoopo o le Tupe, ma o le a le toe afea i sau faamatalaga se i vagana ai nisi o mataupu ou te manatu e tatata pea ona ou tautala i ai.

Lau Afioega i le Fofoga Fetalai, sa matauina mai satililiga a le Komiti le tele o aitalafu tuua mai le Matagaluega o Tupe Maua, e aofia ai aitalafu tuua mai tute o taavale a le atunuu sa fai feagaiga ma le Ofisa o Tute e togitogi a latou tute faavaitaimi. O le mea moni lau Afioega, ua molimauina mai le Ofisa se faaletonu ua tulai mai, a o taumafai atu latou e aoina mai tupe ia mai tute o taavale o lo o faaauau ona totogi. E maua atu nisi o taavale ua sui ownership, ae le i maea ona totogi paleni o tute. O le tuualalo a le Komiti i lau Afioega aemaise le Palemia ma le Kapeneta ina ia toe silasila ane i le Matagaluega o Tupe Maua se i fai se fetunaiiga ma le Matagaluega o Felauaiga i le Lauveelele, LTA e taumafai ai se faiga faavae e resitala ai taavale uma i lalo o lea fesasoani a le Malo, ae resitala i lalo o le Malo, seia maea ona totogi paleni o tute ona faatoa transfer lea o le ownership mai le Malo i le tagata e ona le taavale. Ia o se tuualalo lea ina ia foia ai lenei faafitauli ua tulai mai.

Lau Afioega i le Fofoga Fetalai, sa taua i lau lauga i le Tala Faatarau Autu o le Tupe talu ai nei le mataupu lava lenei e ala i le faamanuiaga o totogi ma le faaogaina o taavale a le Malo pe a faamalolo le tumau se tagata faigaluega a le Malo aemaise Ofisa Sili o Pulega. O lau tuualalo sa tuuina atu i lau lauga aua lava le faasoaina mai o tupe a le Malo ina ia toe silasila le Malo i faiga faavae ina ia taofia ai faamanuiaga o totogi ma le faaogaina o taavale a le Malo ae se i maea suesuega pe faamaonia tuuaiga e faasaga i tagata faigaluega pe leai. A leai, ona toe totogi uma lea o faamanuiaga i le taimi a o faamalolo le tumau se tagata faigaluega. E talitonu lava lau Afioega i le Fofoga Fetalai e taua tele lenei tulaga ona e le i marrao atu nei foi ona faamalolo le tumau nisi o Ofisa Sili o Pulega e toalua ma se Ofisa Sinia mai se tasi o Matagaluega. O le mea moni lau Afioega i le tulaga lea sa tulai mai i le Komesina o Leoleo, e ova i le tausaga o faamalolo le tumau, ae maua ane ua faamaonia, masalo pe alu ai lava se isi \$200,000 i faamanuiaga nei. Ae ou te talitonu ana taofi nei mea, masalo e mafai ona faaoga i ni malae taalo e tatosaga mai ai sui usufono mamalu, pei o le sui usufono mo Gagairomanuga Nu.1 lea na tatalo mai i sana malae taalo. O ituaiga mafuaaga lea lau Afioega ua ala ai ona avatu le tuualalo lenei, ona e i ai lava lou talitonuga e leai se mea e afaina ai le taofi o totogi ma faamanuiaga, aua e toe maua uma lava pe a faamaonia e le i solitulafono lea tagata faigaluega. Ia na ona taatia atu i lau Afioega i le Palemia i se fuafuaga a le Malo i le tulaga lea mo le faasoaina lava o tatou seleni. Ma le faalalo lava.

Ona faaitu atu ai lea o le lauga i ni manaoga o le ma itumalo. Lau Afioega i le Fofoga Fetalai, ua uma ona faailoa atu e lou uso a sui usufono i le Maota mea lava nei o auata taavale i totonu o le ma itumalo. E fai lava si faaletonu o nai isi auata, aemaise auata foi nei agai i tua, e ese mai le main road.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoga faaauau i luga o le faitauga faalua**

E i ai lava le auala lea lau Afioga i le Fofoga Fetalai talu lava ona ou faipule sa ou talosaga pea i le faaleleia ma le faataina, a o faafofoga mai lau Afioga i le Minisita mo Galuega, o le auala lea e alu i tai i Aleisa Sasae, o le Leoparding Road. Ia, masalo ua faataina uma lava auala e agai i uta, a o le auala lava lenei ua fai si toatele o le mamalu o le atunuu o lo o alaala ma papaaao ai, ma ia manatua foi sa avatu le matou talosaga i le mamalu o le atunuu lea o lo o alaala i le auala lea, i le tele o le faaletonu o lo o i ai le auala lea. Ou te manatua sa tau fai se galuega a o Minisita le Tofa ia Matataualitiia Afa Lesa a o Minisita mo Galuega, ae peitai sa toe taofi ona o tulaga o fanua. Ae masalo ua maea soalaupule lea mataupu, e tuuina atu ai le tuualalo i lau Afioga i le Minisita, se i silasila ane i ai, ua moomia lava le fia faaleleia o le auala lea mo le faataina. Ma le faaaloalo lava.

Le mamalu e o le Au Palota Taitoatasi, ou te talitonu e le o toe po malae i le fuafuaga a le Malo e sui ai le igoa o nofoa o le tatou itumalo Palota Taitoatasi i nofoa o le taulaga. Mo lo outou silafia, o lo o loma nei le faatalanoaina i le Palemene o nei suiga, a pasia loa, ona ma o atu foi lea ma le susuga ia Maualaivao e faamalalama atili ai suiga o le a i ai. Ae o lou agavaa sa e palota ai mo nofoa o le Au Palota Taitoatasi, o le a tumau pea mo nofoa o le taulaga. Na pau lea o se faaaliga ua mafai ona avatu i le taimi nei. Ma le isi mea ua mauiinoa, na o le tasi lau palota. Afai lava e te alaala i nuu ma afioga lea o le a faatulaga mo Faleata, o le sui lava lena e ave i ai lau palota. A faapea foi o alaala i le Vaimauga i nuu o le a faatulagaina, ia e tasi foi le sui e te palota i ai. O suiga tetele na ia tatou tapena i ai, ae sau se taimi pe a pasia lenei Tulafono Tau Faaofi, ona ma o atu lea ma le Afioga ia Maualaivao e faamalalama atili le tulaga lea.

Lau Afioga i le Fofoga Fetalai, na o le pau ia o nai manatu e faatupu manatu i le tatou Tala Faatatau Faaopoopo Muamua o le Tupe. Ia manuia le Fono.

FOFOGA FETALAI: Malo faafetai saunoo i lau Afioga i le Taitaifono o le Komiti o Tupe. E faaagaina lenei avanoa e momoli atu ai le faamalo a le Nofoa i lau Afioga i le Sui Taitaifono aemaise le Komiti o Tupe a le tatou Maota sa outou pale feagai ma le tauaveina o le tatou galuega lenei. E manatu sa outou galulue i le ao ma le po i le faatulagaga o a outou Lipoti. O le mea sili ona taua faafetai o lea ua matua auiliili i tuleiga ma saunoaga a le tatou Maota le taua o la outou galuega fai. Faafetai i lau Afioga i le Taitaifono aemaise o la outou Komiti mamalu, o lea ua faatili laumea i le saunoaga mulimuli a lau Afioga i le Taitaifono, ua faaiu ai saunoaga a le paia ma le mamatu o sui usufono mamalu uma o le tatou Maota, e ala i le tatou galuega ua faupo fauao i le taimi ua sola.

Ona ou manatu lea lau Afioga i le Palemia, ua tatou taunuu i le taimi o le tatou Malo mo le tali mai. O lea ua manino ma malamalama vaega uma sa afea i finagalo o sui usufono, o lea foi sa tele lava ina tulai mai Minisita ma tali aloaia.

22 IANUARI 2015

**Tulafono Tau Faoofi o le Faatatauina o Tupe Faapoopo (Nu. 1)
2014/2015 – felafolafoaiga faaauu i luga o le faitauga faalua**

Ou te manatu ua manino ma malamalama le tele se i vagana ai nai mea o lo o outou faaunumaua pea i le tulaga tou te tali mai ai, ou te manatu o le tou avanoa lenei. Ae tuu atu i lau Afioaga i le Palemia ma le Aiga Minisita, ou te manatu o le avanoa lenei ua tuuina atu e tali mai ai le tatou Malo.

Susuga Hon TUILAEPA FATIALOFA IUPESOLIAI AIONO NEIOTT SAILLE MALIELEGAOI: Lau Afioaga i le Fofoga Fetala ma le mamalu o le Maota, ou te taofi ua matua sausi lava ma tafe tino i vai i le lauluina i tulaga ooo o le tatou Tala Faapoopo o le Tupe. Ma ou te momoli atu le faamalo ia te outou uma na sausauna faatasi ai ma outou tuualalo. O a foi tulaga o le tatou fefinauai i nisi o mau, ia e mafai ona aveesea tulaga masani e pei o upu e faasino ia Faleata, “E tetele a Pesega ae matua i le oō.”

O le tatou Tala o le Tupe lenei Faapoopo, e faaauu ia galuega ua uma ona tatou soalaupuleina i le Tala Auru o le Tupe, e le tele la se faapoopoga, a outou manatua le faapoopoga atoa ua oo i le \$800miliona le tatou Tala Faatatau ma le Tala Faapoopo o le Tupe. E faatupe mai le vaega tele i a tatou lava seleni, ae \$196miliona o lo o faatupe mai i nongatupe mama le tului, ia faapea foi ma tupe e foi mai fafo, ona tulai mai ai lea o le faasiliga i le cash balance e \$4.5miliona.

O faiga faavae ia a le Malo lea e mataitu e tatou paaga ina ia i ai pea se faasiliga e tua i ai le Malo i taimi ua le maalofia. Sa ou talanoa atu i le Tala Faapoopo o le Tupe e \$8.2miliona, ona o le Tala Faapoopo, o mea na e fai e le tatou Matagaluega o Tupe, silasila totoa i tupe faapoopo ia ma tupe faasao e faatupe ai le tatou Tala o le Tupe. O lona uiga e i ai le faapoopoga, e i ai foi le toese. Ia o le toese ia, o lena i tupe faaititia na ootoo mai ai le tele o le tatou Tala o le Tupe i le \$8,254,543. O le itulau autu lava e avatu ai mea na, o le key page i totonu o le Tala Faapoopo o le Tupe o lo o avatu i lalo o le faatulagana o lo o faanumera i le tasi faaloma (1), a outou silasila i le tasi faaloma (1) o lena e avatu uma ai lava i le Birds Eye View le Tala atoa lava o le Tupe i ona vaega eseese, o lena o lo o avatu ai foi ma tatou nongatupe mama ia tului i aiaiga.

Masalo e manatua e nisi o outou sa auai i le tatatalaina o le tatou Falemai fou sa ou faamamafa ai le mea lenei, o le falemai o lea ou te tau matau po o le 3 i le 4 tausaga ae tasi lava le nongatupe na fai ai, o le a le uiga o lea mea? A i ai loa se nongatupe e alu lava e faaauu, ne i outou faapea e i ai ni mea fou, ae leai o le tele o tatou poloketi po o galuega ia e fai, o lea e fai faaauu. Pei o le tasi lena vaega e lapelapea ai le toatele e manatu, o lea foi ua toe fai le isi nongatupe, ae leai o le nongatupe lava faaauu. E leai se kamupani o i ai i le lalolagi lenei e mafai ona faia se fale tele i totonu o se tausaga se tasi, e faapea ona faasolosolo ma tuutuu malie mai i o tatou lima ia seleni mai ia i latou o tatou paaga o lo o lagolago mai i a tatou nongatupe ma tatou aihinae o lo o fai nei.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua**

Lau Afoga i le Fofoga Fetalai o lona uiga, o atinae na faataoto mai i le Tala Autu o le Tupe o lea lava e faaaauu, a o le sini autu lava o na atinae, ia fau ma faaopoopo pea galuega mo a tatou fanau, o le pitolaau lena a le tatou Malo, ae i ai foi le pitolaau a le Private Sector, o latou ia i tua atu o le Malo, lea e fesoasoani i ai le Malo i galuega tetele, ona o latou ia o lo o faatinoa galuega tetele nei, ma e tele ai le avanoa e latou te faafaigaluegaina ai ia le lautele o le tatou atunuu, o le taua ia o le itu lea. A faapea e faasalalau se galuega o le a fai e tauofo mai i ai ni kamupani se toafa ae maua se kamupani se tasi pe vaevae foi le galuega ina ia faia e ni kamupani se toalua, ona e i ai galuega e faapena ona fai, e le gafatia e le malosi o le kamupani e toatasi. O lona uiga o lena ua ola ai na kamupani i atinae ia a le Malo. A o fea na faatupe mai ai? Na faatupe mai i nai taumafaiga ia a lo tatou Malo e faatalatalanoa ai ma Faalapotopotoga tetele i fafo, e aumai isi tulaga o foai, a o isi e aumai i tulaga mama. Tatou te le o e borrow pe aitalafu mai i le faletupe foi lea o Commercial Banks i le maketi, e matua taugata tele ia faletupe na. O le ala foi na e tatou te le i oo lava i le pagatia lea e pagatia ai le tele o atunuu o le lalolagi, ona ua o i le maketi ma aumai ai a latou nonogatupe. O taimi uma matou te o atu ai i fononoi, e taumulimuli ia banks tetele e omai e latou te manao e tele a latou tupe e atinae ai lo tatou atunuu, ae teena e le Malo. Aisea? Tatou te o lava i mea taugofie, taugofie ia tului aiaiga e toe totogi. O le mea la lena o lo o tele ai pea a tatou atinae o lo o fai, ae auala mai i fesoasoani ia mai faalapotopotoga tetele ia.

O le tausaga e 1989 sa oo mai ai le toatolu o le Faalapotopotoga Tau Atinae o le Malo o Italia ma matou feiloai lea faapea ai, e toatele lava i latou e omai i fafo e fia lagolago i le tatou atinae. Ona omai lea fai mai ia te au, o lea matou te vaavaai e tele mea e tatau ona fai i inei, ae mafai ona matou fesoasoani mai, o matou o le Development Bank a Italia. Ia ona ou fai lea i ai, e fia a outou tului e mafai ona aumai pe a matou faaogaina outou? Ia e sefulu tausaga e totogi ai ae 5%, ona ou fai lea i ai, e leai la e matou te le talia, ona o Faalapotopotoga ia matou te faipaaga, ia e maua ai mea na o le ½%, 1%, 2%, e totogi e faasolosolo atu lava i le 20 tausaga, 5 tausaga e le totogia le nonogatupe autu vagana le tului, 5 tausaga po o le 10 tausaga e malolo ai e leai se tupe autu e totogia se i vagana le tului.

Ia ona o atu malie ai lava lea o le vaega lea ma tatou, o loa i le Atu Kuki, ma lou faalago atu, ua talia e le Palemia o le Atu Kuki e fausia le Sheraton foi lele na fau fau le uma, o la o le pala ai lena Sheraton i ina ua le mafai ona totogi. E tele lava mea faapena e tutupu, a o lea lava o lo o i ai le faautaga e faatino ai ia a tatou mea fai. Ua ala ona ou manatu i i, ona o le upu lava lea, fuafua tatau, a o le tele foi ia....o le amataga o le Fono leni na sau ai le lauga a le isi o outou o le a ou le tau atua, na ou faanoanoa ai lava, fai mai o le Malo e corrupt, o le Malo lea, ma o upu foi na iu foi ina lafo e le Komiti o Tupe, corrupt, ia ae le i aumaia i le Lipoti a le Okika na aumai ai le upu lena, a o le upu foi lena na o le sau lava i i faalapotopotoga, corrupt, o le a le uiga o le upu lea corrupt? O le upu corrupt, piopio, tagata piopio, e i ai uma lava ma mea leaga uma.

**Tulafono Tau Faaoifi o le Faatataina o Tupe Faapoopo (Nu. 1)
2014/2015 – felafalafaiga faaauau i luga o le faitauga faalua**

Ia o le ala foi lena na ala ai ona ou talia faalauaitete le mea lena i le isi au tautalaga ina ua laga atu e se tasi o fai nusipepa, o lea e taua outou o tagata leaga o tagata piopio, ia ona ou taumafai lea e tali, e fai e ni tagata piopio ni atinae lelei e manuia ai le atunuu lenei? A o i i mea ia, o lea e i lato i le tauaga lautele lea, faaogaga tatau, lea na i ai mea piopio ia e fai, ina ua maua se toatasi i lea Matagaluega ua molia, po o sea Matagaluega ua molia.

O le taimi sa oo atu ai le savali a Minisita o le Va i Fato sa ou i ai ona o au o le Minisita o le Va i Fato, se i taumafai e talanoa ma Banimarama i le fonotaga muamua, toe faafoi mai le Malo i le tulaga faa-Temokarasi, o upu ia a Banimarama na fai mai ia matou, o le tele ia o tagata piopio i lo matou Malo, faifeau, o sifi o le atunuu lenei, o mea o latou matai, o lea e i ai lava le latou faaupuga faapitoe e ave i a latou matai, ia o le Ratu, a o le upu e ave i tamatai o le Adi o le tala a le taitai Fiti na fai mai ia matou. O le a ou nofo pea i i e faasosao tagata piopio nei tagata corrupt nei, e lavea uma ai lava Ratu uma o Fiti, a o lea e nofo ia Epeli i lona itu tauagavale, o matou ia nei ua faasino atu ia Epeli, lona uiga e aofia ai ma Epeli, ona te i loa lea o le alii Palemia ma faapea mai, e piopio uma lava ia matai Fiti ae vagana lava Epeli e le piopio, ia ona ata lea o le isi Minisita ma fai atu, alii Banimarama, o lona uiga e te faavavau ai lava i ina. O le a le uiga o le upu, selioga e uma ona taofii uma mea piopio ona e alu ese ai lea. Aua foi e uma atu lea mea ae mapuna ae lea mea. E faapena le uiga o le sofitaga lea tatou te i ai. Aisea? E leaga e i ai lava le faasososoga i le tagata, e i ai ona faasososoga, e le mafai ona....a e iliiu atu e faasao lea mea, ae tupu ae lea mea i i, lavea ane le taavale i i, uma atu ona faasala lena tagata ae lavea ane le taavale i o, tau mai le pu i i ua faasao ua ave i le falepuipui ae mauu ae le isi pu i le isi mea. E tupu lava i taimi uma. O lea foi na toatamai ai ia le Atua ina ua aumai Lona nuu mai Aikupito, e tiga ona vaai atu i le fale tapoleni la le e tu mai, a oo i le po ua sasao ae le malamalama, oo i le ao ua alu ane le pusapusa, o le Afio ai o le Atua i ina, ae tomumumu lava ma muga. O le a le mea na aumai ai matou, a? E faapena e tupu lava, ia o lea lava na tupu, e alu i luga Mose ae nonofo ma fai mea valesa i lalo, o le mea la lena na ala ai ona faasala, o le a le faasalaga? Ua ai e gata. O le a la le mea e taua ai le mea lea? O lea ua uma ona taoto le Tulafono a le Alifi, aua nei e taina se mea i ou lima e te toe ifo i ai. A o lea ua fai i lima mai le omea gata e tuu i luga o le koluse e tilofito i ai tagata. O le faataimuaga lena o le faaolataga e Lona Atalifi, o le a afio mai e iluifino tagata. Lau Afioaga i le Fofoga Fetala'i, o le tulaga lena. O le ala foi lea na ala ai ona faatu nei mea o Ofisa Suetusi, latou te omai e sue tusi a Matagaluega ma Faalapotopotoga, leaga e malosi le faasososoga. Se i ou toe tau atu lava le mea lenei e tasi ona e taua, sa ou tau atu ananafi Iesu ma Lona ausoo, ae filio ai lava lula na ia faalaitaina lo tatou Alifi, a o lea na vaai i mea maooe i le masasesae o le lagi ae matala mai ai le leo, sau ai le leo, o Lou atalifi pelete lea. E maooe mea na vaai i ai, a o lea lava e tupu mea ia.

Tulafono Tau Faaofi o le Faatautauina o Tupe Faaopoopo (Nu. 1) 2014/2015 – felafolafolaiga faaaauu i luga o le faitauga faalua

E le o se tala avane ai le tala lea na ou avatua, a oo ina fai faa-Evagelia a lo tatou Alii, e tumu, tumu e le gata o tagata matitiva e omai aua latou te iloa e uma loa omai tagata mauoloo foai mai tupe ona o loa lea o le Au Aposetolo tufa tupe mo tagata matitiva, a o le toatele foi o tagata matitiva e mamai, aua foi e leaga mea e ola ai. Ia, ae aumai ai ma auro ma arto, o tautaliga auro loaloo, ona tuli loa lea o luta e faailiū, money changes, faailiū tupe. Ona sau loa lea ma nei faulaiga tupe ae alu i le faletalimalo moe ai, a lea e momoe Iesu ma lona ausoo i fale leaga e tutulu. Alu moe i faletalimalo tofogi ma tamaitai o atu latou momoe. Ae sau la ma mea ia ma tala mai le manuia o lana faigamalaga, ae fai atu Iesu, “Se i faatali lava se i ma talanoa.” Ia pe 20 iata ae aoai ai i ina e Iesu, toatamai ai luta sau alu suesue, na sau se isi i le mea lea na ou alu ai, o ai foi le gutu umi ua sau alu lipoti au i le toaina? O mea e fai i lalo, fai lava o lea e i ai Iesu. Ia outou manatua foi, na uma loa ona papafiso lo tatou Alii affio loa i le vao tuufua i le 40 aso e tapena ai, tatalo ai ma talatalanoa ma Lona Tama, faamalosiau mai ia te la ona e maoae le galuega o le faaalataga lea o le a faafeagai ma ia. O le a le mea na tupu? Na alu atu i ai le tiapolo, a o le Atua na i ai i le amataga i le faiga o le tiapolo ma le faiga o le tagata. A o lea ua toe alu atu i ai le tiapolo e alu atu e faaososo. Ua ala ona ou fai atu le tala lenei, e malosi tele le tiapolo, malosi tele. Ina ua fouvale i le Atua aveese e le Atua le mamalu ae tuu ai lava Satani po o Lusifelo po o Pelesepulo, o igoa na e tolu e sau ai e faaososo ma faasese tatou.

O lea foi e aumai i le Tusi a Iopu, na valaau le Atua i le Au Paia ae mauu mai ai ma le tiapolo. O fea e te oso mai ai? Tali, sa ou fealualuai i le lalolagi. O le mea la lena o lea e tupu nei, o le matua malosi o le faaososoga ae tasi lava le mea e aveese ai le faaososoga, o le tatalo ma le anapogi. O le tulaga lena iau Afoga i le Fofoga Fetalai, o le ala lena o lea e faatu ai le malosi lea, le malosi o le Au Suetusi latou te feoai. E lua lava ituiga suesuega e fai e le Suetusi. O le isi suesuega faifaiepa, o le omai e siaki, siaki, i taimi uma, tei lava ua tu se surprise checks, siaki po o faapefea. A i ai se faaletonu tuualalo mai, ona oo loa lea i le faaiuga o le tausaga, ona tapena loa lea o le tala atoa lava o le tupe, tupe maua ma tupe alu.

O i ina la faatoa tapena ai loa ma saunia loa le Lipoti atoatoa a le Suetusi ma aumai ai loa le mea e tau o le audit opinion e latou te aumaia ai pe na faapefea le faatinoga o le faatautaiga o le Matagaluega po o le Faalapotopotoga Tumaoti. A o mea ia e faaaauu pea, o le vaega o le latou galuega ia taofiofi ai. O isi la e taofia ai lava i i tulaga faaletonu i a latou surprise checks ia e fai pea, po o latou periodical audit, performance audit, e tele le mau igoa, a i ai se faaletonu aumai le latou tusi, vaai, lapatai, tuualalo, faufautua, vaai mea ia se i vaai i ai o lea e sese ai le toatele, sese ai le aufainusipepa ua a ma a ma a. O mea o tuualalo na ae le i oo i le taimi e fai ai le Lipoti faaiū, o le atoaga lena o le faatautaiga o le Faalapotopotoga i le tausaga atoa. Ae a tilotilo foi ia le Okika i le mea lenei, e agai tonu lava lana tilotilo i mea e igoa o controls. O a controls? O auala eseese ia ua uma ona faataatia mai e taofia ai mea faaletonu.

22 JANUARI 2015

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafolaiga faaanau i luga o le faitauga faalua**

O nei auala mo se faaitaifaiga, e pei o lenei, muamua, a maua tupe a le Faalapotopotoga e \$1miliona i le aso, ave loa teu, aua ne i tuua i i. Aisea? O i ina tonu lava e tupu ai le faaososoga pe a uma le aso o i i. E le o se agelu le kesia. Ia manatua foi o tatou aiga e tele faalavelave, ae le gata i lena o mea foi nei e faasese tagata nei tei ua maimau le loto fai mai, se e \$500,000 le mea lea. Ia ona sese ai lea o le kesia ma faapea, o le a ou alu e ave le \$2,000 e faatau ai.

Afoga Hon Aeau Peniamina Leavaseeta: Lau Afoga i le Fofoga Fetala'i, o lea o le a uma le taimi pe

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: O lea ou te talanoa, e le i lauga le sui usufono lea i le mataupu lea, o le faasao o tupe lea ou te talanoa tonu atu lava i manatunatuga.....

FOFOGA FETALAI: Onosai mai o lea o le a uma le saunoga a le Palemia ona tuu atu lea o le avanoa.

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: Lau Afoga i le Fofoga Fetala'i, o le mafuaga lena e ala ai ona sau le Okika e sue aua e faigofo lava i le kesia ona faapea, se i ave le \$2,000 lea e faatau ai ni au tickets, a manuia mai ona ou toe sau loa lea tofogi. A sao loa le mea muamua, ua fai pea, fai pea, fai pea. Ona aumai lea o le tupe na ia avea faatumu mai i le isi banking ona ave lea faatumu ai le pu lea, ae taoifi le banking o le aso se i tolu aso ona faatoa bank lea ma se i toe maua mai foi isi tupe faatumu ai le pu lea. O le ala lena e mafua ai ona faafuasei le o atu o Okika, ona o auala uma nei ua uma ona faataatia e agai i ai. Aua e talepe loa auala na, o lea la ua i ai ma le lima tagoese. O le uiga lena o susuega a Okika e ala ai ona taua. Ma e leai se mea e ese ai ma mea ia sa ou.....

O matou a sopo mai i aso ia pe a matou omai i aoga i le 1950, matou te sopo mai Lepa, o isi e omai Aleipata. E lua lava mea e sue ai au pasi, e te sopo mai Falefa e te sau ai i Apia pe te sau mai Falealili i Apia. Ia ona e sopo pogisa mai loa lea po o le ta o le 4 ia e maua mai le pasi o le aouli. A e sau sau la, o le tele o taimi e te alu ai i luga o le matafaga. A e alu alu la i luga o le matafaga pe afai ua ia ona e oso lea i ura e sau i ura. A o le taitai malaga la, o ia lena e alu alu faapea, tatou tai, a alu alu i tai faapea, tatou ura. Ia ona faapena lea, e alu ma vaai. Ia manatua foi o aso na, sa leai ni faletooso, o i la faletooso i aso na. A e savali ma e vaai i te i ua outou tutu i mea nai. E faapena la le galuega a le Okika, e sau ma faatonutonu, soso i ura, soso i tai, soso i ura soso i tai ina ia faasaoina le Matagaluega po o le Faalapotopotoga.

Lau Afoga i le Fofoga Fetala'i, a uma loa i le tausaga, fai loa ma le latou suega faailu ina ua uma ona tapena le Tala Auru o le Tupe, tala o le tupe faaalu, mea ua maua.

**Tulafono Tau Faaofi o le Faatautaina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

Lau Afioaga i le Fofoga Fetalai, o i ina la faatoa iloa ai loa le tulaga o lo o i ai le tulaga o le tatou Malo. A o mea ia, e ala ona faatau ai le Ofisa o le Suetusi, ia vave ona taofiofia mea ia. E sili ia i le 20 le aofai o le au Suetusi la e i ai, o le manao o le Malo ia faamalosi, ae o lo o i ai foi le power ia i latou, a tele galuega, e mafai ona tuu i tua. O safeguards uma nei lau Afioaga i le Fofoga Fetalai, o lea e faatino e le tatou Malo ia mafai ai ona faasaosao lo tatou sa ia aua ne i i ai ni tupe e alu vale. I le taimi lenei, o lo o tupu pea le tatou atinae, o le tamaoaiga, lea ua i le \$1,800,000,000. O lea o lo o i ai le agaga ia oo atu i le \$2pilion po o le tausaga fou. O lona uiga o le tupe lena o lea e tafe mai totonu o tatou tagata ia faagaioi ai le tatou tamaoaiga ina ia tupu ai galuega, televave, ina ia maua ai galuega ma agai pea i luga le tatou tamaoaiga. O lea ua see tatou i luga i le middle income level country ua maualuga lona tamaoaiga, ua le toe i ai tatou i le faatulagaga tuai, o se atunuu mativa elo faatasi ma isi atunuu. Ua leva ona tatou i ai a o lea ua tatou i luga. O le ala foi la lena tatou te taumafai ai pea ina ia atiae lo tatou atunuu ina ia tumau ma toe siitia atu i luga ia maualuga i luga, ia tele a tatou galuega ia maua mo a tatou fanau.

Lau Afioaga i le Fofoga Fetalai, o le tulaga lena, e le o se isi itu. Ua fia ea galuega? Ua fia ea atinae tetele ua fai e le Faigamalo lenei? O afaina ai le tatou atunuu? E le o afaina ai, ma e le faia e le Faigamalo lenei se Tulafono e leaga ai le tatou atunuu. Lau Afioaga i le Fofoga Fetalai, o lea ua ou vaai atu ua ta le taimi, ma o le a amata le matou galuega i le ta o le 3:00, e amata mai i le Minisita mo Leoleo ma Falepuipui ona faasolo mai ai lea i i, o a ni mea o toote, o le a ou toe agai atu i ai. Ia manuia tele le malologa o le aoauli. Soifua.

FOFOGA FETALAI: Malo faafetai saunooa i lau Afioaga i le Palemia, ma e manatu o lea ua taatia i lagatonu le faamalalamalama e ala i le aotelega o tuleiga ma saunoaga sa finagalo i ai sui usufono e tuuina atu i a latou saunoaga faalauaitetele. Ae o le a vavae foe, o le a fai se tatou malologa ona lafo atu lea o le talifuaitau a Minisita ma Matagaluega taitasi pe a tatou toe talii mai i le itula e 3:00. O lo o ua saunia le tatou taumafataga o le aoauli, tatou te talisua lava i le tatou fale apitaga lea e i tua nei, ua tapena foi le tatou Ofisa i tulaga masani atoa ai foi ma le valaau atu i susuga i alii ma tamaitai Ofisa Sili o Pulega ma Pule Sili o Matagaluega ma Faalapotopotoga a le Malo, o lea ua tapena e le Ofisa le tatou lunch.

Ou te faasifasila atu, o le a faataatia ese Taulumaga a le Fono Aoao seia aulia le itula e 3:00 i le afiafi a nanei.

Na faataatia ese Taulumaga a le Fono Aoao i le itula e 1:00 i le aoauli.

Na toe faaauau Taulumaga a le Fono Aoao i le itula e 3:00 i le aoauli.

22 JANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafaloaiga faaauau i luga o le faitauga faalua**

Na toe faaauau felafolafaloaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu. 1) 2014/2015.

FOFOGA FETALAI: Faafetai atu i le tatou Agai e tusa ai foi ma le galuega tele sa feagai ai ma ia i lenei lima tausaga. E le vale sou tau i le tautuaina o le Maota, ua loa foi lou sofua, e louloua pe afa, o lo o vaia pea lou agai mai e faatino lau galuega ma lou tute.

la faafetai atu i le paia ma le mamalu o le tatou Maota, e manatu o lea ua atoa tagi le tatou Fono i lenei taeao na lugalua, e manatu foi ua maea le taligasua, ua maua lo outou malosi e faaauau ai a tatou galuega i lenei vaega o le aso. Ma o le a tatou sagai atu loa i le faasologa o le tatou galuega e pei ona saunua le Afioaga i le Palemia i le taeao ua sola, o le a lafo atu loa i le faasologa masani i Afioaga i Minisita e amatamea ma faasolo ai le tali a le Malo ona tatou faaauau ai lea i mataupu uma i le auililiga ma le pasitaina o le tatou Tala o le Tupe.

Tulai mai lau Afioaga i le Minisita mo Leoleo ma Falepuipui ma Auauanaga o Tinei Mu, lau Afioaga i le Sao Fetalai.

Afioaga Hon SALA FATA LISATI PINATI (Minisita mo Leoleo ma Falepuipui ma Auauanaga Tau Tinei Mu): E faatalofa atu i lau Afioaga i le Fofoga Fetalai faapea foi le paia o le Maota o sasao nei i le afio o lau Afioaga i le Palemia ma lau Kapeneta, faapea foi lea ltu o le Malu i le afio o lau Afioaga i le Taitai faapea foi lau Vaega Faaupufai, ae tainame le afiio o Minisita Lagolago, Orisa Sili o Pulega ma Pule Sili o Matagaluega ma Faalapotopotoga a le Malo, faapea le aao tusitusi o le Maota Fono.

Ou te manatu o le a ou le oo lava i paia ma sa, aua e leai se manatu e toe faaopoopo ma toe toese, o paia lava mai le vavau e tumau e faavavau. Ae talu ai ona ua uituli le taimi ma e faasaoina le tulaga pei ona i ai le Maota Fono i lenei aso, o lea o le a taumafai atu ai se tala puupuu e tusa ai foi ma mataupu sa faapea ona laga i finagalo o sui usufono mamalu o le Palemene o Samoa.

O le a ou amata mai i Savaiti. Lau Afioaga i le Fofoga Fetalai, sa taua faapea o le auauanaga lea i luga o le uafu lea e tusa i le mataupu lea o le marijuana. Ma sa taua ai faapea na maua ai marijuana i le feaveaiga lea i le va o Upolu ma Savaiti, ae pei lava e foliga mai o Upolu nei lea e avatu ai marijuana ia. Mo le tofa silafia o le Maota, ua fai lava si tele o soligatulafono o lo o faapea ona molimauina i luga o le uafu, a o le feaveaiga lava la o mea o ato. O le taimi o le kerisimasi sa faapea ona faaoga ai le taifau a tatou foi lea e le asa lava le aso, ma o se auauanaga foi ua faafetata ai le Malo o Niu Sila i le latou foi foai na maua mai ai taifau ia, o le atamamai ia o meaola, se i tulou lava nei taifau. Aua e i ai lava le tagata foi lele na te le o silafia le tulaga lea, e alu atu loa le taifau ua sogitia le ato po o fea lava la e i ai, ona manatu lea o le tagata lea o la e fiafia atu pe taalo atu le taifau ia te ia, ae le iloa o la e ua maua e le mailie, o ia la e i ai le marijuana lea i le ato po o le taga foi. Ia, e tu loa le taifau i le tagata, ua iloa foi o le tagata lea o la e i ai le... e faapena foi i taavale.

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua

Ma e avatu ai se agaga faafetai i le tuualalo ma lea foi auunaga o le a faapea lava ona faatino, aua e i ai le vaiatau foi lele ia tatou, o masalosalogā a faapea o le a alu se osofaiga ona faapea lea, e o atu nei foi ua uma ona tau atu e... Ia e i ai lava le masalomia, aua ua faigata nei aso ua tele telefoni foi nei feaveai, o le mea ua sauni atu le osofaiga ae ua iloa mai e le isi vaega, vaai le vaega lena o le a o atu. Vaai faalelei tou mea na e teu faalelei. E le mailoa po o ai, ae o le a fai pea i ai suesuega a le Matagaluega, o le lava o lo o latou soli le tulafono pe galulue faatasi ma i latou nei e faatauina nei fuulaau faasaina, o lona uiga e molia i le tulafono ma faapena loa ona ave i uta i le Ola Toefuataiga e toe taumafai mai ai le ola soifua manuia o lea tagata, aua o le mea moni lava, a i lalo ifo pe a maua, o le lima tausaga, o lalo lena. A o le tele lea ua i ai ua fitu agai i luga tausaga ua faapena ona momoli atu pe a soli le tulafono. E avatu ai se faamatalaga o le a faapea ona mulimulitai i ai le Matagaluega ina ia mataitu pea nei vaega.

I le vaega la lea o avetaavale saosaosa, ou te iloa o le LTA e pogai ai, aua e i ai lava foi le lagona ia te au, ailoga o faamaoni le suega o avetaavale. O le tele o avetaavale lea e i ai nei, pei e galo i tagata nei e televave le oti, ioe, tulou lava le faafogaaga a Samoa, e pei e pule le tagata i le taavale, e oo atu loa i le taavale lele loa, ioe. Ua fai atu tuuga, ia, o le ogaala lea e alu atu i le malae vaalele, e oo atu loa i le pioga lea e i Tuanai, ona amata loa lea ona saosaosa. E oo atu loa i le pioga lea e ia matou, ua lele le taavale, ioe. O lea la ua faapea, fai ia i tamaiti a maua le taavale ua saosaosa tele i le auale, taua ne i te i ua soli le tulafono, tuu i ai ni maa, ioe, aua o le le mafaufau ia. O le mea moni lava i le leva o le afiafi, aemaise lava i le taimi o faigalotu, i tupulaga la e i ai, taavale foi nei pe lua mafa tetele lava, e oo atu loa fai mai, boom, boom. Oka oka sole. Ia o mea foi na ta sau ai a o ota laititi ai? E fai atu ai foi i le mea o le mimita, aua e faauo loa le tagata i le tama lea o mita, tupu le faalavelave. Ia, ou te.....

Tofa Lealailepule Rimoni Aiafi: Lau Afioga i le Fofoga Fetalai, leaga o lea e pei e manaia i le faalogo i le saunoaga a le Afioga i le Minisita, ae pei e foliga mai o lea o le a faataga le tauai o taavale ia faapea. Tatou te feita uma lava i ai ma le fiafia i le uiga lea o le autalavou ma taavale ia, ae atai ua faataga e le Afioga i le Minisita, o lona uiga o le a tutu ma ala i le auale e tauai ai. E fai atu ai foi leaga o lea e faafofoga mai le mamalu o le atunuu....

FOFOGA FETALAI: Se i tulai mai le Minisita po o le saoga lea o lau saunoaga.

Afioga Hon SALA FATA LISATI PINATI: Lau Afioga ma le mamalu o le Maota, e leai e le o le saoga lea. Masalo e le o maua lelei mai e le uso, leaga o le tulafono, e i ai tulafono e uia. Ae maumau e pe ana faapea e tatala mai, aua o le mea moni lava, e tupu le mea lenei o le tauai taavale, a o lea ou te fautua atu, aua, aua e loka ai le tagata.

22 IANUARI 2015

Tulafono Tau Faaofi o le Faatatauina o Tupe Faapoopo (Nu. 1)
2014/2015 – felafolafolaiiga faaanau i luga o le faitauga faalua

Faafetai lava i le tunalalo a le uso, ou te iloa o le isi pitonuu sili lea ona leaga, aua o lea e i ai le neighborhood watch foi lea, oka, oka, Talofa. O le galuega lea e fai nei e matou i nai leoleo, o le ao ma le po, ao ma le po, o i i le vaipanoa lea. O i i Faleata, oka oka le mea o le tagata. Ou te alofa aua leaga o i o tagata foi nei a tea mai ma nuu i tua, talou o i Faleata. O au foi e i ai lou pito i Faleata alii. A o le mea lea ou te fai atu ai, talofa....

ROFOGA FETALAI: Malie le sui usufono se i tulai mai... O Faleata Sasae po o Faleata Sisifo leaga o lea e tulai mai...?

Tofa Aveau Tuala Lepale Niko Palamo (Faleata Sasae): Lau Afoga i le Fofoga Fetala, leaga o lea e faafogafoga mai foi lou itumalo o Faleata Sisifo. O le mea lena o lea ou te fia fesili atu ai po o Faleata Sasae po o Faleata Sisifo lea e taua, ona o Faleata lava o Faleata. Ae ou te iloa e le faapea ni amio a ni tagata Faleata.

Afoga Hon SALA FATA LISATI PINATI: Ia, e feagai lava Vini ma Tapaga. E uso lava Tutuila ma Aleipata. Ia leai, ia malu ave i fale i lou finagalo Tuala po o Aveau, o lea foi e ava mai ia te au. Vaai i ai i le lelei o Tuala ma Sala e feavatai i le Maota. Malo faafetai.

O le tulaga pei ona i ai le... lea na taua e le sui usufono mo Aleipata Itupa i Lalo e faapea o lo o i ai se fuafuaga mo le Fuimu i Aleipata. Ia, ua i ai le popolega ia te au, aua o lea na omai ia te au anailela, ae faapea, a oo loa le tagata i le nuu lea, ia lavevea taavale. Afai ia ae ave i ai le Fuimu i tua e tausi le matae vaalele lea aua o le fuafuaga lea a le Malo ua i ai nei, o le mea o le a faatu ai le matae vaalele i Aleipata, o i ina foi o le a i ai ma le Fuimu. E moni lava le saunouaga a le sui usufono mo Aleipata Itupa i Lalo, le Tuiatua Faanofonofo, e tupu le mea lena. A tuai lava o oe, ae a e manao lava e amata i le tausaga nei, ia e oo atu lava i tua le auunaga a le Fuimu.

Ona ou oo mai lea i Aleipata Itupa i Luga, ua saunua foi le sui usufono i le pou a leoleo. Ia, faatua uma atu nei lava le kerisimasi lea sa tatou molimauina ai le agaga o le Faaoia, le ola maualalo. E le i fanau le Faaoia i se hotel po o ni fale lelei, o le fale o manuu na sofifua mai ai le Faaoia, a o lea e tagisa le uso mo se pou lelei mo le matou ofisa i Lalomannu, ua uma foi ona avatu i ai le tala. Ua uma ona fai atu i ai ae le i oo i le taimi o le palota, ua maea ona fai fuafuaga ia, e fua lava i le tupe. Aua foi o lenei mea o le tupe, maumau pe ana faapea mai Lavea, "Sala, le \$1 miliona lena e avatu e te pule ai e fai uma ai pou a le Malo." E faigata, e tele mea e alu i ai. Ae o le utiuti lava o le seleni lea e taumafai ai ia faatino uma nei galuega ae le i oo i le taimi o le tatou faituga palota. Ua lima tausaga o aumai le talosaga lea, ae o le a faatino lava e pei ona faafogaga mai le itumalo, ia o le tausaga nei lava e faalelei ai le tou pou i lo outou afoga.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua**

O le mataupu i le pou lea i Savaii i Salailua po o le atu Salega, ia e i ai lava le taimi, aua o le mea moni lava ia, o le lima tausaga lenei na tatalo mai ai ia se tasi o sui usufono mo Salega, Afioga Afualo Wood Uti Salefe ia te au faapea foi ia le sui usufono mo Palauli Sisifo, ia e leai ia e le faapea la ou te fai atu e te lua gang gang kamo po o ai o le a malo, ae taatia mai, aumai oulau faatuatuaga, o au e le o se tagata e talanoa atu ona faapea lea, e le tino. O galuega e ao ona faatino e tautua ai le atunuu, aua e fai ma au mau le ola tautua, leaga le mea e lelei, ae ola tautua ma le faamaoni, aua e te tautua manao, o le tautua manao, e i ai le tagata foi lele fai mai, o lea o le a ou alu atu ou te fesoasoani ia te oe, ia ona e fai lea i ai, ne i e faapea mai e avatu se mea ma oe mulimuli, e leai, aua e te popole. Alu ai alu ai atoa le masina o fai le galuega, ae uma fai mai, se mea na se i ou ola ai, se i vaai la i ai, o le soifuaga lea ua tatou i ai, leaga e i ai le vaega e pei e taufaavaalea ea. E le o se fiapoto aua o le....a fiapoto le tagata e te iloa lava, ae i ai la uiga faapena e taufaasese, faapea lava oe o sau uo lea, ae le iloa o la e ai le tamai naifi e te sese loa, tui oe, o uiga na o le soifuaga. Ae ou te avatu malu i puega i le Maota, e leai se galuega e tupu fua, o mea uma o lo o taumatai i ai le Matagaluega ma malu o le Malo ma au nei, e fai i le talitonuga o la e silafaga le Atua e ati le silafaga a le Atua, aua e leai se mea e lilo, pe fai nei se mea sese, ae e tali le Atua ia te oe, ae a faia se mea e silisili ma lelei, e le tagi i totogi, ona e faapea mai lea, e le tali mai le Atua ia te oe i le taimi lenei, ae i ai le taimi e tali atu ai le Atua, a le o se isi o lau fanau, o le fanau a lau fanau. Lau Afioga i le Fofoga Fetalai ma le Maota, o se tala puupuu lea i le tautua a le Matagaluega nei, soifua ma ia manuia.

FOFOGA FETALAI: Ia malo faafetai saunoo i lau Afioga i le Minisita mo le Matagaluega o Leoleo, Falepuipui ma Auaunaga o Tinei Mu, e le o ni upu e avane ai le faafetai atu i lau Afioga i le Minisita, e manatu ua manino ma malamalama le Maota i le galuega fita o lo o feagai ma lau Afioga, faafetai lau Afioga. O le tulaga foi i le Matagaluega ma le faafoega ma a latou tiute fai, e momoli le faafetai i le Matagaluega o Leoleo, e le gata i lea o le Falepuipui i le tele o suiga lelei o lea ua tatou mataitu i nisi o fuafuaga lelei mo le lumanai, ia viia le Alii. Faafetai foi i le Pulega o le Tinei Mu ma le latou matafai foi, le tele o le lamatia o le soifua aemaise o le faaauaina o le faaleleia o le latou auaunaga. E faamalo atu i lau Afioga i le Sao fetalai. Ia ua tatou taunuu mai i lau Afioga i le Minisita mo Galuega, Felauaiga ma Atinae Esee, tulai mai lau Afioga i le Minisita ua oo i le taimi e tali ai lau Afioga i le Minisita ma le tatou Matagaluega.

Afioga Hon MANUALESAGALALA ENOKATI POSALA: Faafetai i lau Afioga i le Fofoga Fetalai, e manatu foi o lea ua tainau malama o lenei aso, a ua tulliva foi foe a le tautai, ae lelepa ia le maualuga o le Maota nei. Ou te manatu ua faafagogo tagiao ou paia ma ou sa, mai lava i le aso na amata ai le tatou Fonotaga e oo mai i le aso.

**Tulafono Tau Faaoifi o le Faatatauinia o Tupe Faapoopo (Nu. 1)
2014/2015 – felafolafolaiuga faaauau i luga o le faitauga faalua**

Ae ua tuvaga i figota ae olioli livaliva ona o le alofa o le Atua ua mafua ai ona tatou amatalia lenei Tausaga Fou, ave ai le faasao ma le mua ma le faafetai i Lana pule faasoa, ua mafai ai ona faatino atinae tau faasoasoa le tarmacaiga mo le manuia o Samoa ma ona tagata.

E faatalofa foi i le tapuaiga i le Tafatolu o Faigamalo, aemaise o Ekalesia e ffa, a o le aogotetele o lo tatou atunuu mai mauga tetete seia paia fanau. Ae muamua ona avea lenei avanoa ou te faamaise ai i aiga faanoanoa i matua ma nuu sa aafia le soifua o fanau o e sa galulue i le Pulega o le Suavai i le motu i Savaii. Sa ou faumafai ou te faatasi atu ai i le Aso Tofi o le vatase na tea nei i toe sauniga o i laua na maliluu. Ia faamafanafana le Atua i matua, o aiga, ia ma nuu. Atonu foi e avea mea ua tutupu ma faalavelave e tulai mai, ia e saga tapue ma sasaa le fafao i Pulega uma ma aufaigaluega ma Faalapotopotoga i tulaga i le faaogaina o taavale i luga o alatelele. O lona uiga o lea foi sa laga i totonu o le Maota, ia e leai lava se Matagaluega po o se Faalapotopotoga e le aafia i tulaga faapea, ona o le soona o o taavale i luga o aualatelele. O lea ua faumafai le Faalapotopotoga aemaise o Pulega ina ia mataituu lelei le feocai, o la ua i ai system foi nei e faaogaga ai GPS sa maua i le taavale lea na lavea, ia ua saomasoa, o le saomasoa na mafua ai ona aafia e le gata i e ua maliluu, ia a o le isi toalua o le aufaigaluega o lo o i ai i le falemai. Ou te amata i le Faalapotopotoga o le Malosi Faaletise, atonu o lea sa tau faamanino atu e pei ona tulai mai le Solar le eletise e maua mai i le la, ua amata lava ona faagaioi i nisi o kamupani ua uma ona saini feagaiga. O i i Tuanaimato le fesosoani na aumai i Niu Sila e 2.2megawatts, o la ua tuufaatasi ma ua faaogaina. Ia a matau i le malae vaalele e tolu kamupani na e galulue ai i ina, o la ua ave i ai avanoa ma fanua e mafai ona avea o Solar Farms e fai ai a latou Panels, faapea foi ma Tuanaimato, o lo o i ai foi nisi ua uma foi ona saini feagaiga ma isi kamupani i lalo lava o le Renewable Energy, i le malosi faafouina ina ia mafai ona atinaeina ia le eletise i tulaga faafouina.

E taua le mataupu sa laga e le sui usufono mo Gagaeammauga Nu. 2, i le tulaga lea e i ai i le pau mai i lalo i le 1 megawatts, aua ou te iloa o se mea e tupu, e afua ona tupu o tau faapenei, a oo loa ina punitia le la, ia ona pau lea i lalo o le eletise e mafai ona gaosi. Ae o lo o i ai fuafuaga ua faataatia, aua o le isi mea lea e popole ai, a oo loa ina pau maualalo le eletise i le la, ia ona moomia loa laia o le eletise mai i afi vai ia po o le eletise mai Fiaga i a tatou afi suauu, ina ia tau paleni ai le va lea pe a oo ina pau i aso faapenei le tatou eletise gaosi. O le popolega la, i tele se aafiaga i le tulaga lea. O lo o galulue faatasi ia le Faalapotopotoga ma le vaega lea a le IRENA, o lo o faia le stability study mo le tulaga lea, ina ia mafai ona i ai se auata e store ai le malosiaga o le eletise lea ina ia aua ne i i ai se tulaga pau i lalo ia ma moomia ai le eletise gaosi ma e i ai aafiaga e aafia ai a tatou afi, e pei o tulaga o lo o i ai nei. O lo o i ai le vaega e tau o le Smart System, o le vaega lea o la e vaavaai i ai ina ia mafai ona faatino ia malupuipuia e le gata o le eletise o lo o maua mai i le malosi faafouina, ae ia ogatasi foi ma a tatou eletise i afi vai po o le eletise foi o lo o maua mai i le suauu.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

O le tulaga e pei ona taumafai i ai ia suiga i le energy efficiencies e pei lava ona galulue ai le Energy Sector, o le vaega lea e i ai le Ministry of Finance, i ai le Ministry of Natural Resources and Environment ia faapea ma le EPC ma nisi Matagaluega e pei o le Pulega o le Suavai, o Felauaiga i luga o Alatelele, o lea e galulue faatasi i lalo o le taitaiga i le NECC, National Energy Coordinating Committee, o lea e faafoe ai tulaga ia, ua leva ona amata mai, e silasila i tulaga e tatau ona malupuipuia ai le eletise ma gafatia faapea le mama aua lo tatou siosiomaga, e pei la o le tulaga lena sa i ai Fiaga, o Fiaga lea e i ai afi suauu, o afi ia e Fuel Efficiency. O faamaumauga na tuuina mai ia te au i le 2014 ina ua tatala le fale eletise 2013 ia Iuni e tau mai i le 2014 ia lumi tasi le tausaga, e \$7milion le tupe sa faasaoina mai le suauu. Ia o le tulaga lena e matau ai, o lona uiga, o le itu lelei o le tele o le faasaoina foi ia o tupe o lo o i ai, mai le faatauina o le suauu. O le isi vaega taua, ia o le isi itu o afi nei e i ai foi ia services moomia e i ai siaki e tatau ona faatino o le routine maintenance e tatau ona fai, e tai 4000 itula faaoga ai, e silila ma le 6 masina ma toe siaki afi ia. O lona uiga ne i te i ua matau mai faapea ua tele tele lena tupe faasaoina ae tatau ona pau i lalo le tau o le Eletise e i ai foi seleni e faaluina ina ia taumafai le up keeping o afi ia, ina ia tumau pea le faaleleia ia umi le tulaga e faaogaina ai, ae o le tatou faasaoina o a tatou financial reserves i fafo, o le a tele le tupe e faasaoina i le toe faatau mai ai o suauu.

FOFOGA FETALAI: Malie lau Afioga i le Minisita, se i tulai mai le sui usufono mamalu.

Afioga Toeolesulusulu Cedric Pose Salesa Schuster (Aana Alofi Nu.3): Faafetai i lau Afioga i le Fofoga Fetalai, faafetai foi i lau Afioga i le Minisita mo le faamalalamaina o le tele o lea vaega, leaga o lea sa taua le vaega lea i lau lauga. O lea ou te faafesili atu ai, faafetai lava mo le tele lea ua vaavaai atu nei e pei ona saunoo le Afioga i le Minisita o le a tele se faamama avega i le atunuu. O lau fesili faamolemole lava lau Afioga i le Minisita, o le a se faamama avega o le a i ai i le tau o le eletise pe a maea uma ia Solar ia e faatino i le taimi nei, aua e foliga mai o lea ua e saunoo o lea ua tele tupe ua faasaoina mai, ae e le o tele se solar o i ai i le vaitaimi lenei. A o lea la a maea solar ia o lo o i ai nei, pe i ai se faamamaavega i le tau o le eletise i le atunuu. Ma le faaaloalo lava.

FOFOGA FETALAI: Malo. Tulai mai lau Afioga i le Minisita.

Afioga Hon MANUALESAGALALA ENOKATI POSALA: Ia faafetai lava. Ou te iloa foi o le faafesili lea a le sui usufono mamalu o lea sa tali atu i ai. O le tulaga i le pau o le tau e faigata tele ona tatou tilotilo agai i luma i le tau, aua pei lava ona fai atu, e le mafai ona maoti ae le i tulai mai le tulaga e tatau ona tatou vaavaai i ai.

22 JANUARI 2015

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – fafalafalafoaiga faaauau i luga o le faitauga faalua**

O le tau foi o le suauu mai fafo o lea e sisii i luga, o lea ua pau i lalo i lenei vaiiau, ae tatou talia, o lea ua faatino i le taimi nei galuega a le Faalapotopotoga faapea le Pule Faatonu, le Regulator, ina ia taumafai e faatulaga se tau o le tatou eletise mo le isi tolu tausaga. O lona uiga o i tatou te tiloitilo ai mo se ata mo le isi tolu tausaga lea e fua i ai le tau o le eletise. Ae leai se tali mo le faafesili, ae o fuafuaga mamao ia ma le vision o la e i ai le Faalapotopotoga ma le Malo, ia taumafai e gafatia le tau o le eletise, ma lelei le supply mo tatou ina ia maua. Ua sisii lava i luga le manaomia o le eletise, ua le gata i le siifia o le tele o falefaigaluega ma pisinisi ua faatuna, ae faapena foi i le manaomia e le tatou atunuu, aua e leai lava se aiga e le taumafai e ola i le taimi lenei i suiga mai fafo ina ia maua mea uma lava. E tatou ona maua i totonu o latou aiga, o le tuputupu foi lena i luga o le moonia o le eletise e oo mai i le taimi lenei. Ae tatou talia lupe o maunuu, o la e fai fuafuaga, e le tasi se pifolaau, e galulue uma ina ia mafai ona mautinoa ua ausia tulaga ia ma matatia e pei ona taumafai i ai.

O le...

FOFOGA FETALAI: Malie lau Afioaga i le Minisita, se i tulai mai le sui usufono.

Tofa Aveau Tuala Lepale Niko Palamo: Faafetai i lau Afioaga i le Minisita. O lea e saunoa le Minisita e le o mautinoa pe maua se faamamavaega. Ae o mea faapenei, e ala ona faatino, ina ia i ai se faamamavaega, aua e silafia o le solar, o lea e talitomu le tele o tagata o le tatou atunuu e faamamavaega ai. Afai ia ua faatino ni polokalame faapena, e tatou ona i ai se plan e ala ai ona faatino. E tatou ona iloa e le kamupani po o le Matagaluega po o le a le mea e ala ai ona fai, afai e uma mai le vaega lea e fia se eletise e alu ai, ona alu lea i totonu o le grid a le EPC ona fua lea i ai pe i ai se faamamavaega. Ae afai e le mautinoa, o lona uiga e....

FOFOGA FETALAI: Ia, o lea ua maua le finagalo o le sui usufono. Masalo o le finagalo o le Minisita o la e maua e i ai le faamamavaega, a o le fuainumera e fua i ai le faamamavaega lea e le o mafai ona forecast i le taimi lenei. Tulai mai lau Afioaga i le Minisita.

Afioaga Hon MANUALESAGALALA ENOKATI POSALA: Lau Afioaga i le Fofoga Fetala'i, e pei lava o le soo foi lea o Iesu, o Toma. E fiu lava Iesu e faamanino atu ma faamalamalama, ona faapea lea, "Se amuia le tagata e le o i i ae talitomu mai." Talitomu mai i mea ia ua fuafua, o fuafuaga ua leva ona faataatia, a o le taumafai mai e fai atu i le taimi nei, e atagia ai e le o se tofa e tuutuu i le loloto ma silastia i nei mea. E leaga e le o ni mea na fau nei, ua fia tausaga o tau amata mai ma vaava'ai i le forecast agai i luma. Ae malilie ia, na o le tagata e i ai le mana e fai mai, o le mea lea o lea.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua

E leai o le soifuaga e taumatemate, a o le faaatoatoaga lea e taumafai ina ia maua se faamamaavega, ae le mafai ona tatou matea taeao na o le Atua Silisiliese e mafai ona silasila i mea na. A o le agaga lea e fai ai, o lena. O le agaga lena o lea e fai ai, alofa i le atunuu, faamamaavega.

O le tulaga i a tatou street lights.....

FOFOGA FETALAI: Malie e faasaoina lou taimi lau Afioga i le Minisita. Se i tulai mai le Taitai o le Itu Agai.

Afioga Hon Palusalue Faapo II: E faamalie atu i lau Afioga leaga e taua tele le mea lea ua laga. E le faia faapogisaina ma le mautinoa a tatou fuafuaga alualumamao. O le ala foi lea na ala ai ona tulituli atu e lenei itu. Ua tatau ona i ai se tou ata faataitai, pe pau ai le tau o le eletise i mea ia e fai pe leai. Na pau lava lea, e le mafai ona faia faafe-mautinoa ni a tatou fuafuaga alualumamao, aua a le faia e oo atu i ai ua atili ai ona amo le avega.

FOFOGA FETALAI: O lea ua maua le finagalo o lau Afioga i le Taitai o le Itu Agai. O lea ua maua, o lau tali puupuu atu, e pau.

Tulai mai lau Afioga i le Minisita e saunoa.

Afioga Hon MANUALESAGALALA ENOKATI POSALA: Ia, o lena ua ou see ese ma le vaega lena. O lena ua ou fai atu o le mea lena o lea e mataitu, ia gafatia e tagata ma ia lelei le eletise e maua. Ou te le iloa la po o le a le isi mea e sili atu i manatu ia ua faaali atu. E tele talosaga sa tuuina mai i a tatou moli auala, street lights. O faiga faavae la e i ai, e aumai le talosaga ona o lea o le Ofisa e fai le latou survey, vaavaai po o ni mea e talafeagai, ona aumai lea o le tau, ona ave lea i totonu e i ai le Komiti o le CSO, Community Service Obligations, o lea e i ai le Afioga i le Palemia e Taitaifono, e i ai le Minisita o Tupe ma le Minisita o le EPC. O matou na e faia le faaiuga o tatou moli ia e talosaga mai, aua o le faigata o le mea, leaga e o taumate. A talosaga mai nei fai mai, fai lou moli i fea, fai lou moli i fea, e le malamalama. A o le mea sili ona taua, o le alu foi e fai se galuega, e i ai numera o pou o la e ua i ai uma, pe faapea mai o luma o le falemai, talosaga faapena, po o luma o le fale o le faifeau, ona o sao lava lea e vaavaai, leaga a omai foi i afioaga, e le mafai ona faa-moli atoa i le taimi nei le tatou moli. Ae o ala ia o mea e faatino ai. O lea ou te iloina lava, ona ou alu lea tau fesili.

O lona uiga o le faigofie lena, o le aumai o se talosaga tusitusia. Na ou fai foi i puenuu, o le latou mea lena e o e vaavaai i le po, o fea tonu le mea e aumai ai le talosaga, o atu le Faalapotopotoga vaai tonu lava pou ia, o mea ia, pe talafeagai o luma o aiga lea e i ai. Ia, ona fai ai lea o le latou faaiuga o le latou fautuaga e aumai i totonu o le Komiti lea, ia silasila i ai le Komiti pe tatau. Aua a le pasia e le Komiti lea e leai se mea e faia. O lea foi la e aumai ai, e le na o au e faia le faaiuga o mea ia o street lights.

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafoaiga faaanau i luga o le faitauga faalua**

A o le tulaga lena o mea, e aumai le talosaga tusitusia, le numera o pou e tatau ona faapipiina, ona o lea o le Faalapotopotoga, ona aumai loa lea i totonu o le matou Komiti lea, e talia ai, aua o le Komiti lea e aumai ai le ioega pe fai. Ia e taugata, o le installation o le street light e tasi e le i lalo mai o le \$800. O lona uiga a \$800, 900, e faasolo faapena i luga. A tele, o le tele foi lena o le tupe e tatau ona alu, na o le installation, a o le totagi o le taimi lea e ola faasolotoga ai, o le mea lena o lea e kava i lalo o le CSO. Ia e pei o le tulaga lena i le tatou Faalapotopotoga o le Malosi Faaleitise.

Ona ou oo mai lea i le Pulega o Uafu ma Taulaga. E pei o lea sa fesiligia mai e le Taitai o le Itu Agai le.....

FOFOGA FETALAI: Malie lau Afioega i le Minisitā leaga o lea foi sa afea e le... Tulai mai le sui usufono mo Faleata Sisifo.

Tofa Lealalepule Rimoni Aiāfi: Lau Afioega i le Fofoga Fetalaī, e vave lava, ia malie lau Afioega i le Minisitā. O le mea lea na fesili ai i le cashpower mo le motu i Savaii, se ofisa foi lea mo nai tagata Savaii ma i la i... Faafetai o lea ua toe tatata faa-24 itula le cashpower i Vaitele, leaga o lea sa taua e le Afioega i le Minisitā, leaga o au lea ou te alu lava i le mita lea faitau. Ia, a o lea ou te molimau atu, toe tilotilo i le mita lea faitau aua e tele tupe a le tatou kamupani e maua ai, a o le cashpower, o le matua tele lava o le faaletonu lea e i ai. Ma le faaalalo lava.

FOFOGA FETALAI: Tulai mai lau Afioega i le Minisitā.

Afioega Hon MANUALESAGALALA ENOKATI POSALA: Faafetai i le faamanatu mai, o lea ua toe manatu ai le talosaga na aumai ona o Savaii. O lea ua fuafua le Faalapotopotoga e fai i Salelologa se Ofisa lea mo le cashpower. O le isi vaega lea sa i ai le polokalame lea sa galulue faatasi ai ma le National Bank, o Mati i le tausaga nei e uma ai le konekarate lea, a o la e ua amata consultations a le EPC ma isi banks. O lona uiga o le a tilotilo foi lele i le ave e aumai le tulaga o expression of interest ona vaavaai loa lea i ai ma faasalalau ae aumai faatauvaga ina ia aumai se faiga e lelei, e le pei o le tulaga lea sa faatino ai e le National Bank e i ai nai faaletonu i tatou outlets la e i tua atu.

O le taimi nei o la e faaanau le scratch card lea e i ai, ae a tilotilo, e pei e fai si taugata mo le EPC cards nei. Ae o la e faaanau ina ia mafai ona oo atu i le taimi lea, o la e ua amata, ou te iloa afai o le masina fou ua faasalalau ai se faletupe e tatau ona faatinoina le galuega lea, ou te iloa o le a tele le suiga mo le agai i luma. E pei o le vaega lena sa taua ai le vaega lea.

O le vaega lea i tatou uafu ma taulaga, o le uafu i Matautu lea na saunua i ai le Taitai o le Itu Agai, e sao lelei lava, na ota saofai mai foi i lenei Paeāiga o tau le fesosoani lea a Iapani.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaaauu i luga o le faitauga faalua**

A o lea na aumai e saini nei le Afioga i le Palemia, le MOU o le faiga o le uafu la e i tai, na tuu nei o le afa o le tolu, a o lea ua fai le tatou Fono, a o la e ua toe fetuunai, e saini ai ma le JICA le faiga o le uafu la e i tai i Matautu. E le gata ina faafou, ae toe faatele le uafu i tai i Matautu. O lona uiga pei lava na ou tau faalogo o se taimi o le tausaga nei ua faatino le tatou galuega lea. Ae le faapea e tolu tausaga. E pei lava ona ou fai atu e amata mai le Paeaiga o tau fuafua ua leva ona faataatia, ae pei o lea faatoa tulai mai e faatino.

O le tulaga i le uafu i Asau, o la lava e taumafai e faamama le uafu lea i Asau, o la e faatino le maintenance. O le tausaga e 2013 na alu atu le matou asiiasiga o pipii ai le vaa fagota. Ae fai mai na fealuai fealuai ona afe ane lea pipii ai i ina. O la e faaoga o la e lelei. Na amata mai foi i le 2011 ona omai kamupani sa feiloai ma le Afioga i le Palemia e omai e fuafua le galuega, aua o le agaga lena e i ai, ia omai e faatino le galuega mo le tatou uafu i Asau. Ae o lou talitonuga o le tasi lea pine o le Bumble Bee lea e aumai, afai e taunuu i i, o le tasi lea mea e ono faaoga ai uafu ia i tua. Ae afai e agai e faavevesi ia fuafuaga ia o le mea la lea e tulai mai, na o le toe sosola atu i tua o kamupani pe afai e tele la outou faasea e fai. Ae ia outou silafia lelei, a le faatinoina mea nei e le Malo, e tau ai outou. A e faitio ae faatino lava mea a le Malo, ia e leai ma se tou ai e maua ai. Ia taumafai e lagolago mai aua tou te faalavelave i polokalame ia e taumafai atu.

FOFOGA FETALAI: Malie lau Afioga i le Minisita, se i tulai mai le sui usufono mamalu.

Tofa Levaopolo Talatonu: Lau Afioga i le Fofoga Fetalai o se mea fia faasao. Se ou te faamalulu atu i le Afioga i le Minisita leaga o lea e pei ua faalauaitetele mai le matou tutuli o... e le o matou na o le Taitai lava o le Itu Agai lena e faia lena mea.

FOFOGA FETALAI: O le faasaoga Levao... Ia se i tulai mai le Taitai o le Itu Agai.

Afioga Hon Palusalue Faapo II: Lau Afioga i le Fofoga Fetalai, o le mea e fia faasao. E leai ma se isi o matou o faasea i le Bumble Bee, e leai ma se isi. E pei ona ou fai atu i le aso ananafi, sa matou feiloai ma matou fono ma le Bumble Bee ma ave i ai a matou faamanuiaga. E leai la e le o ni aga a matou faapea ua matou tetea po ua matou faitioina, leai o aga a le Bumble Bee ia ma aga a outou. Ou te te iloa po o ai o le a tuuaia, pei ua tuai mai loa le Bumble Bee pei o le a fai ma outou alofaga o matou lea e ala ai ona tuai mai. Ma lou faaloalo lava.

FOFOGA FETALAI: Ou te manatu taatia ia lena tulaga, ua uma foi lena atuvasa na tatou finau ai ananafi, ae o la e manatia le faamanatu a le Minisita. Ia saunoa maia lau Afioga i le Minisita.

**Tulafono Tau Faafifi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitanga faalua**

Afoga Hon MANUALESAGAILALA ENOKATI POSALA: Faafetai lava i lau Afoga i le Fofoga Fetala'i, o la e lava ua faasao atu e le latou Iru le Taitai.

O le malae vaalele. O lea sa aumai foi le finagalo e taumafai le malae vaalele e maua ni ana tupe mama. O le faamuamua a le malae vaalele o le safety & security. Ou te iloa e tatou ona tulai mai Lealaitlepule e lagolago le mea lea ou te talanoa atu ai. O le faamuamua lea e ave i le malae vaalele o le safety & security. Faafetai i le Malo i le silasila i le malae vaalele ma fesosoani e ala i nongatupe ia na fesosoani ai i le 2011 ina ia ave le faamuamua a le malae vaalele i le saogalemu. Aua o le malae vaalele, e le pei o le ituaiga mea foi lea e faatua o lava e faigaluega pe a taunuu le vaalele, e leai. E faasolo atoa, e ese le sifi o le ao ese le sifi o le po. E tasi lava le vaalele e sau ma e faapena ona galulue uma ina ia aua ne i ai ni faaletonu e tulai mai. E le pei o isi vaega sefologa e valaau mai ona faatua o lea, e leai. E faigaluega faasolo atoa i le 24 itula e vaavaai ai le malae vaalele mo le saogalemu i le feofaiga. A o la sa faatino isi galuega e pei ona silasila i ai i tapenaga ia na fai i a tatou taliga malo, o la sa fausia le VIPs, faaleleia totonu o le malae vaalele ma isi tulaga. O lea ua faataatia polokalame e pei ona saunua i ai le Afoga i le Palemia mo le faaleleia o le terminal. O lea foi ua faatalatalanoa ma o le tausaga nei foi e toe upgrade ai le runway lea e fesosoani mai ai le Paletupe o le Lalolagi ma o mea uma na o lea o le a faatino i le tausaga nei.

Ona ou oo mai lea i le Putlega o le Suavai: o le talosaga a le sui usufono mamalu mo Sagone. O lea ua faatino le auata ma e uma loa le auata, o isi fuafuaga o la ua tuu i totonu o le paketi, o lea ua uma ona identify le site i utra atu, o i ina lea o le a villi ai le suavai mo Salega. O lona uiga ua talafagai ma le faatinoaga o le tatou auata ona faatino loa lea o le faamoomoe lea. O lea foi ua galulue i le borehole i Faleasiuuta. Ou te iloa o lea ua logo le Afoga i le Minisita mo le Soifua Maloloaina matou te feiloai ai i o i le vaiaso fou se i mataitu le tulaga i le galuega mo Faleasiuuta. E faapena foi le fuafuaga mo Lepale, o lea ua faafua e pamu i ai le suavai agai i utra i tane ina ia maua ai e i latou ona maua le suavai taumafa.

Sa tatala aloaia i le faaiuga o le tausaga na tea nei le fesosoani a Iapani lea ua faatino ai le tatou galuega i Tapatapao. O lena o le a fai ai le treatment plant i Tapatapao, ona fesosoani lea i le alu agai i Aleisa ma isi vaega uma na i Faleasiu-uta e le o mafai ona oo i ai le tulaga lea ma le alu atu i Fasiuoota.

O le isi vaega o le poloketi lava lea mai Iapani o lo o faatino nei, o Vailima. E fia fai foi le suavai faamama i utra i Vailima ma faalelei le faatanoa ona fesosoani ai lea mo se isi vaega i le taulaga nei. E faatino ai ma le galuega mo Vaivasauta ma Moa'aurata. O le la ua galulue ai ma o le fuafuaga o le 2016 ia Iulai na maea uma ai poloketi nei i le fesosoani lea a Iapani. O lea ua faatino ae sa tatou foi ona outou affifo atu tatou te molimauina le tatalaina o ia galuega tetele.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

O le tulaga i le LTA po o Felauaiga i luga o Ala Tetele: e sao lelei le faasaga ua tuuina mai i le tulaga i le faatinoga o galuega, a o le isi tulaga o lea ua taumafai e sui ona o le pilioti lea e uma ai konekarate, o le faaiuga o le tausaga. E amata le isi i le konekarate i le tausaga fou. O taimi sili ia ona leaga o le tau ma tele ai o tatou tagata e malaga mai fafo ma vaai mai e le o lelei le faatinoina o le routine maintenance. O lea la ua tau fetuunai ina ia ogatasi ma le tausaga o le Tala o le Tupe ina ia mafai ona aua ne i afaina taimi ia. A o le galuega lea o lea e molimauina tele ma taumafai i ai le faatinoga o galuega a konekarate.

O Toga ma Fiti o la ua fai e kamupani mai Saina auala. O le tala foi lea sa fai i konekarate, “E pei lava ua outou faiaiga tele ma le lelei.” O lea lava e taofiofi aua o le finagalo lena o le Kapeneta ma le Malo, ia maua e o tatou tagata galuega e mafai ona faatino ma ia faatino i se tulaga lelei. O lea e lelei isi konekarate. A silasila i ai na omai Saina e vaai ma o atu matou talanoa. Na fai mai, “o ai na faia la outou four lane lea, o se kamupani mai fafo? Na tali atu, “E leai, o le kamupani lava iinei.” Ua tilotilo mai e maualuga tele le faatinoga o galuega ia. O itu lelei ia ona o lea e i ai le skill, o lea foi e i ai masini ma mea uma, ae toe lava o le le faamaoni. O vaivaiga lava na o lo o i ai, e oo lava i o tatou aiga e faapena. E le tutusa uma, e i ai tagata e fiu e taumafai, a o lea lava e taumafai ina ia lelei ona faatino galuega.

E lua kamupani na ou tago terminate i le 2012. E tasi lena mea aua o lea sa tuu avanoa, tuu avanoa i ai ae ua le mafai ona faatino. O le taimi lenei, ou te iloa ua le toe mafai ona faatino ni galuega, a o le tulaga lena e i ai. E taumafai foi i kamupani leaga o kamupani a lo tatou atunuu, e tau ave i ai se avanoa ina ia feaasoai le tamaoaiga. E pei o le agaga ia tupu ai lo latou iloa e faatino a tatou galuega ma maua galuega a tatou tagata.

Sa i ai foi le finagalo o le Taitai aua sa 12 le au moavao i zones e 12, ae ua finagalo e toe vaelua. O le a tai 50 kilomita, ae ua toe vaevae tai 25 kilomita. O le agaga lava ia tuu avanoa i nai konekarate laiti o la e i ai moa vao, ae ia fai ia lelei. O le agaga maualuga lena ia fai ia lelei le galuega. O faafitauli na o lea e feagai nei ma le Pulega. E oo lava i aiga po o tatou pe a fai so ta fale, a o ta le nofonofo ai i le faatinoga e le lelei. E faapena, ae soo Samoa uma. E le mafai e se team e tasi ona o e vaai galuega la e fai, a o lo o taumafai lava i se isi tulaga. O lea foi ua i ai le finagalo o le Kapeneta, e tolu masina lipoti mai. O lea la o le a taumafai e faatino. Afai o faafofoga mai, e ave lava le lipoti ma fai le faaiuga pe a le lelei ona faatino a latou galuega.

O lea ua uma ona i ai le PMU, Project Management Unit mo le faatinoga o le tatou auala lea agai i le matae vaalele. O lea ua amata i le tulaga o le fai o le design mo le faatinoga o ia galuega. O le tatou four lane lea sa saunua i ai se tasi o sui usufono, e i ai nai suiga laiti ia ua uma ona faasalalau, o la foi ua fai le valuation o la e faatali ua uma ave i le World Bank e aumai se latou ‘no objection letter’ e faamaonia ai, ona tuuina loa lea i le Komiti, le Tenders Board ma ave agai i le Kapeneta e faamaonia le amataina o le tatou galuega lea.

22 IANUARI 2015

**Tulafono Tau Faaofī o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

O polokalame ia o la e i lalo o le Emergency Road Access Project. E pei la e i ai ma Malilolio, e i ai ma le auala lea e alu atu i Tanugamanono e tau i Vailima. O nai auala na o lea e i lalo o le poloketi lea.

O auala sima ia i Sapapalii, Lano ma Sasima, o lea ua i totonu o faʻtuaga ia. Ona pau lava le mea ona ua tau fetunai le mea e ave i ai le faʻanuamua i le taimi lenei, a o la ua i lalo lava o le polokalame lea o lo o fesoasoani mai ai le Faletupe o le Lalolagi.

O auala foi iinei i Upolu, o auala ia e lua i Tiavea lea sa fai le temporary diversion lea sa alu ai i aufafa, o lea foi ua faatalatalanoa le tulaga i le tatou auala lea faʻatasi ai ma le auala e pei ona saunoa i ai le sui usufono mo Alepata Iupa i Lalo i le isi vaega lena o Tiavea, faʻatasi ai ma le auala lea i Salepaga ma Lepa. O auala sima ia e tele aafiaga la e i ai ona a sua le tai e afaina ai ma leaga ai taavale o lo o feoi ai. O le agaga lena o lea e i ai, o lea ua i totonu o le polokalame, a o lo o faagasolo pea a tatou galuega.

O le faʻutuaga, e i ai le mea lea sa talosaga mai ai ua leaga auala galue. O le mea ua tupu, e i ai auala galue ua uma ona fai, sole, e alu atu i ai le asiasiga ua na o mea lava e o ai taavale. Ua matura yaoa lava ma e leai se galuega o faʻatino e alii ma faipule. E le o tulaga lelei o tatou auala ia ona e tatau ona faʻamama, leaga a punitia mea o lo o tafe ai le vai ma ola mai le yao i totonu ua tafe mai le suavai i totonu, ona vave lava lea ona faaleagaina auala. A o galuega ia o partnership ia o lo o faʻatino e le gata o le Malo, o le private sector o la e faia galuega ma civil society i pullega a alii ma faipule aua o latou e lagolago mai e faʻamama ma tausi auala ia mo le agai i luma. O lea e faʻutu atu ai i auala fou uma ma auala ua uma ona faʻatino, alii ma faipule aemaise o o tatou itumalo, se i taunafai e fesoasoani. E le oo i ai le polokalame lea o le moatina o aufafa o auala, e gata lava i totonu o a tatou national road po o auala o lo o femalagaa'i ai le atunuu. O a tatou talosaga, e tele talosaga ia ua tuuina mai mo auala. Ia taatia mai a tatou talosaga, ia tatalo i le Atua ia fai se vavega e fai ai o tatou auala.

Tofa Lealalepule Rimoni Aiafi: Lau Afioaga i le Fofoga Fetala'i, se i malolo foi le Afioaga i le Minisita.

FOFOGA FETALAI: Se i vavae foe; tulai mai le sui usufono mo Faleata Sisifo.

Tofa Lealalepule Rimoni Aiafi: E le fesiligia le tele o galuega o lo o faʻatinoina aemaise o le faaleleia faifai pea o auala o lo o faʻatino, a o le mea lea sa talosagaina e lou sui usufono, o kamupani moavao lea e faʻaono afaina ai taavale feoi ma tagata. Ua mataluina le tele o le faaletonu i lea vaega. E tatau ona i ai se Tulafono e puipuia mai ai taavale ma tagata feoi mai ia vaega. E le gata i lea o le auala lea i Falelanu'u o lea o le a oo i ai le saunoga a le Minisita ina ne i te i ua galo.

Ma lou faaalalo lava.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua

Afioga Toeolesulusulu Cedric Pose Salesa Schuster: Lau Afioga i le Fofoga Fetalai.....

FOFOGA FETALAI: Tulai mai le sui usufono mo Aana Alofi Nu. 3.

Afioga Toeolesulusulu Cedric Pose Salesa Schuster: Faafetai i lau Afioga i le Fofoga Fetalai mo le avanoa. Na o le fesoasoani atu lava i le Afioga i le Minisita.

Ua faafetai mo le fautuaga aua le puiipuia lelei o auala i afioaga ma alaalfaga aemaise auala galue. Ona pau le fautuaga pe mafai ona toe silasila ane i ai le konekarate aemaise foi o le Matagaluega i le taimi e faatino ai, ona o le tele o alavai ia e fai i auala e fai lava sina vaiti. Na o sina tamai timu lava tumu, ona osofia lea i luga i le auala.

O lona lua lau Afioga i le Minisita, o le tele o le ta po o maamaa ia e i ai pe a uma ona faata le auala, o maamaa ia e tele ina tumu uma ai alavai nei ma o le vave foi lea ona faigata ma tumu alavai ma toe tafe ai le suavai i luga o auala ta ma afaina ai.

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eseece.

Afioga Hon MANUALESAGALALA ENOKATI POSALA: Faafetai lava mo fautuaga, o lea o le a faamauina ina ia siitia ai le tulaga i le faatinoga o o tatou auala ia.

E faafetai i le tulaga i le auala lea i Falelaunuu. O le tasi lenei o faafitauli o lea e tulai mai aua o auala ia e fai e le SLC. E pei o lea ua mafai ona maua le avanoa e fesootai atu ai foi i le Afioga i le Minisita ma le Faalapotopotoga a le SLC aemaise foi o isi auala sa faatino e le NPF. Ona o auala ia o la e tatala le avanoa o le LTA e o atu ai e supervise galuega ia, a oo i le taimi e faatino ai ona o atu lea e vaai ina ia mafai ona fai a latou test ma iloa ua ausia tulaga lelei o auala ia, ona tuuina mai lea i le LTA, a o la ua iloa ua uma ona faatino, ae afai o la ua o kamupani e fai ma supervise lava e latou, o le faaletonu lena e i ai ma e vave lava ona tele le afaina, ae mo le agai i luma e moomia lava le galulue faatasi. O lea lava e maua avanoa ma e fiafia foi le Pulega e o atu e fai le latou galuega lea e siaki po o lelei auala ma fai a latou test. O le tulaga lena o lea e i ai ma e pei lava o lea ua i ai le fuafuaga ma o se fetuunaiga ua ou faalogo i ai, o le a faatino pea e latou ona lafo mai loa lea i lalo o le Pulega e vaai o tatou auala ia.

Ona ou oo mai lea i le Faalapotopotoga o Vaa a Samoa. Atonu o lena ua i ai se suiga i lo tatou uafu i Mulifanua. Ua faasoina foi le tulaga lea sa laga mai ia aua ne i toe tutu taavale i fafo. O lea ua mafai ona fai markings ma tulaga lelei seal ma ua tele lona suiga ua i ai. E i ai le faamoemoe a uma Mulifanua ona faasolo atu lea i Sateleologa.

22 IANUARI 2015

Tulafono Tau Faaofī o le Faatatauina o Tupe Faaopoopo (Nu. 1)
2014/2015 – felafolafolaiga faaanau i luga o le faitauga faalua

E pei o finagalo ia na aumai o Salelologa ma o le taimi lenei o lena e loka le itu i sasae o le pa lena ona e i ai nai faaftauli o lo o tulai mai, ona e i ai le aiga i Salelologa ia ua tau,...ia o la ua i le Tulafono ia tulaga ia, a o lo o i ai le polokalame, o lea ua uma Mulifanua o lea o le a faasoto atu e faaleleia ma fai se suiga mo le tatou uafu i Salelologa.

O lea na tannuu mai le vaa fou lea sa tannuu mai ia o le vaa lea e tele sona aoga, ona o le tatou Faalapotopotoga o la ua mafai ona oo atu le latou auunaga i Cook Islands i Pukapuka, o Toetau, Tutuila o Manua, o lona uiga o lea o le a faaogaina tatau i ai le vaa lea aemaise foi a tatou femalagaina o le tatau o le vaa lea e i ai lona ana pito i lalo e teu ai le suau, ia ae faaoga luga e mafai ona feaveai ai uta masani. O lona uiga e tele se lumanai manuia o le Faalapotopotoga ma le tatou atunuu i le faaogaina ia le tatou vaa fou lea. O le goa o le vaa o le SSC 40, o le tausaga lenei e atoa i ai le 40 tausaga talu ona tulai mai le Faalapotopotoga o Vaa, o le vaiaso foi lea e i ai nai a latou fuafuaga e faamanatu ai lo latou 40 tausaga ia o se mea foi e faailoa ai lo latou auunaga ia ma launch ai le tatou vaa fou lea na tannuu mai ia nisi lava o la e i ai ni nai faamanuiaga pei ua pau pasese i le omai mai Savaiti ma le toe foi atu i le vaiaso lea pe a oo ina fai le tulaga lea. Ia ona o le fiafia lava foi i le auunaga a le atunuu ma faafoi atu sina mealofa, aemaise o le feoai ai mai Upolu agai i Savaiti. O le tulaga la lena o le tatou polokalame lea o le 40 tausaga o le Faalapotopotoga i le vaiaso fou.

O le tulaga lea i luga o vaa, o lea sa laga foi o le feoai ai o pasese, ia leaga o le saogalemu lava, o le faiga masani lava a oo ina o taavale i totonu, ia e tatau ona o uma i fafo ia le pasese aua e vaitititi lava le mea e tau faaofiofi ai taavale i luga o le uafu, o le saogalemu, vagana lava ua tau atu o se tagata ua le mafai ona alu ese, ia e tatau lava ona i ai i totonu o le taavale, o nai o tatou tama matutua, ae ona o tatou e tasi le tagata matua ia ae mananao e nonofo uma ai lava ma le isi vaega i totonu. Ia ae pei o le saogalemu la e faamuamua e le Faalapotopotoga i luga o le feoai i luga o vaa. O le isi foi mea aua o tagata ia e omai i totonu o taavale ia, e mananao e nonofo ai i le taimi e alu ai le vaa, ia ae alu loa le vaa loka ia auata foi ia i le o i luga, o le popolega o lalo i i, a oo ina tupu se faalavelave i i, ia e tele le aafia, ae lelei le o o le pasese ia i luga, ia o a ni faalavelave e tupu i lalo a o la e saogalemu ia luga mo le pasese ma le mamalu o le atunuu. Ia pei o le vaavaai lena a le Faalapotopotoga faamuamua le saogalemu.

Ia o nai mataupu na sa laga, e faamalulu atu foi o le a sa outou faafologa e paopapa ni manatu, ia o le taumafai lava e faamalamalama. Ae ou te faafetai atu i le tapuaiga foi a lou ifumalo i tua, faafetai i la outou tapuaiga o lea foi ua amata lenei Tausaga Fou, ia alofagia e le Atua fesosoani mai, faafetai.

FOFOGA FETALAI: Malo saunao i lau Afioaga i le Minisita mo Galuega, Felauaiga ma Atinae Eeseese, faafetai mo le saunouaga manino. E manatu ua faamalalicina le tele o finagalo o sui usufono mamalu sa saunoua.

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua

E momoli atu foi le faafetai tele i lau Afioga ma le Matagaluega, e le natia ifo i fatu alavai le tele o le galuega, leaga o lau Afioga o lo o nafa ma Matagaluega tetele e le gata i auala, vaa, eletise ma mea uma, ia malo fai le faiva. E manatu o lo o molimau lo tatou atunuu i le tele o suiga lelei, faafetai tele atu mo le faaleleia o le uafu i Salafai, e le masino le talisapaia e le motu aemaise foi Upolu nei, ua matauina le tele o le suiga ua tulai mai talu ona tauave e lau Afioga ma le tatou Faalapotopotoga o Vaa lea tulaga. Faafetai foi i le tulaga o fematagaiga, o lo o siitia pea i luga le tulaga o le faamoemoe ma le auauunaga, faamalo atu i lau Afioga, e le gata foi i lea o le Pulega o le Suavai, pulega o alatetele ma mea uma o lo o nafa ma lau Afioga ma Faalapotopotoga ma Matagaluega, ia maua lo outou malosi aua le faaaauaina o lo tatou valaauina.

Ua tatou taunuu mai i le Afioga i le Minisita mo le Punaoa Faanatura ma le Siosiomaga lau fetalaiga Matautu, tulai mai lau Afioga i le Minisita, ia ua taunuu tonu i le taimi e tali ai le tatou Matagaluega i mataupu sa luga e sui usufono.

Tulai mai lau Afioga i le Minisita.

Tofa Hon FAAMOETAULOA LEALAIULOTO ULAITINO FAALE TUMAALII: Lau Afioga i le Fofoga Fetalai, ou te muamua ona ou faatulou atu i le Maota nei i Tiafau, o le Malae o le Fautugatagi a Samoa, o le Malae foi e lipoi ai upu a le atunuu, i le afio o lau Afioga i le Fofoga Fetalai, afio foi lau Afioga i le Palemia, e le gata foi i lea a Minisita ae a Minisita Lagolago, faapea foi lena itu o le Maota i le afio o lau Afioga i le Taitai o le Itu Agai, faapea foi sui usufono mamalu uma o le Palemene. E le faagaloina foi le tapuaiga faafogafoga mai a Samoa, i ona tupu ma ona ee i le afio o lau Afioga i Lana Afioga Mamalu, O Le Ao o le Malo ma lau Masioto, e le gata foi i lea o le afio o le Afioga i le Sui o le Fono a Sui Tofia ma lau Masioto, o le paia lava lea o Aiga ma a latou Tama, Tama ma o latou Aiga, le Usoga a Pule ma Tumua, Ituau ma Alataua, Aiga i le Tai ma le Vaa o Fonoti.

Ou te fia asiasi atu foi i lou itumalo o lo o tapuai mai le itumalo o Gagaemauga Nu. 3, le paia ia te oe Matautu o le Muā'autasi o Pule e Ono i Salafai, o paia lava ia e faasino i le Aiga Sa-Peseta, le Maopu, le alaatalai o le Usoalii faapea le Faleiva ma upu ia te oe le Matautu o le faamalumaluga o malo.

E le gata foi i lea o le tatou afioaga i Satoalepai, i le afio o lau afioaga Mataia, susu Mataia alaatalai le Aitutagata ia Mauigoa, e faapea le lavelave ia te oe Satoalepai. E le faagaloina foi Afia isi ona vao i le mamalu o Auauina a le Atua i fata faitaulaga e fia o lo o latou tatafaina se manuia, e le gata o le itumalo a Samoa nei. Malo le lagima ia malo foi le soifua maua, malo le folau i lenei tausaga fou. Ia tapuai maia ae se i alo ane ia outou sui usufono e faatino le tiute e pei ona outou tofi ai au, ou te auuina ai e fai so tatou sao i le Malo o Samoa.

22 JANUARI 2015

**Tulafono Tau Faaoifi o le Faatatauinā o Tupe Faapoopo (Nu. 1)
2014/2015 – felafolafolaiga faaauau i luga o le faitauga faalua**

Lau Afioega i le Fofoga Fetala'i, atonu e tele lava ni sui usufono na saunoa i ni atinae foi o lo o tulituli i afioaga taitasi, o isi foi o nei mataupu na laga e sui usufono mamalu, ua uma foi ona ou faamalamalama ma ou tali atu i ai, o le a ou le toe oo la i ai, ae e i ai lava le upu foi lele, e tele lava Peseega ae matua lava i le oō. Ua uma ona ou vaevaeina i vaega sa laga mai i sui usufono mamalu ou te tali atu ai.

Muamua o talligalu ma talivali i atinae, o nisi o sui usufono mamalu sa saunoa ma faamanatu ia te au ma le Matagaluega o ni galuega e le i faatinoina ae ua uma ona tuuina mai talosaga tustusia. O nisi foi sa saunoa ma fesiligia le pule faasoa a le Minisita ma le Matagaluega i nisi foi o galuega ua uma ona faatino, ae le gata foi i lea, o isi foi sui usufono mamalu o le Maota nei, o lea faatoa faaleo lea o talosaga i totonu o le Maota, ae leai ni talosaga tustusia ua tuuina mai i le Matagaluega e pei ona ou siaki atu i ai. O lea la o le a ou tali atu lava na o talosaga ua uma ona faatoai mai i le Matagaluega i le tulaga aloaia tustusia lea.

Sa.....
Tofa Levaopolo Talatonu: Lau Afioega i le Fofoga Fetala'i, o se mea e fia faasao lea.....

FOFOGA FETALAI: Malie lau Afioega i le Minisita, o le a se mea le sui usufono mo Gagaeinauga Nu. 2?

Tofa Levaopolo Talatonu: E fai sina ou faanoanoa i le tulaga lea ua saunoa i ai le Afioega i le Minisita, e sili atu ona aloaia ia talosaga e avatu i totonu o le Maota lenei i lo i mea tustusia, ma e leai foi ni mea sa faapea mai e tustusi atu. A o talosaga uma o lea e faaleo atu e sui usufono mamalu i totonu i i, o talosaga na e tatau ona amanaia e lau Afioega i le Minisita. O le agaga lena ua ou tulai atu ai ma le agaga faaalalo.

FOFOGA FETALAI: O lea ua maua lou finagalo, ia se i aumai pea le faapulapulaga i le tofa ua ae i le Minisita ona malamalama lea, ona o lea faatoa amata mai ona... Tulai mai lau Afioega i le Minisita.

Tofa Hon FAMOETAULOA LEALAIULOTO UAIATINO FAALÉ TUMAILII: Faafetai i le sui usufono ia Saleaula. O le tulaga lea e pei ona saunoa i ai le sui usufono mamalu, o lea faatoa faaleo i i o lea faatoa iloa foi lea e le Matagaluega o lea e manaomia ia ni galuega faapea i le itumalo, o le tulaga lena aua e le o maua ni tusi ni faamaumauga i totonu o le Matagaluega e mafai ai ona gatoi le Matagaluega e faatino, o le tulaga tonu lava lena i le mea lea e i ai. Ae pei lava ona ou fai atu o lea e avatu ia le tulaga e i ai lava ala o mea, e tatau lava ona tuu mai le talosaga tustusia, aua e tele galuega e fai, e o atu le Matagaluega e vaai ma fua mai ia le tele o le galuega e fai.

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

E le gata foi i lea, e vaai foi i le tulaga foi lele i le afaina o soifua, e le gata foi i lea o le siosiomaga o afoaga i le mea la lea e fua i ai ia le tau, ia ona saili ai lea o vaegatupe e faatino ai.

FOFOGA FETALAI: Malie le Minisita, se i tuu atu le avanoa i le sui usufono mo Gagaemauga Nu. 2.

Tofa Levaopolo Talatonu: Lau Afioga i le Fofoga Fetalai, a matou lauga atu i le taimi lenei, e tele lava ina fautua mai, se lauga mai i mea a outou itumalo e ono fai. O lea la e faaleo atu i luma i le matou talosaga uma lava a so o se sui usufono mamalu i atinae o latou itumalo, leaga o lea ou te tulituli atua lau saunoaga faapea e amanaia ia talosaga ia tustusia, ae e te le tali mai i talosaga ia e fofoga atu e sui usufono mamalu o le Maota, pei o le agaga lena e tau....pei o lena ua sese i ina ia lau saunoaga, e sili atu ona amanaia ia talosaga ia e fofoga atu e sui usufono o le Maota i mea e fia faaleleia i o latou itumalo i totonu o le Palemene.

FOFOGA FETALAI: O lea ua maua le finagalo le sui usufono, sa e faafofoga foi i le saunoaga a le Minisita, lauga ma fai le application e ave i le ofisa, o lea ua taua o lea ua logona le Maota, ia ae i ai ala o mea, o tatou uma lava e malamalama ou te iloa o la ua maua mai e le Minisita le faatinoga, ona ave loa laia e faagasolo e ia le process, ae le o faapea o se mea e faatauvaaina ai le tatou....leaga o le mea masani, e faaleo lava iinei finagalo o itumalo, a o lea ua saunoa le Minisita e tatau ona avatu tusi tustusia ia ma mea masani o lea tatou te malamalama uma ai. Se i tulai mai le Minisita.

Tofa Hon FAAMOETAULOA LEALAIULOTO ULAITINO FAALE TUMAALII: Ia faafetai i lau Afioga i le Fofoga Fetalai ma le tulaga foi o lea itu.

O le tulaga e pei ona ou taua muamua, a taunuu atu loa se talosaga, ona ou faatonuina loa lea o le Matagaluega e o e asiasi ma fai le latou iloiloiga ma suesuega, ona tau mai lea o le tulaga o lo o i ai ia ni tulaga foi ia e lamatia ai le soifua o le atunuu, e le gata foi i lea, a o le siosiomaga pe a tutupu ni mala faanatura, ia o lena e prioritize ai ia pe ave i ai le faamuamua i tulaga o galuega ia, ma o atinae uma la ia faapea o lea e i ai i le lisi lea e ave i ai le faamuamua, ua uma foi ona faailo vaegatupe i lalo o poloketi esese o lea e aumai e le Matagaluega i totonu o le atunuu e faatino ai ia galuega ia aua lava le taii atu o le atunuu i le tulaga o le fesuisuiaga o le tau ma le lamatia o le tatou atunuu, e pei o le tulaga lena.

E i ai foi nisi o sui usufono mamalu o le Maota nei e oo atu ia te au ma siaki atu po o fea ua oo i ai talosaga a o latou itumalo. Ou te aamia lava i le taimi lena le Matagaluega ma omai ma le lisi ma tau mai ia faafofoga atu lava le sui usufono mamalu. O lea e i ai tamalii i totonu o le Maota lenei o lea latou te molimauina le tulaga lea ma tau i ai le tulaga i le galuega.

**Tulafono Tau Faafii o le Faatatauina o Tupe Faapoopo (Nu. 1)
2014/2015 – faiafolafoaiga faauau i luga o le faitauga faalua**

O isi foi e o ifo faapea ane e le o lavea i totonu o le listi lea e ave i ai le faamuumua ona e laititi le afaina pe a tupu ni mala faalenatura, ona e manao lava le Malo e fai uma galuega nei. A o le faalavelave, e le lava se tupe e faatino uma ai galuega. O lea foi la ua uma ona ou faatonuina le Matagaluega, e fescotai i sui usufono o le Maota o lo o talosaga mai i atinae o taligalu ina ia fai se fuafuaga po o le fea e ave i ai le faamuumua a lona itumalo. Aua o nisi ua talosaga mai o auala, talosaga mai nisi o talivai, talosaga mai nisi o taligalu. Ia e le faapea e fai uma i se taimi e tasi. O le tulaga lena. E pei la o lea e faafofoga mai le Pule Sili o le Faalapotopotoga faapea foi le Faaululuga o le vaega lea o atinae o taligalu ma talivai, ia tautuana ma outou le Matagaluega, e pei lava ona ou pesepepe atu i masina uma lava tatou te fonu ai e tulituli talosaga nei. Ou te iloa foi e fai lava si ou masalosalo po o outou aumai tai foi nei ou te fa faalogo atu i ai ou te fafaa ai o la e faatino le galuega, ae talau ona vave ona fai galuega nei. Aua e pei ona outou faafofoga mai, e sao lava isi vaega o le atunuu ua ou oo i ai ma ou vaai i ai, ma fonu ai foi ma le Matagaluega ma ave foi i ai le faatonuga malosi ina ia faatino galuega nei.

Ona ou see mai lea i fanua o le Malo, lea na laga mai e nisi sui usufono e faapea o lo o listiina atu i afroaga i tua mo atinae ma pisinisi. O lea e talosaga mai pe mafai ona faamatuu atu fanua nei i se tulaga umia saoloto, ae aua le tuuina atu i le tulaga foi lea o se fanua faaleaganuu. E faigata le tulaga lea ona o le tulaga foi lea o lea e talosaga mai le afroaga i ni fanua e tua i ai le nuu. Ona avatu lea o fanua nei e faaafoga i atinae, ae a avatu la i le tulaga foi lea umia saoloto, ua nonofo loa ma faatau fanua nei, faatau i isi tagata e le o nonofo i totonu o le afroaga. O le tulaga lena, o le mea la lena o lea e avatu ai i luga o le tulaga mauu ina ia nofo le fanua i afroaga nei ina ia aoga mo tupulaga fai mai o le nuu faapea foi le atiaaina o nuu ma aiga, ae le o le avatu faatau lea o le fanua ae toe talosaga mai foi, toe aumai nisi eka o lea e fia ma fia eka ia o fanua o le Malo lea e lata mai se i faaafoga i matou atinae.

FOFOGA FETALAI: Malie lava lau Afroga i le Minisita, se i tulai mai le sui usufono mamalu mo Faasaleleaga Nu.2.

Susuga Papalii Lio Faavaivaiomanu Tau Masipau (Faasaleleaga Nu.2): Faafetai lava i lau Afroga i le Minisita mo le faamalamalama o le tulaga lea, aua pei o lou sui usufono lea na laga le tulaga lea. E magalua se agaga na avatu i lau Afroga i le Fofoga Fetalai faapea lau Afroga i le Minisita, o le maga muamua lea ua taua, pe afai e faasoa foi lele, e talosaga mai afroaga i le Malo ona faamatuu atu lea. E sao le saunouaga a lau Afroga. A o le isi la maga o lou manatu na avatu, o fanua foi nei o fuataga a nuu e fou, e pei la o le afroaga lea o Salelologa. Ia manatua foi o lea na faatau mai e le Malo le isi vaega o fuataga ia a Salelologa. E i ai la fuataga fou ia, o lea ua agai tonu lava i le matai o lae i ai i le taimi lenei, aua o le tasi lena faafrauli ia latou lava ia, o ia e ua manatu ifo lava, aemaise lava le fuataga lea ua avatu nei, faapea, o lou lava lea fanua o le fuataga a lou nuu lea ua aumai.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua

Tusa o fanua faaleaganuu a le nuu ia o lea faatoa fua, e pei la o le afioaga lea o Salelologa. Ua manatu foi latou i se isi auala foi lefe e faatau atu, ae ua uma ona ave i ai le fautuaga, e le o i ai se tatou Tulafono faapena. A o le uiga o lau faamatalaga, mo le agai i luma. Ia silasila i ai lau Afioaga ma le Matagaluega, mo le agai i luma, aemaise lava o lea e faafofoga mai le afioaga o Salelologa, e tele ina o ae foi ia te au i Sapapalii ma tau fai tulaga ia faaletulafono, a ua uma ona ou fautuaina, e le mafai ona faatauina eleele ia faaleaganuu. Afai lava o fuataga a outou, ia o le tulaga la lena, e le mafai, na pau lava le mea o le lisi. A o lau lena faamatalaga mo le lumanai ma le agai i luma, e fautuaina ai lau Afioaga ia fesoasoani foi i nai tagata faapea. E le na o Salelologa foi, aua o le tele lava o nuu ma afioaga, o la e foi e i ai isi eleele e le i taina ma fua mo le agai i luma o latou fuataga faalenuu.

FOFOGA FETALAI: Malie le sui usufono, se i avatu le avanoa i le Afioaga i le Palemia.

Susuga Hon Tuilaepa Fatialofa Lupesoliai Aiono Neioti Saitele Malielegaai: Lau Afioaga i le Fofoga Fetalai, ua ou fiu lava e tau faavasega le mea lea e aumai e le sui usufono, e pei e sau faafaafa foi lele, faafaafa nisi fanua e faatau. Pei o le agaga lena. E le o i ai ma se agaga o le Malo e fai se na mea faapea. O fanua faaleaganuu, e tamau lava i lalo o le faavae e le mafai ona faamatu atu lava i se isi auala faapena pei o le mea lea e te aumai. O le ua e taua fanua ia na aumai e le Malo, ona toe faafoi lea. E faafoi lava i lona tulaga faaleaganuu. O lona uiga o la e faaleaganuu. Ua ou faalogo la ua nonofo nisi ma faatau, o lona uiga la e solitulafono mea na. A o le agaga lena, e matua leai lava ma se manatu o le Faigamalo lenei e fai se na mea faapena, ia tamau lava i lalo o fanua faaleaganuu e tumau, e leai lava se isi faiga e mafai ona fai i ai, se i vagana o se faiga faa-lisi, o lena ua uma ona fai i ai le Tulafono a le Maota lenei.

Susuga Papalii Lio Faavaivaionanu Taeu Masipau: Ia faafetai, o le mea sili o lea ua faafofoga mai Salelologa lea o outou lea e masani ona outou o atu, ia o le Faigamalo lava lenei e le mafai ona faatau ma suia fanua faaleaganuu. A o lau talosaga lea na avatu, o lea na avatu faatalosaga. Ma le faaloalo lau Afioaga.

FOFOGA FETALAI: Malo, o lea ua maua le tali. Tulai mai lau Afioaga i le Minisita e faaauau le saunoaga.

Tofa Hon FAAMOETAULOA LEALAIULOTO ULAITINO FAALE TUMAALII: Faafetai i lau Afioaga i le Fofoga Fetalai. Ia o lena ua maua atu le tali o le tulaga o lea itu e pei ona aumai foi e sui usufono mamalu se tasi o vaega.

22 JANUARI 2015

**Tulafono Tau Faafisi o le Faatatauina o Tupe Faapoopo (Nu. 1)
2014/2015 – faafetalafoaiga faaauau i luga o le faitaanga faalua**

O le isi vaega na laga mai i lalo o fanua, ia tasi le authority foi lea na te pulea ai fanua o le Malo, ma ua uma ona tali atu i ai le Palernia, o lo o i luma nei o le Kapeneta le mataupu lea, e lloilo foi la i ai, e le i faia i ai se faaiuga a le Kapeneta, ae o la e ua i totonu o le faasologa o ana galuega fai mo lenet foi fausaga.

O lona tolu o mataupu na laga mai, o le faaleleia lea o le auuala savali i le tuugamau o Robert Louis Stevenson. O lena foi ua uma ona ou tali atu i ai, sa ou savali ai lava i le auuala lea, na ou oo lava i luga. Ia o lea la e pei e faafautua mai e le sui usufono na laga mai faapea e faoso atu se auuala i i le isi itu agai i luga. E pei o lau matau atu lea i le faafesili lea ae aua le toe oso mai i le auuala lea e i ai nei.

Tofa Lealalepule Rimoni Aiafi: Faafetai i lau Afioega aua o le vaiaso lea na tea nei na ou savali ai, ou te le o toe au tele la i luga aua o lea e fai si leega o lea e timu. Masalo po o Oketopa ea lea na ta o ai po o Aokuso, ua leva. A o le mea lea na ou fautua atu ai ona o le toatele o tagata tafafao maimoa mai e fia o i luga o le auuala lea, nai tagata matutua, e le mafai la ona oso mai i i. O lea ou te fautua atu ai pe mafai ona sua atu aua o lea e i ai le auuala lea e alu atu i le mauga o Yaea le auuala taavale, ae avatu la se poloketi i ina e o atu pasi foi nei pe a matamata ona paka lea i ina ae savavali i luga a ua latralata i luga toe tele le tupe e maua ai, ae aoga. A le o lena, fai se tatou mea foi lea o le cable guard e o ai tagata i luga e matamata i lea mataaga taua, ae o le savali i luga lau Afioega pe a e toe oo nei i ai, e te talitonu i ai, e afa loa e le toe ae i luga, se i vagana ai e te oso i le auuala umi pe e te malosi pei o au. Faafetai.

FOFOGA FETALAI: Tulai mai lau Afioega i le Minisita.

Tofa Hon FAMOETAULOA LEALIAULOTO ULAITINO FAALE TUMALIH: Aua ne i galo i le sui usufono mamalu, o le nofoaga lea ma le auuala lea, o lea e fai o le auala e koleni ai tagata, e ae i luga, e savali, e tu agai i luga le savali, o i ina e maua mai ai le tino malosi. Ae afai nei ae sua ae faalaititi le alu atu, alu atu le taavale tuu i le afa ma alu loa, ua le maua la le aano o le mea lea e tulituli atu. O le mea foi lena o lea e omai ai lava papalagi mai fafo ma fia o e matamata ma koleni ai. Ua ou oo ai foi ma ou savali ai ma ou koleni ai, o le toatele ia o papalagi e savavali ai ma koleni ai. A fai nei la le tulaga lea e faapuupu le track lea, ou te iloa o le a le maua foi se tulaga o le soifua maloloina po o le tino maloloina e pei ona fuafuaina.

Tofa Lealalepule Rimoni Aiafi: Lau Afioega, e faamalulu atu lava i lau Afioega i le Minisita, e sao. E lua... o le tulaga lea i le auala savali, e le tatou ona taofia lau Afioega, aua e pei e lua auala ia e i ai. E pei lava ona faamamafa mai i le atinaega o le Malo tagata tafafao maimoa mai, e tatau lava ona outou tagai e fai se auala e faafaiogofe ona o ai i luga... o lona uiga pe na o se lima passene o tagata tafafao maimoa mai e mafai ona savavali i luga, aua o le tele lava o tagata nei mai fafo o tocaaiina ma loomatutua.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

A matou fetau i lalo, ou te le fautuaina e o i luga aua e le au i luga, ae maumau pe ana i ai se auala taavale e o i ai ni pasi faalatalata, ona savavali lea pe na o se 200 mita, ou te talitonu o le matua tele o le tupe e maua i le mea lea. E le gata foi i lea, fai le auala lea, se mea faapena po o se cable guard. A e oo la i luga i le taimi nei lau Afioa, e te le o toe iloa mai le taulaga, leaga ua ola tetele laau. Ua tatau ona toe tuu i lalo laau la aua e le iloa mai le taulaga, ua leai foi la se aoga e o ai tagata i luga i le taimi nei. Na o le o atu lava vaai i le tuugamau o si toeaina, ia o la e lava e maluu e le i toe ola, a o le vaai mai la i tai ua le toe maua.

Ae o le tulaga lau Afioa e lua maga o lau fesili, ia toe faaleleia le auala savali, a ia fai la ma se auala mo tagata tafafao maimoa mai. Ma le faaaloalo lava.

FOFOGA FETALAI: Ia, ua maua le finagalo o le sui usufono. Tulai mai lau Afioa i le Minisitā.

Tofa Hon FAAMOETAULO A LEALAIULOTO ULAITINO FAAL E TUMALII: Faafetai i le sui usufono mamalu ma le tulaga foi o le taulagalaga i lea itu, ae taatia maia lau fautuaga o le a vaavaai i ai le Matagaluega po o fea foi le itu e lelei ae i ai lava le tulaga foi lele se i iloiloi lelei pe lelei lea fautuaga pe leai. A le lelei foi, e le faatinoina lava. Ma le faaaloalo lava.

O lona fa, e i ai le sui usufono mamalu na saunua i le toe totoina lea o le togatogo. O Samoa i le fonotaga lea a atunuu laiti o le lalolagi le UN SIDS Conference lea na fai mai i Samoa, sa sainia ai e atunuu le fegaiga lea na fai e le Malo o Samoa, o le Charter to preserve mangroves. Ma o lea la ua faatino le tulaga lea o le faasaoina o togatogo i totonu o le atunuu, ona ua amanaia le tulaga foi lea e le gata o le tulaga o le mitiia o kasa oona lea e faapogai ai le suisuiga o le tau, aua ua iloa nei o le togatogo e sili atu le tele o lona mimitiina o le kasa lea i lo isi lava laau i suesuega faa-Saienisi. Ma o lea la ua faamalosi i le lalolagi, o le toatele ia o atunuu o lea ua sign up i le charter lea na propose atu e le Malo o Samoa. Ae le gata foi i lena o tulaga foi ia o mea e preserve ai vai foi nei e tautuufua atu i ai ia i le tulaga lea, pei o le anae i Safata. O le tulaga lena e taua tele ai le itu lea, ma o lo o galulue ai le Matagaluega i le tulaga lea i le faalauteleina o togatogo nei i totonu o le atunuu, atonu o lo o i ai foi se fuafuaga e fai ai se faatauvaaga i totonu o afioaga, po o ai le togatogo e sili ona lelei ona teu, lelei ona ola ma mama, ae aua le lafo i ai le lapisi e pei ona masani ai le atunuu ae le i faatinoa le faatauina o fanua lolovai nei, lea ua faatauina nei e le lalolagi tai pei o le International Wet Land foi lele po o le masina fou e faamanatu ai i le lalolagi atoa.

Ona ou oo mai lea i le mataupu sa laga mai e se tasi foi o sui usufono mamalu, i le tulaga lea po o fai ni suesuega foi ia i vai na vili, tai pei la o Fogatuli, e pei o le tulaga tonu lava na.

**Tulafono Tau Faaoif o le Faatatauina o Tupe Faapoopo (Nu. 1)
2014/2015 – faafolafolaiga faaauau i luga o le faitauga faalua**

A faapea e le mafai ona vili se vai ae le i o atu le Matagaluega e fai le assessment ma fai mai se lipoti, e fuafua ina ia aua ne i mai le vai, ia ma fuafua foi lele ia mamma ese ma fale apitaga i le tulaga faapena ma le tulaga ina ia lelei le siosiomaga, ina ia aua ne i i ai ni aiga e lalata atu i ai, ia ona fua loa lea o le zone lena, ma aumai ai loa le tulaga o le faaiuga a le Matagaluega e le toe tatau ona nofoia ia nofoaga lea. E pei o le tulaga lena o lea e i ai ia le Matagaluega i le vaega lea.

Ona ou oo mai ai lea i le Green Climate Fund, ou te faafetaia le sui usufono mamalu na laga mai le mataupu lea ua maua ai foi le avanoa e faamalalamaia ai le fund lea i totonu o le Maota, o le Green Climate Fund, o le fund lea na fai faapitua lava i le lalolagi atoa aua ia ia poloketi ia ia vave ona faatino e foia ai le faafrauti i le fesuisuiaiga o le tau. Ma e o lo o i ai i totonu foi Faava o Malo le agreement, ia oo atu i le 2020 ua oo atu le aofai o le fund lea i le US\$100pilitiona, ma o le \$50pilitiona o le \$100 pilitona lena, tusa la e \$50pilitona e faapitua lava mo atunuu e tau atinae o latou tamaoaiiga e i ai Samoa, o le tulaga lena. Ae i le vaega lena o atunuu tau atinae, e 50% tusa lena o le \$25pilitona e faapitua lava mo poloketi foi ia e faatatau mo le foia o le tulaga matuia o le fesuisuiaiga o le tau (mitigation), a o le isi 50% tusa na e \$25pilitona e faatatau lea i tulaga foi lea o sauniniga a atunuu tau atinae ina ia lava le sauniniga e tete e atu ai i tulaga matuia pe a tupu ia ni mala faanatura (adaptation), o tulaga na o lo o i ai, ma o le fund lea e le i operational i le taimi nei, o le tulaga lena. O le fonolea na ou faatasi atu ai i ina i Peru-Lima, o i ina faatoa iloa ai faatoa oo i le \$10pilitona le fund lea e \$3.5pilitona ia le share o le Pledge a le US lea na fai e Obama, e \$3pilitona ia Switzerland, \$200militona Ausetalia ona faasolo mai lava lea, o la faatoa oo i le \$10pilitona le fund lea, a o le amount lea e tui e \$100pilitona. O lea ua i ai gaioioga a le Matagaluega ma le MOF ina ia prepare ai mea e tatau ona prepare, prepare le readiness e avatu ai a tatau poloketi i le fund lea. O lea ua tofia ia le Ministry of Finance o le Designated National Authority (DNA) i le poloketi lea, ae pei o itutino e i ai le MNRE ia o le implementing agency lea. E i ai ia ia procedurs e tatau ona prepare i le taimi nei, o lea ia ua galulue ai le Matagaluega ma ua uma foi la ona matou talanoa i ai ma le Matagaluega na ou amia, e sauni loa poloketi e tatala loa faitotoa, alu loa i totonu ma poloketi a Samoa i le tulaga lea. E pei la o le mea lena aua o lea e sau lea e finau lava Samoa ia i ai le loss and damage i totonu o le allocation, a o lea e finau mai ia atunuu o Aferika ia Small Island Countries, e leai aveese le loss and damage e le aoga ia matou na o le adaptation lava, o lea la e fai ai feinauaiga ia i fonotaga tetele ia Faava o Malo, ma e o la ua malo le finau atu a atunuu o le Vasa Pasefika ua include ai i totonu o le vaega lea o le fund lea, ma o le taimi nei, o lea la ua i ai ia fuafuaga alualu mamma i le tusiga o poloketi ma le prepare ina, ina ia ave le MOF po o le MNRE as an implementing entity i le faatinoina o poloketi o le a faatinoina i lalo o le fund lea.

Ia lau Afioega i le Fofoga Fetala'i, o se faamalalamamaga lea o mataupu na laga mai e sui usufono mamalu, ma lou faaalalo lava.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua

FOFOGA FETALAI: Malo faafetai. E momoli le agaga faafetai i le saunoaga manino ma le malamalama ma le faaosofia o moegaluaga o le faafofoga a le Maota i lenei itula afiafi. E manatu foi o lea ua faafofoga ma le talisapaia i finagalo sa laga e sui usufono e tusa o mataupu ua e folasia. Ia talosia ia i le Atua, e manatu ua tele nei faamanuiaga nei ua e folasia aemaise lenei poloketi tele, talosia ia ae taitai ai lo tatou ola, o lea lava e taumate lo tatou soifua po o le a le mea e tupu taeao i lenei vevela e sau sau pea. Ia o ou mama na. Matautu ia alo ane i ou faiva, ia alofagia e le Atua ia faalaoiao pea o le ea i vaalele uma e te feleleai ai e finau nei mea. E momoli foi le faafetai tele i le paia o le Matagaluega i le siosiomaga aemaise foi o le tulaga o folesi ma le taumafai e puipuia le tatou tala o le tau, faamalo le onosai i lau Afioaga i le Minisita, faafetai foi i lau fautuaga mo lauga faatoa aumai i le Maota, fai lelei le proposal ona avatu lea e faamaumau ma agai ia le Faaluuluga o le Matagaluega, o le fautuaga sili lena, o lou uso a tootoo i Vaituutu. O le agaga ma le faamoemoe o la e faafofoga mai leaga o outua o le itumalo e tasi. Ua tulalata i le tatou taimi malolo, ou te manatu, le sui usufono mo Faleata Sisifo.....

Tofa Lealailepule Rimoni Aiafi: Leai o lea ua tau faauma le tatou Fono i le Ad foi lea e sau i le TV, ‘ua miti tagata.’

FOFOGA FETALAI: E ese lava le Ad na i mea tau taaloga ese mea tau siosiomaga, e le o ni mea miti mea ia o mea ia ua talanoa e \$100miliona le mea lea e.....

Tofa Hon FAAMOETAULOA LEALAIULOTO ULAITINO FAALE TUMAALII: Lau Afioaga i le Fofoga Fetalai, o le faamatalaga lea na avatu, ina ia maiotio lelei vaega o lea o le a ave i ai ia mea o.....e mataulia foi, e tele atunuu o lo o tau atinae, e apalai uma lava la i i, o le lava e muamua atu ma lelei le prepare ina, o lena foi e ave i ai le faamanuiaga, e le o ni miti la mea ia o mea moni mea ia e tau atu i luma, ma o le Maota lenei, na o mea moni lava e tatau ona aumai i ai.

FOFOGA FETALAI: Ou te faasilasila atu o le a faataatiaese Taulumaga a le Fono Aoa o lana malologa masani o le afiafi.

Na faataatiaese Taulumaga a le Fono Aoa o lana malologa masani i le itula e 4.41 i le afiafi ma toe faaauau i le itula e 5.25 i le afiafi.

Na toe faaauau felafolafoaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu.1) 2014/2015.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

FOFOGA FETALAI: Ia e talifonuu ua tatou talii mai i le tatou malologa masani. E manatu foi o lea ua maua lo outou faasiliga malosi e ala i le tatou malologa sa faia nei, ma o le a tatou sagai atu loa i le faagasologa o a tatou Matagaluega e tusa ai ma le tatou polokalame ua faataatia i le Tali mai a le Malo.

Ia lau Afioega i le Minisitā mo Aoga, Taaloga ma Aganuu lau Afioega i le Minisitā, ia tulai maia e talifutaitau i tuleiga ma saunoga a sui usufono mamalu e ala i le tatou Tala o le Tupe.

Afioega Hon MAGELE MAUUIU: Faafetai i lau Afioega i le Fofoga Fetalai, e manatu o lea ua maua le malosi fou i lau Afioega ma le mamalu o le Maota i le tino ma le mafautāu ma le agaga i le mafanafana o le laumofi.

Ae ou te manatu ua lava mamau ia paia ma sa o le tatou atunuu, aemaise foi o paia ma sa o le Maota i saunoga ua mavae, ou te manatu foi e faapea ia lou itumalo o Faasaleleaga Nu. 1 i lana faafogafoga mai ma le tapuaiga, o lea foi sa oo i ai ia le saunoga a se tasi o sui usufono mo Faasaleleaga Nu. 1, Afioega Hon Gatoloaifana Amataga Alesana Gidlow o maua o sui usufono e toalua o le tatou itumalo na outou filifili ia ae totofi mai lagi. E ui lava o lea e lupe le lafo a Lualemāna i le tatou itumalo, ia ma e ono ifi faatasi ai maua, ia a o maua e lototelele, o le mea lea e lelei ai tagata o le Atua e le fefe i se mea, a fai mai lava ua lava oe Magele, ia faafetai i le Atua ua maua lenei lima tausaga e auaua ai, ia a ma oki uma foi, ia ona alu lea o Gatoloai e fai lana pisinisi ae ou alu e toto au talo ma fai e faatau.

Lau Afioega i le Fofoga Fetalai, ua tolu nei tausaga o taatia le talosaga a le sui usufono mamalu lea mo Alatau Sisifo, ae sa lagolago mai foi e le sui usufono mo Falealupo i le latou faleaoga, se kolisi fou. Ma o lea ua i totonu o le ato, ae le i iloa se taimi e fai ai ona e tele foi ia aafisaga, e le gata o le taimi lenei o lea e utiuti a tatou faiaoga lelei, ia ae faapea foi e le o foliga mai o lo o lava. tamaiti e aoga i i e fafagaina le aoga lea. O le asiasiga muamua a le Matagaluega sa latalata i le 200 tamaiti i le tausaga 8, ia ae toe asiasi atu ua pau i lalo le numera o tamaiti. O lona uiga o se galuega tele le taumafai e faatoatele tamaiti i le itumalo lea, ina ia mafai ai ona lava e see atu i se kolisi pe a fai, ia aemaise ai e manamāia se faleaoga fou, o tulaga ia e ogaoga o lea e silasila i ai le Matagaluega ma le Malo i se taimi e talarfegai.

O le tulaga lea i a tatou o le Gagana Samoa i totonu o le tatou Iunivesite lea foi sa laga e sui usufono. O le faamoemoe o le tatou Iunivesite, e i ai le avānoa i so o se tagata e mafai ai ona ave le Samoan i totonu o le Iunivesite ia ma ia tu mai ia i latou e ave ia faailoga maualuluga i le tatou Iunivesite, ia ua uma ona i ai ni pepa i le Gagana Samoa po o le Samoa ia ma faasolo atu foi i mataupu maualuluga a le Iunivesite i lea foi gagana i tu ma aga a lo tatou atunuu. E le o le faamoemoe ia o le Samoan e mo i latou ia o lo o i fafo i sikolasipi, a o le agaga maualuga lava ia i ai foi nisi e faaauau ae ua i ai le tomāi lea i a tatou lava aganuu.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – lefalafoaiga faaaauu i luga o le faitauga faalua

Ma o le faamoemoe o le Lunivesite, e avatu ai le faafetai i le Lunivesite ona o le faataua o le tatou gagana ma aganuu a Samoa, o lea lava ua tuu faapitoo i ana polokalame e le gata o polokalame i le Foundation, ae faapea foi polokalame i faailoga maualuluga.

O le sui usufono mo Aleipata.....

Tofa Agafilii Patisela Eteuati Tolovaa (Palauli Sisifo): Lau Afioaga i le Fofoga Fetalai.....

FOFOGA FETALAI: Malie lau Afioaga i le Minisita, leaga o lea o le a e see ese ma le mataupu na laga e le sui usufono mamalu.

Tofa Agafilii Patisela Eteuati Tolovaa: Faafetai mo le avanoa, e faafetai tele foi i lau Afioaga i le Minisita mo le faamalamalaina o lea tulaga sa ou laga.

Ona pau lava le manatu na mafua ai ona ou laga ona o lea e faamalalasia pe compulsory i le UPY, ae a oo mai loa i le filifiliga o sikolasipi ua le taulia. O le mea la lea na mafua ai ona ou lagaina aua o Lunivesite i Niu Sila aemaise lava Aukilani ma Vitoria, o lea e aoao ai le gagana Samoa ma aganuu faa-Samoa, a o lea la le taulia i le filifiliga o sikolasipi. Ou te le o mauninoa ia Ausetalia. Ona pau lava lea o le tulaga na ou laga ai. A faapea e le faaagaina i le filifiliga o sikolasipi, o le a le mea e le faa-optional ai mo tamaiti? Ma le faaalalo lava.

FOFOGA FETALAI: Tulai mai lau Afioaga i le Minisita.

Afioga Hon MAGELE MAULIU: A alu se Niu Sila e sikolasipi i Peretania, ailoga e taulia le Maori, ae leaga o tatou lea e sikolasipi o lea e o i fafo. E ave pea le faamuamua i mea e manaomia e pei o le faa-Peretania ma isi mataupu e pei ona masani ai, a o lea e faataua lava i totonu o lo tatou atunuu le Samoan.

Ou te talitonu o lea e i ai le option mo nisi ae le faapea e taulia i le tuu faatasiga o togi i le alu i fafo, a o lea lava e i ai le option, o lea foi e faataua i totonu o lo tatou atunuu.

Lau Afioaga i le Fofoga Fetalai, o faiaoga. O faiaoga i Aleipata ae leaga o lea e le o alaala mai le sui usufono, ae sa ou toe fesili lava po o le a le mataupu lea e manaomia ai faiaoga, ae saunoo mai o le faa-Peretania ma le faa-Saenisi. O lea ua maua mai le lipoti mai le Matagaluega o Aoga, o la e lava le Peretania ma le Igilisi i le aoga lea i Aleipata Itupa i Luga.

O malae taalo lau Afioaga i le Fofoga Fetalai, o lo o ave lava le faamuamua i nuu e le o i ai ni malae taalo, a le o totonu o le afioaga o totonu o aoga. Aua o le tele o aoga e le o i ai ni malae taalo i totonu, ona faasolo atu ai lea i malae na ona toe faalelei.

22 JANUARI 2015

**Tulafono Tau Faaofi o le Faatatauina o Tupe Faaopopo (Nu. 1)
2014/2015 – felafolafolaiga faaanau i luga o le faitauga faalua**

O le tulaga lena o lea e i ai, ae leai se mea tatou te vavevave ai ona e le i taitai se palota. E lelei le tuai ona fai e oo atu i ai o la e manatua ma e le o galo, o lea e faasolo atu e fuafua i le seleni, a o lo o ave lava le faamuamua i nai nuu ia e le o i ai ni o latou malae taalo i le taimi nei.

O le malae taalo lea i Palauli lea sa lauga ai le sui usufono, ou te le jioa i le uso pe na oo i malae ia na ia taua, ae sa ou i ai i le masina o Oketopa i le tausaga lea na tea nei. O lo o manaia lava malae ia e lua, e manaia le malae o le kolisi i Palauli, Vailoa, manaia le malae o le Primary School lea e i Vaitoomuli. Ona pau le mea o lea e faataltali i ai le aoga lena o se faleaoga fou lea na taua, o lea ua jalo iinei i le fesasoani a Iapani.

O le matafaioli a le Matagaluega i mea ia o taaloga, e mafili lava i le mea lea o le physical education. O lo o faapea foi ona i ai mauupu faapena ma le curriculum o mea ia o physical education. O taaloga o lakapi ma isi taaloga uma, o mea ia e faatino lava e le Pule Aoga ma faaoga, e filifili foi e latou po o a taaloga e fia taalo ai. Ona pau lava mea e lua ia e aafia ai le Matagaluega ona o poloketi, o le poloketi lea e igoga o le Fiafia Sport, ae ona pau lava le matafaioli a le Matagaluega o le oo atu faataitai ma taaitia atu ma o atu e toe vaai po o lelei ona fai.

O le isi mea o lo o aafia ai le Matagaluega o taaloga ia o lakapi a tamaiti latilila e i le Under 12. O le faanoemoe foi o lena atinae, e maea ona tuu atu lea i faiaoga ma Pule Aoga latou te galulue ai, a o lo o galulue foi Pule Aoga ma Faalapotopotoga o Taaloga e tai pei o le netipolo o la e o fai a latou polokalame. O le soka, e faapena ona fesasoani atu i ai le Matagaluega, a o le faagaioioga o ia mea o le matafaioli lava lena a Faalapotopotoga o taaloga.

E leai se aia a le Matagaluega i Sosaiete o taaloga aua e tutoatasi lava latou. E faapena foi ona leai se aia a le Matagaluega i le SASNOC, e tutoatasi foi latou. A o le galuega a le Matagaluega o le facilitate lea o le communication i le va o Sosaiete nei ma le Malo. Mo ni fesasoani foi e faamatu atu mai lea taimi i lea taimi, ae e le mafai ona faamalosi e le Malo galuega a Sosaiete taitasi. E faigata foi la ona ou talia se fautuaga e faapea, o le a le mea e le fai ai se isi komiti po o se body pe independent body mo taaloga a Samoa? E le lava galuega, o lea ua ou faamatala atua galuega a le Matagaluega. O tupe alu foi e setup ai le isi body, a o lea lava e i ai a tatou Sosaiete ma le SASNOC, o i latou ia e faataavalea a tatou taaloga.

Afioga Tocolesulusulu Cedric Pose Salesa Schuster: Lau Afioga i le Fofoga Fetala.....

FOFOGA FETALAI: Se i tulai mai le sui usufono mamalu.

Afioga Tocolesulusulu Cedric Pose Salesa Schuster: E faafetai atu lava i lau Afioga i le Fofoga Fetala mo le avanoa, e faafetai atu foi i lau Afioga i le Minisita mo le faamalamalama.

Tulafono Tau Faaofi o le Faatautauina o Tupe Faaopoopo (Nu. 1)
2014/2015 – felafolafolaiga faaaauu i luga o le faitauga faalua

E muamua lau Afioga i le Fofoga Fetalai, e pei foi ona avatu le talosaga i le malae taalo mo le itumalo o lo o i le aoga a Aana Nu.1. Lau Afioga i le Minisita, e talitonu foi ua e silafia, o le tasi lenei o malae na fai mai i le amataga i le taimi na amata ai ona faatulaga malae foi nei faava o Malo, peitai ane e le i maea ona faatino lea galuega. E oo mai i le aso lenei, e le o i ai lava se malae i totonu o le itumalo o Aana e amata atu i Faleasiu e tau i Satapuala e mafai ona fai ai ni taaloga e agavaa mo itumalo nei. O le taimi nei, o le malae foi lea o lo o faaagaina e le aoga e le mafai ona kofeni ai afeleti po o au lakapi po o taaloga a tamaiti ona e tele maa. E pei o le tulaga lea e le o se talosaga na avatu ona o se palota. Lau Afioga i le Minisita, o le taumafai ma le naunau ina ia mafai ona maua se malae e faatino ai taamilosaga o taaloga e le gata o lakapi, soka ma isi taaloga mo lenei itumalo ma e le na o Aana Alofi Nu.3. O le faanaunautiga lea na avatu ai le talosaga. E le tele foi se seleni ou te iloa e mafai ona alu ai aua e le o se malae fou, na o le toe tanuina lava ina ia aua ne i toe i ai ni maa aua a pauu tamaiti pe a tamomoe i taaloga afeleti, e sulu loa leaga uma tuli ma lavevea. E pei o le agaga lea o le talosaga na avatu i le tausaga ua tuanai.

O le tulaga lea i le faamalalamaina o taaloga, o le manatu autu foi lau Afioga, o lea ua e faamalalamaina, o le Ofisa o lo o i ai nei taaloga e fito tonu lava e pei ave le faamamafa i taaloga i totonu o aoga. O lou talitonuga e broad atu sports. O le atiaeina foi o kalapu i totonu o afoaga ma alaalafaga, e ao ona i ai foi se fesoasoani. Aua o le taimi nei o faalapopotoga ia e pei ona e taua i totonu o le SASNOC, ae vagana le Luni Lakapi ma se vaega o le soka lea e mafai ona faalautele atu i le atunuu ona o lo o i ai seleni e faatino ai. O le tele o nisi o taaloga e le mafai ona faaoo atu i tua ona na o aoga lava ia e aooaina ai. E uma loa aoga, o le toatele o tamaiti afeleti ia e tamomoe ma faatino lelei taaloga afeleti i taimi a o i Secondary Schools, e maea loa leai se aspiration po o se mea e faatino ai pea ni taamilosaga e atili atiae ai ma agai ai i luma. E pei o vaega ia e ala ai ona avatu se tuualalo pe mafai ona toe silasila i ai le Matagaluega ina ia mafai ona atinae ai. Ia taatia ese lava le SASNOC i lou manatu e deal ma le vaega lea, a o le development of sports i totonu o Samoa ia move beyond i Primary Schools ma Secondary Schools level, faafetai.

FOFOGA FETALAI: E manatu o lea ua malamalama le saunoaga a le sui usufono. Tulai mai lau Afioga i le Minisita.

Afioga Hon. MAGELE MAUHLU: Ou te masalo e le i maua mai e le sui usufono lau faamatalaga e facilitate e le Matagaluega manaoga ia i le va o kalapu ma le Malo i ni seleni e faaopoopo atu.

Lau Afioga i le Fofoga Fetalai, o le mea lea o lea e vavao ai nei tatou i le toe sui mai le mea tuai sa i ai a tatou aoga. Silasila lau Afioga i le Fofoga Fetalai, e le fou le mea lea. Ou te masalo po o le toatele o i tatou ia sa aoga ma sue i suega a Niu Sila o le School Certificate ma le University Entrance, ae ua alu alu ua le toe faia suega a Niu Sila.

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafolaiga faaauau i luga o le faitauga faalua**

Ua lafo mai ia tatou e fai e tatou a tatou suega. Ou te iloa le le maotonu o le Matagaluega i lena vaitaimi ona o le toa gaogao o le aufaigaluega aua e le faigofie le aveese mai o suega a Niu Sila ae fai e tatou. Ou te talitonu o le mea lea na ala ai ona aapa atu le tatou Matagaluega i fafo atu se i aumai ai se suega mai fafo se i fai ai le mea lea. O lea na tatou asamo ai i le Faalapotopotoga lea aua o le latou pisinisi sa fai, o suega. O lea la na tatou o faatau mai le suega lena, e le i aumai fuaina ae tele tupe na alu ai, se i fai ai le vaitau lea.

Ou te talitonu foi i le faamoemoea i lena taimi e le i manatu le Matagaluega tatou te alu alu ai lava faapea. Aua o le mea lea ua tupu ua omai nei le vaega lea ma a latou suega e ave a tatou pepa i o e togi ai ma toe aumai. E seti e latou pepa ma toe aumai. A oo la ina maka pepa ona taumafai loa lea se i tuutu mai lava togi i totonu o le laina foi lea sa tana e le Sui Fofoga Fetala'i o le medium. O le auga o le mea lena, se i tau faaulelei ai foliga o le logo lea e pei o le logo a le Katoliko lea e ta i le taeao. A vaai atu la ua fufula i le itu lea, se i tulou, fufula i le itu taumatau le tele o togi, o lona uiga e tau mai i ina, e faigofie le suega, ona fetagofi loa lea o latou faaoga le scaling, ua scale mai agai lalo se i tuutu mai lava i le laina lea. Ae afai e fufula agai i le itu taunagavale, ona fai mai lea o latou ua faigata le suega, se i oomi mai la i totonu, ae scale mai le vaega lea i luga. A o le mea la ua tupu i le Numera ma le Science, e toatele tamaiti o lea e i lalo i i, taumafai loa e sili i luga ina ia foliga e manaia results ae oti uma ai nei tamaiti. O le faatataiga, a 24 ou togi i le Numera, na ou fesili i le Matagaluega e aumai se faatataiga, ou fai atu lea, a 24 maka e fia? Ae fai mai le tali, a 24 ou togi i lau raw mark, e na ona scale lava aumai loa 69, 70, 71.

E i i tausaga o ou pulea le Iunivesite. O lou tausaga muamua lava i le 1998 na ou iloa ai le mea lea, e vevesi le Senate o le Iunivesite i le alolofa ua le iloa le mea a fai i le mau tamaiti lea ua le pasi le Numera. Ae manatua foi le Iunivesite e le scale ina ana marks. O tamaiti la ia, lea na tatou vaايا i le tele o tausaga ua fevesiai o latou mafaufau, all of a sudden, ua latou iloa a mea o au e le lelei lau Maths, a o lea sa pasi mai i lalo i i. All of a sudden ua oo i luga i le Foundation, te i lava lea ua faapea, ana ou iloa lava e le avea le Maths, e le pasi. Vevesi loa nai tamaiti, sue le fesosoani ua o totoogi tupe o nai matua nofonofo ae o nai fanau e aooa i isi, faafetai lava i nai isi foi tamaiti sa fai a latou aoga po.

O le isi anoano i Alafua, ae le mafai e le isi anoano aua e le maua ni tupe. Ia ua sunui uma mai nei mea uma i le taimi o le UPY, Foundation, o le taimi e tele ai le galuega toe faapoopo mai ma lenei mea. E oo i nai tamaiti ia na o e totoogi tupe, o le toatele lava e le i maua, aua foi ua fevesiai le mafaufau, na vevesi ma pisi le Senate a le Iunivesite i le faafitauli o le mea lea. Na iu ai lava ina fai le suesuega a le Iunivesite, se i tilotilo mai lava i lalo, amata mai lava i lalo i le Primary School, Year 4, Year 6, study mai lava le core horde lea seia tau mai lava i luga i le Year 13, maua mai le tali, o lea sa faaali ananafi le iuga o lena suesuega, tau lava i lalo i le Primary School, o i lea e i ai le.... faiaoga, ou te le ma e tau atu leaga o au o le faiaoga.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaoaiga faaaauu i luga o le faitauga faalua**

O le faiaoga lelei la e faafogafoga mai, le lui lea. A o le faiaoga sa lafi i mea ia i tausaga e tele, o i latou ia o la e tomumumu. Ae faafetai i le Atua ua aumai le laolao e sui ai mea ia ma toe faafoi i le mea na i ai, seia toe faalelei le taatia mai o le tatou Numerama le Science. A toe tepa i tua le mamalu o le Maota lea, o le taimi tonu lava lea na amata ai ona leaga mai a tatou Science ma le Maths, leai se isi e toe fia alu. O ai se isi a toe fia alu i le Foundation o le Maths ma le Science e faigata? Lea na amata mai ai ona leaga le tatou Science. Saunoa le isi sui usufono ua o ave le Commerce, e faapena. E tau leai nisi i le Foundation Science. O pine faamau ia o lea ou te fai atu ai, tatou toe foi i tua. O nai ou lava togi na maua i lau effort, ia outou malilie, o lena, ae se i tuu mai la le galuega ia matou o faiaoga, aua sa matou lalafi i mea ia, matou te le iloa tonu lava po o ai le faiaoga e tatau ona ave i ai le mea lea.

O lea ua aumai le faaaliali, o le galuega e fai. E le i nofoai le Malo, ua leva ona iloa e le Malo le faafitauli lea, lea na ala ai ona ave le faamuamua i le totogi o faiaoga, lea na ave ai le faamuamua i le toe aotauina o faiaoga. E 60 sikolasipi la e ua i le USP, 2016 ua iu mai pe a manuia uma, le Bachelor of Science. 12 sikolasipi lea na aumai nei lava, o se taimi muamua lea ua aumai ai ni sikolasipi e ave i tamaiti Foundation ma tamaiti maualuluga o le FOE e o ai i fafo. Ua i ai foi fuafuaga faataatitia a le Matagaluega i aoga faaaauu, e le gata ina o e fai tikeri, ae ia i ai aoaoga faaaauu, metotia fou o le aoaoina, o le technology fou. Ia ua uma... o le faalavelave o tatou, ua litaea nai faiaoga ia na i ai o le lelei ia o le Maths. E i ai nai faiaoga matutua na, leaga ua faalitea ae ou te le i manao e litaea. O faiaoga ia na ou manao e aumai e mentor ina le isi vaega lea.

Lau Afioga i le Fofoga Fetalai.....

FOFOGA FETALAI: Malie lau Afioga i le Minisita, se i tuu atu le avanoa i le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaai: Lau Afioga i le Fofoga Fetalai, e pei o mataupu ia sa taoto lava i totonu o le Matagaluega o Aoga, e faateia uma ai tatou. A o le tulaga ia e tatau ona matalatala mea uma i le fofo. O lona uiga o lea mea, e tatau ona toe re-hire uma faiaoga na ua litaea, toe aumai uma e faafaiaoga, e le tatau ona tuufaua i ni tulafono faataatia. O tulafono uma lava e subject i le common sense, le faautautaga tatau. O lea la ua ou taofi ina ua ou faalogologo atu, o le mea lava e tatau ona fai e tatau ona fai, e le tatau ona tuua.

O le tulaga foi i le faiga lea ua ou faalogologo atu nei i ai, e pei e aafia ai foi ma aoga a Ekalesia. O lona uiga, ua tatau foi la i Ekalesia, i fanau a Samoa o lo o aoga ai ona taofi lea mea valea. O le matua faavalevalea o lea mea o le nofo ma tuu i luga maka ina ia faamanaia ai le tulaga o le faiaoga, ae lalafi ai i tua, e leitioa a afaina. O le faiga lea, o se matua faiga le alofa. Ou te ofo i le mafai ona faaaauu po o ai na amata nei mea.

22 IANUARI 2015

**Tulafono Tau Faaofi o le Faatatauina o Type Faaopoopo (Nu. 1)
2014/2015 – felafolafolaiga faaauau i luga o le faitauga faalua**

O lona uiga, o lea ua saunua i le tulafono, e le tatou ona faaogaina na tulafono. E oo loa i mea faapea, faaoga loa le tulafono o le faautautaga tatau, toe aumai uma faiaoga na e toe faafaiaga.

FOFOGA FETALAI: Malie le Minisita, se i tulai mai le sui usufono mo Falcata Sisifo.

Tofa Lealalepule Rimoni Aiafi: Lau Afioega i le Fofoga Fetalai, o le mea lea e matau atu lau Afioega i le Minisita, e pei lava na o le Numera lea ua tui mai e tagata. Mai mataupu uma lava ia na sue i le suega lenei, e pei na o le numera lava lea ua mafua ai:

O le mea la lea e fia malamalama ai lau Afioega i le Fofoga Fetalai, pe aisea lava le tulaga ua oo ai i lea mea, aua e tuua atu le Fono ananafi i le itula e 7.00, ou te valaau atu e sue si ou uso po o fea o i ai, ae fai mai ua moe e le i taina le 6.00 i le afiafi, ua vaivai i faamatalaga ma tusitusiga i le nusipepa. Ou fai atu, “Sau ta taele i le swimming pool a le Monalisa ma ai se ta meai ma e faamasani i ai leaga le mea e manai.” Ona sau lava lea, ota vaai atu i le lotu i le Aso Sa, ua le gata ina tasi ae ua lua lima e sisii i luga, e manao ia lesu i se faaolataga. Ia, ae ua ta alofa la i ai e faamasani, o le mea ua foi mai ai Lealalepule, e le faigofo le mea. O le mea la lena e talosaga atu ai i lau Afioega ua fia maua se malamalamaaga, aua.....

FOFOGA FETALAI: Tulai mai le Palemia.

Susuga Hon Tuliapapa Fatiafofa Lupesolai Aiono Neiotti Saliote Maleiegoi: Lau Afioega i le Fofoga Fetalai, o lea na saunua i ai sui usufono ananafi, a o mea lava nei o le Numera, o le Numera e compulsory, e faamalositia i le tele o ituaiga matata. E moomia e mea nei o tulaga faa-fomai, faa-inisina, faa-taustitusi. Ae a leai loa le Numera, ua le mafai ona faalautele lau filifiliga. Ou te ofo foi i nei mea, o lona uiga ua leva lava ona tauave pei o se... ua take for granted. O lona uiga, ua pei lava o se mea ua masani ai faiaoga. Ae ou te faamalo i le Minisita ma le Ofisa Sili o Pulega o i ai nei ona ua mafai ona latou taofia lea faiga, e ui ua pei ua faailoga ai le tausaga lenei, o se tausaga aupito sili ona pau i togi o tamaiti. O au foi ua teti ina ua faatalanoa ma aumai ai e le media le mea lea. Ae ou te faamalo aua ana le taofia faamalosi e le Minisita ma le Ofisa Sili o Pulega, semeamanu e faaauau ai lava ae ou te le iloa po o fea le tausaga na amata ai nei mea. A o se faiga aupito sili ona faavaalevatea, e atili ai ona faavaalevatea fanau a Samoa. Ou te faafetai ona ua taofi. O le mea lea ou te fautuaina ai lau Afioega i le Minisita se i toe sue uma ane lava faiaoga na, o lea e qualify i le Mathematics, toe rehe hire uma e tusa lava po ua matuuua toe rehe hire uma mai e fofo le faafitauli lea i le taimi lenei.

FOFOGA FETALAI: Malie se i tuu atu le avanoa i le Taitai o le Ihu Agai ona avatu ai lea i lau Afioega i le Sui Fofoga Fetalai.

22 IANUARI 2015

Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua

Afioga Hon Palusalue Faapo II: Lau Afioga i le Fofoga Fetalai, o lea ua saunoo manino le Afioga i le Palemia, ma o le upu moni lava ua aoga mea tutupu e toe silasila i ai lau Afioga i le Minisita. Faamalo, aemaise lava o le Ofisa Sili o Pulega, aua ua leva ona tulai mai tenei faafitauli, ua leva ona tulai mai lena itu, a o lea faatoa tulai mai ina ua e tulai mai lau Afioga i le Minisita ma le Ofisa Sili o Pulega ina ia faasaosao, aemaise o lea ua saunoo manino le Afioga i le Palemia i faiaoga ia, faiaoga ia o la e malolosi lava, aua o faiaoga tuai ia sa tatou aoga mai ai, tama ia e matua... e le tilotilo i totogi, ae tilotilo ina ia manuia tatou ma lelei a tatou aoaoga. Ma ia aumai se Tulafono e toe teuteu ai le Tulafono lea a le PSC ina ia toe re-hire tagata nei e malolosi ona o le faafitauli ua leva ona tulai mai, ua au tausaga, au nofoaiga, ae silasila totoa i ai, o le mea sili ona taua ua tulai mai ina ia mafai ona fai i ai se fofo mo le lumanai o alo ma fanau. Faafetai mo le avanoa.

FOFOGA FETALAI: Malo. O lea ua maua le finagalo o le sui usufono. Tulai mai lau Afioga i le Sui Fofoga Fetalai.

Tofa Agafili Patisela Eteuati Tolovaa: Faafetai mo le avanoa i lau Afioga i le Fofoga Fetalai. O lea ua uma ona silafia e lau Afioga i le Minisita sou lagona i le Matematika, ae faafetai i le Palemia o lea ua saunoo manino i le tulaga lea i faiaoga lea ua faamalolo. Na o lau talosaga i lau Afioga, a oo i le taimi e toe rehire ai faiaoga ia, e a pe a tuu atu i ai ma lota igoa e faalua ai ota totogi aua le campaign lea e lumanai nei. Ma le faaaloalo.

FOFOGA FETALAI: Ia, tulai mai lau Afioga i le Minisita e faaauau le saunoaga.

Afioga Hon MAGELE MAULIU: Malo faafetai i le Afioga i le Palemia ma le Taitai o le Itu Agai, ma sui usufono na fesoasoani mai i le mataupu.

O le tatou lunivesite, o lea ua tulai mai le tatou lunivesite e tali mai i mea ia, o la e ua faamalosi le FOE, ua sii i luga le maualuga o le togi e alu ai le FOE, ma ua fai lelei ana polokalame ina ia tutusa lelei ma faafitauli ia na ou tauina atu. O lea foi ua tafa le finagalo o le Tapaau o le lunivesite lea tatou te faatasi, o lea o le a fetutuunai le Maths, aua ua i ai lava faiga faavae a le lunivesite i le entry point o le Maths. Ae talu ai la o lea ua maualalo, o lea foi o le a fetutuunai le tatou lunivesite, ae le aveesea ai le anoa o galuega a le lunivesite. O le mea lea e avatu ai le faafetai tele i lau susuga i le Tapaau, o le mea lelei lea o le fai o le tatou lunivesite, faafetai, malo pule.

O lea e i ai le matou polokalame lea e faatalanoa nei ma Saina, ua ioe mai Saina i le matou faatalalanoaga, o le a aumai foi ni faiaoga e fesoasoani ae ave foi ni tatou faiaoga i Saina. O lea foi ua amata a matou faatalanoaga ma Initia. Ua ou taua mea ia i te i foi ua fai mai le sui usufono mo Faleata Sisifo o mea a latou. E leai o mea ua leva ona matou mafaufau i ai, aua e saolele lava le saunoaga a le sui usufono mo Faleata Sisifo, o faiaoga nei i aso ia e matautia, o le committed, a o le lava foi o le malamalama.

22 IANUARI 2015

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafoaiga faaauau i luga o le faitauga faalua**

A o le toatele foi o si vaega lea mai Inita, na aumai e le Ekalesia ona uma ae lea ua o atu ia tatou le toatele. Masalo ai sa i ai se polokalame a le Ekalesia na aumai ai nai tagata nei ae o lea ua toe tatala mai le avanoa i faatalatalanoaga, pe maua mai ai se isi fesoasoani i lea itu.

Lau Afioaga i le Fofoga Fetalai, o le fesuaiga o Pule Aoga, so o se suiiga lava e fai e le Matagaluega o Aoga, e fua i luga o sailiiliga ma suesuega e le gata i le faava o Malo i atunuu o le lalolagi, a o le Pasefika foi, the best practices la e fai e isi atunuu ua mafua ai ona maualuga lo latou aaoiina. Ona matou ini maia lea o mea e taua mo Samoa. Tasi lea mea na matou ini maia i le experience a atunuu lea e maualuga lo latou tamaoaiga, e fetufai ma fesoloi faitaoga mai lea taimi i lea taimi. E le tuua se Pule Aoga i totonu o se aoga i se taimi umi, aua foi o le talironuga ua faamautuina foi i sailiiliga i mea nei o Pule Aoga, ono tausaga, fitu tausaga, ua amata ona alu i lalo le graph o le galue, e oo lava i faitaoga lelei ma Pule Aoga lelei, o le feseetai la i se isi siosiomaga fou, e toe faaosofia ai ma faapena ona fiafia aua ne i vave ona musua i le galuega. E ave foi e faitaoga lelei mai aoga o Ia e lelei, e ave i aoga ia e le o lelei ina ia aumai foi i luga lena aoga. O le agaga lena o le fesuai o tatou Pule Aoga ina ia matatitio pea i a latou galuega ma fiafia ae le o le nofo ai lava, nofo ai lava. Aua e i ai le isi aoga na aumai le tusi, faamolemole aua le suia le matou Pule Aoga leaga ua mafana le matou mafutaga ma si a matou Pule. Ona ou tusi lea i ai, o le mafuaaga tonu lava lena o lea e sui ai ua mafana le tou mafutaga. Matou te le mananao e mafana se mafutaga a se Pule ma se Komiti ma se afioaga. Na pau lava le mafutaga matou te manao ia mafanafana, o le mafutaga a le Pule Aoga ma faitaoga ma le tamaititi aoga, na pau lava lena. O metotia la ia o lea matou te ini maia e faaoga ia tatou.

Lau Afioaga i le Fofoga Fetalai, ou te manatu ona pau ia o nai vaega. Ae ou te faatu atu ai i lau fafetai, lau Afioaga i le Tapaau o le Lunivesite le Afioaga ia Professor Lau Asofou, fafetai atu i le SOA i le tamaitai Pule faapea ma le Ofisa Sili o Pulega o le Matagaluega o Aoga. Faamalo le galulue, faamalo le tauatai, ia faamanuia tele le Atua ia te outou i ia outou galuega ona o lo outou alolofa i alo ma fanau a Samoa. Ia manuia le Pono. Soifua.

FOFOGA FETALAI: Malo saunoa i lau Afioaga i le Minisita mo Aoga, Taaloga ma Aganuu. Ou te manatu ua faafogafoga ma le manino le Maota, ua taliga foi e fia faalogologo. E leai se matua e le o tuu mala o latou fofoga i le leito i le taimi lenet o e saunoa ai, leaga foi o le ioimata lea o le tatou atunuu o alo ma fanau. Matou te le faafutaina pe matou te selu atu, ae faamalo o lea ua maua lenet faaftauli ua leva ona tatou o pogisa ai. Ae fafetai i le Atua ua tau le ai o le Matagaluega ma le tulai mai o lau Afioaga i le Minisita aemaise o le Ofisa Sili o Pulega. O lea foi ua e fafetai i le Matagaluega i le afio mai o le Tapaau o le Lunivesite, le SOA aemaise le Pule Sili, ia tatou ave lea i uta, ia maua lo outou soifua manuia aua le tautauina o le atunuu e ala i le Matagaluega o Aoga, Taaloga ma Aganuu. Ia, Dr, Hon Leao Talalelei, lau Afioaga Tuitama, tulai maia o lea ua avanoa le Maota mo le saunoga a lau Afioaga i le Minisita mo le Soifua Maloloina.

Tulafono Tau Faaofi o le Faataauina o Tupe Faaopoopo (Nu. 1)
2014/2015 – felafolafoaiga faaaauu i luga o le faitauga faalua

Afioga Hon TUITAMA TALAILELEI TUITAMA: Ua logo ia Utusegisegi le mauga nai Utumanua, ua papae foi le fogatao a ua taooto tia i paga, ua maualuga le paega o tiasa i Ulupaga, aua le afio o lau Afioga i le Fofoga Fetalai, afio le Afioga i le Palemia ma le Kapeneta, e faapea foi afioga i Minisitā Lagolago. Le afio o le Afioga i le Taitai o le Itu Agai faapea foi sui usufono mamalu o le la Itu o le Maota.

E faapea foi le ee papaao o le tatou Failautusi o le Fono ma lona Ofisa, a o Ofisa Sili o Pulega ma Pule Sili o Matagaluega ma Faalapopotoga o lo o tapuaia faiva o le Palemene aua lona tautuaina i so o se manaoga i le faagasologa o lenei Fonotaga. E fia momoli foi le agaga faafetai i le tapuaiga a le tatou atunuu o lo o tapuai mai i Maota ma laoa i tulimanu e fia o Samoa mai Lana Afioga Mاملu O Le Ao o le Malo seia oo lava i se aupito ititi.

Ae ou te fia faatalofa atu foi i lou itumalo i lana tapuaiga, faafetai mo le tapuaiga i lona tausaga ua tuanai atu. Faafetai foi o lea ua aulia ma le manuia lenei tausaga fou, ma ua amatalia foi galuega a le Palemene i lenei foi tausaga. E talitonu lava e le o atoa ia i lo tatou sa, aua e potō lava tautai ae se le atu i ama. Ae i ai foi le talitonuga o lo o i ai le tofa ma le faautautaga le mamao i tupu ma ee o le tatou itumalo. I o tatou matua faaleagaga faapea foi le aufaigaluega paia a le Atua o lo o faafaleimalu i totonu o lo tatou itumalo i ona tulimanu e fia. I le paia foi i Aiga Satuala, le Aiga o Mavaega ma le Aiga Taulagi, Tauaitu ma le Maugafa, ae faapea le Faletolu ma Fuaifale i lea itu o le vai. Ae faapea foi le tapuaiga i le Aiga Sa Tuala, Aiono ma Leaupepe faapea foi Sua ma Toleafoa, le Falefitu ma le fetalaiga ia te oe le Matua Tauauvea. Ia malo le tapuai, faafetai le faapalepale, o le a lava se mea ua mafai e outou sui o lo o fai ma leo i totonu o le Maota o Samoa, e faamoemoe lava i le fesoasoani mai o le Agaga Paia.

Ae tapuai maia se i liulitu ane foi le alo o le lupe e taumafai e faamalalama nisi o vaega sa fesiligia ai lenei Matagaluega e tusa ma faagasologa o le tatou Fonotaga i le aso i le Tala Faatatau Faaopoopo o le Tupe o lo o tatou vagavagaia nei.

Lau Afioga i le Fofoga Fetalai, e momoli le agaga faafetai i lenei Fonotaga, e tele ni vaega taua o lea sa laga e sui usufono. O moomooa taunuu ma faamoemoe ua tauia i lau faalogologo, e ui ina e le toatele ni sui usufono sa afea lenei Matagaluega i a latou saunoaga i le Tala o le Tupe, a o i latou sa oo so latou faatofalaiga ma le latou faasoa i lenei Matagaluega, e ese le anoa o finagalo faaalua, ma o finagalo taua ma le aoga mo le tapueina o lenei foi auaunaga o lo o faamoemoe i ai le tatou atunuu mo le soifua maloloina.

E toa 10 sui usufono o le Palemene sa afea le matou Matagaluega i a latou saunoaga, e ui lava e leai se Tala o le Tupe o i ai a le matou Matagaluega i totonu o le Tala Faatatau Faaopoopo o le Tupe, ae ona o le naunautai lava o sui usufono mamalu e faaoga le avanoa e lagalaga ai foi i nisi vaega o lo o latou faatauuina i le faatinoga o le auaunaga, ma o le agaga fiafia foi lea i le Matagaluega o le acao mai o manogi mo le lolo. E pei ona ou fai atu i le taimi ua fano, e ese le manaia o finagalo sa faaalua, ae i ai foi ona vaega taua, ma o lea foi o le a ou faasolo atu i ai.

**Tulafono Tau Faaofi o le Faataatinina o Tupe Faaopoopo (Nu. 1)
2014/2015 – felafolafolaiga faaanau i luga o le faitaanga faalua**

O le agaga faafetai, sa ou falogologo i le saunoaga a le sui usufono mo Sagesa le Usoga lea sa taua ai le tulaga lea i le ava malosi. Mo le silafia, o le manatia ia o lau faalogo i le finagalo lea na laga ona o le agaga tonu lava lea o lea o lo o agai nei i ai le soifua maloloina i le lalolagi. E pei ona silafia, o le tausaga 2011 ia Setema lea na ave ai le mataupu lenei i le Fonotaga a Faalapotopoto o le lalolagi po o le United Nations i New York, sa ave ai e lo tatou Taitai le lagolago a Samoa i le taumafaiga o le faitititia po o le tuuifititia o aafaiaga o le soifua maloloina ua mafua ona o le fesuaiaiga o le olaga, po o non-communicable diseases due to changes in the life time. Ma o le faaluga o lena fonotaga i New York i le 2011, o lea na tuuina mai ai le pepa e taua o le United National Political Declaration on NCDs. Mai la i lena taimi ua tele taumafaiga a atunuu uma o le lalolagi e faatino lena faanoemoe, talu ai, o le taitonuga a le soifua maloloina le lalolagi, e fitu e tuitui, e fitu e tauologologo. O a uma metotia e faaaoaga, e tasi lava le auupega e aupito i sili ona malosi, o le political will. O lea la e pei ona ou taua foi i totonu o le Maota lenei i fatia ua sola, o le auupega aupito i sili lea ona malosi e faatino ai se fuafuaga faigata, pe a i ai faatasi ma le political will po o le agaga o le galulue faatasi o sui usufono o le Palemene ma le atunuu i le tauaveina o tute faitele ia ma le tatou tute fai faatasi lea, o le soifua maloloina.

E pei la ona silafia, o lea o le a ou agai atu loa i le mafuaga ua ala ai ona ou foi i tua e ao le vaega lea ona e i ai lona taua i le fesili lea sa fesili ai le Afloga i le sui usufono e pei ona ou taua. Afai o le fesili lea, afai o lea e alu le faasalalauga a le soifua maloloina e taofia ma faasaina le tapan, ma o lea ua i ai le Tulafono e faasa ai le tapan, ae aisea ua faataga ai pea le faasalalauga e kamupani o lo o faatauina atu le ava malosi, ae le fai i ai se fuafuaga e pei ona fai i le tapan?

Silasila ia i le agaga, o le ala tonu lava lea na mafua ai ona faatu le SPAGHL i totonu o le Palemene, ona o le tauaveina o le agaga lea o le Political Will lea. O le SPAGHL lea e taua nei e tatou o le Samoa Parliamentary Advocacy Group on Healthy Living lea ua faapupu o le SPAGHL. O lea e i ai Ministia, e i ai foi sui usufono o lena Iru ma sui usufono o lenei Iru. Ma o le taua lena o le feau lea e ave, o le taumafaiga foi lea sa i ai i le tele o atunuu i le taimi nei, ua tauave le tauloto ina ia i ai le soifua maloloina i so o se fuafuaga faataatia a Matagaluega esese po o le healthy in all policies. O lona uiga o iinei i le Maota nei e mafai ai ona silasila i Tulafono esese po o fea lava le auale e ulufale mai ai i totonu o le Palemene, po o ai le Matagaluega e ulufale mai ai, ia silasila i aafaga o i ai i totonu o lena tulafono e ono aafia ai le soifua maloloina.

O le faafetai la i le sui usufono lea, aua manatua foi o aonoga lea o lo o fai nei e le soifua maloloina, o lo o faafagogo tagiao i le faafogafoga a le tatou atunuu faapea foi lenei Maota, ia o risk factors. O lea la e i ai ma le alcohol o le risk factors, lea ua faapupuina mo le faigofoe ona manatua e so o se tasi i upu faa-Peretania, ma ua faapupuina o le SNAD, S N A D. O le S o le Smoking, e tasi lea risk factor o le NCD.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaiga faaauau i luga o le faitauga faalua**

O le ula tapaa o le ala lea....ma o le a ou tau atu mulimuli le auala o lea e taulamua ai le soifua maloloina i le tapaa, ae le taulamua i le alcohol. O le N o le Nutrition, o lona uiga o lea e ala ai ona pese pea le soifua maloloina e faaitiitia le carbon hydrates, faaitiitia le mea tausami lololo lea na iu ina faasa ai ma le siusiu pipi ona o le talitonuga lea ma le taumafaiga e faaitiitia taumafa lololo e taumamafa ai le atunuu. O le A o le Alcohol, o lea la e sau tonu ai lava le sui usufono lea i le aumaiga o le alcohol po o le ava malosi, ia ma le D o le Physical Exercise ia tatou pepese ma lagi pea, o lea ua amata ua oo foi, sa faafetai le isi sui usufono i mea o faamalositino lea e fai nei i le TV, o le isi lena taumafaiga ina ia faaatoatoa ona faaitiitia risk factors ia, po o tulaga matautia ia e lamatia ai le soifua ma e mafua ai ona pagatia lo tatou atunuu i le NCD.

Mo le silafia, ou te talitonu e leai se isi e le talitonu i lau tala lea pe a fai atu. Ua faasolo ina tino puta lo tatou atunuu. I le survey na fai i le 2013 ua iloa ai i ina ua laalaa le tatou numera i le 80% o i latou ua tino puputa, ma o lea ua tatou vaai nei i le isi taumafaiga lea e fai mai nei i le TV o lea e fai le Big Looser, o taumafaiga ai le faaitaiga e tau atu ai le message i le tatou atunuu, ia faaitiitia le tino puta, aua o mafuaaga a o mafuaaga ia.

Ia se i ou agai loa i le tali o le fesili a lau uo na tuuina mai, pe aisea ua le faasa ai ma le alcohol, ae ua faasa na o le tapaa. E pei lava ona ou taumafai e faamalalama atu muamua, o le tapaa o lo o faalauiloaina i le TV, feitia ma nusipepa e tusa ma le Tulafono o le Tapaa po o le Tobacco Control Act 2008, faatasi ai ma ona Tulafono Faatonutonu po o le Tobacco Control Regulations 2013. O ia Tulafono o lo o i lalo o le vaaiga a le Matagaluega o le Soifua Maloloina e tusa ma lona usitaia, e faapea foi ma lona faatinoina.

O le Tulafono o lo o pulea ai le ava malosi i le taimi nei, o le Tulafono lea o le Ava Malosi 2011 po o le Liquor Act, ma o lo o i lalo o le vaaiga a le Matagaluega o Tupe Maua po o le Inland Revenue. O le Komiti Faatonu o le Ava Malosi po o le Liquor Board i lalo o le pulega a le Matagaluega o le Inland Revenue po o Tupe Maua, o lo o latou vaaia tulaga uma tau i le ava malosi i le aofia ai o le lesitalaina ma le laiseneina o nofoaga uma o lo o faatau atu ai le ava malosi, e i ai fale kalapu, faleoloa ia ma tulaga uma faapena. O lona lua, latou te vaaia foi tausaga faatupulaaina o le matua o i latou e mafai ona faatau atu i ai le ava malosi, o le tausaga faatupulaaina lea e i ai nei o le 21 tausaga.

Ma lona tolu, latou te vaaia foi le faatauina atu ma le taumafaina o le ava malosi faatasi ai ma solitulafono ma faasalaga mo i latou e le usitaia le Tulafono. Mo le silafia o le Liquor Board po o le Komiti Faatonu lea o lo o vaaia le ava malosi, o lo o i ai le Ofisa Sili o le Soifua Maloloina po o le Director General po o le CEO o le Ministry of Health, e aveva ma sui o lena tino po o le Liquor Board o lo o faafoeina ia tulaga tau ava malosi. O le taimi nei, o lo o faagasolo le toe iloiloina o Tulafono a Samoa e le tatou Samoa Law Reform.

22 IANUARI 2015

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faitauga faalua**

Mo le ava malosi lava ia o le tasi lea vaega taua o lo o titoilo i ai o le faasaina lea o le toe faalauiloa o le ava malosi e pei ona i ai le tapaa, ona o tulaga ogaoga o ona aafitaga i le soifua maloloina o o tatou tagata. E le o mapu foi le tufiti pea o le Matagaluega a le Soifua Maloloina e ala atu i lona sui o lo o i totonu o le Komiti Fatonu po o le Liquor Board, faatasi ai foi ma nusipepa ma tusitusiga o lo o tuuina atu i le Komisi o le Toe Iloiloga o Tulafono po o le Samoa Law Reform Commission.

Ua maea foi ona tapena e le Matagaluega se ata faataitai po o se draft copy o se faiga faavae mo le ava malosi po o le Alcohol Policy, ma o lo o faatalia nei lona faatalatanoga.

E lagona ai le agaga faafetai o le Matagaluega o le Soifua Maloloina i le lagolago malosi ma le faifaipea a sui usufono mamalu o le Palemene i ana taumafataga e faalauiloa atu ai le tuga ma le ogaoga o le ava malosi, a o talia se faaiuga a le Komisi o le Toe Iloiloga o Tulafono e tusa ai ma le faasaina ona toe faasalalauina ma faatosina faalauaitete le ava malosi, e pei ona faia foi i le tapaa. E i ai le talitonuga o le Matagaluega, a maea ana taumafataga o lo o faagasolo i le taimi nei, o le a fesosocani tele lea i tagata o lo tatou atunuu latou te faia ai faaiuga talafetagai mo lo latou lava soifua maloloina. O le ala lea le mamalu e lau Afioega i le Fofoga Fetala'i ma le mamalu o lenei Fonotaga, o le taua o le fesili lea ma le mataupu lea na laga e le sui usufono mo Sagaga le Usoga. E momoli atu ai le faafetai tele i le uso lea mo le faafesili.

Ona ou oo mai lea lau Afioega i le Fofoga Fetala'i.....

Tofa Lealalepule Rimoni Aiafi: Lau Afioega i le Fofoga Fetala'i.

FOFOGA FETALAI: Malie lau Afioega i le Minisita, se i tuu atu le avanoa i le faauilavea a le sui usufono mamalu.

Tofa Lealalepule Rimoni Aiafi: E le natia i le Maota lenei ma le faafofogaaga le tele o auata ua saunia e le Matagaluega e tau faafetai ai le faafitauli lenei o faamai e le pipisi, o lea ua matura pologa ai tatou. Ua ova ma le 20 tausaga talu ai, a o le mea maunua lau Afioega o lea e faatupulatia lava le gasegase e le o alu i lalo. I lou la talitonuga po o sao le approach po o le auata lea e faatino ai le feau.

O lea na e saunua mai nei lau Afioega i le SNAP po o le a ea, ona faatua faalogo lava lea o lou nei sui usufono ma le matou vaega i lea upu. O lona uiga atai matou te le o malamalama ma iloa, e le o mafai foi ona iloa e le lautele o tagata. O le upu foi o le SNAP, e le o se upu e tosinia ai lou lotu pe a faalogo i ai. O le a le mea e le feui'ai ai, faigoa po o le NAPS po o le PANS? O upu na a e tau mai ona alu atu loa lea o lou mafaufau i ai. O le uiga o lau faatalaga lau Afioega, e tai pea la o le mea fou lea ua faatino mai nei o le exercise i le televise.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafalafaiga faaauau i luga o le faitaanga faalua**

E moni faatoa faatino ae ese le toatele o tagata ua tosinia i ai mafaufau, ma le kukaina o meaa. O lea ou te fai atu i lau Afioga, faatoa iloa lava ua tele le feau na tatou aveia ina ua fai le tatou group o le SPAGHAL, tatou te o ai i tua i aoga ma afioaga e ave i ai le feau. O lau fesoasoani i lau Afioga aua o lea e te saunoa mai i le tele o mai ma lauga mai ai i aso uma, a o lea lava ua tatou oo i le SNAP ma o lea lava e faatupulaia le faafitauli. Ma le faaaloalo lava.

FOFOGA FETALAI: Tulai mai lau Afioga i le Minisita.

Afioga Hon TUITAMA TALALELEI TUITAMA: Ou te iloa tasi lea sui usufono e pei o le timu e pau i le papatua o le pato.

O taimi ou te lauga ai i le Maota lenei ma faalauaitele atu mea ia, o le tasi foi lea sui usufono e le o aoga i ai faamatalaga ia e fai atu aua e le o alu e talai atu i lona itumalo. Vaai o lea e leiloa le SNAP ae na ou lauga ai foi i le SNAP i totonu o le Maota lenei i le Fonotaga talu ai? Alu e vaavaai i le Hansard ona e talitonu ai lea, ae ua lava lea e le maumau ai se taimi i ia fesili faavalevalea.

Tofa Lealailepule Rimoni Aiafi: Ou te alofa i le sui usufono aua a ou talai le mea ma faalauiloa, e le uma se vaiaso ua iloa uma e Samoa ma pepese ai. Aua foi how comes le approach po o sao? Aua o le SNAP, pau lava le mea e faaoga ai le SNAP o faipelega ma mea faapena, ae e le iloa foi aua e le i fusu.

O lea ou te talanoa atu ou te fesoasoani i lana pitolaau, ma te galulue faatasi aua o le faatupulaia o le tupe alu i le mea lenei, o lea e te silafia ae o lo o siisti pea i luga le faamai. Ou te le iloa foi pe ua gasegase ma le Afioga i le Minisita.

FOFOGA FETALAI: Tulai maia e faaiu mai le saunoaga lau Afioga i le Minisita.

Afioga Hon TUITAMA TALALELEI TUITAMA: Lau Afioga i le Fofoga Fetalai, masalo o le SNAP lea e manao ai le sui usufono lea, o le snap foi lea e gagau.

Lau Afioga i le Fofoga Fetalai, e i ai le isi mataupu taua lea na laga i totonu o le Maota mai le sui mamalu o Aana Alofi Nu 3. O lea sa ia taua le tulaga lea i le Broadband ma le faaogaina o le Broadband. Ua faafetai foi i le lipoti lea aua o le talitonuga lea i le taimi lenei, o le Health lava na muamua faaogaina le Broadband ina ua maea. O lea na fai ai le feagaiga a le Health ma le Broadband e avatu i uta. O la e faatu i tafatafa o le Kidney Foundation ona o le agaga ma le talitonuga, e tele lona aoga i le Soifua Maloioina. O le taumafaiga la lea e achieve le connectivity o le falemai, ae ua faateia la au i le fesili lea a le Afioga i le sui usufono, a o lea ou te faafetai ai aua o le aso nei e pei ona ou taua i le taimi ua fano, o le Aso Faraille lea na ou taamilo ai i Savaii ma le Aso Gafua lea na ou taamilo ai i Upolu, o lea e down ai le system lea.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafolaiga faaauau i luga o le faifauga faalua**

Mo le silafia, e lua vaega o le Broadband lea e faaoga, o le cable lea e faaoga e Apia ma le talafatai i Apia, a o tua la e ese le system la e faaoga ai, o le wireless connection ma e faaoga ai masini. O lea e mount i luga o towers foi ia a le Digicel.

O Tesema la o le tausaga na tea nei, na pe ai le power ma afaina uma ai masini nei e i luga o pou a le Digicel. A o le tulaga la ua umi ai nei le lipa lea, ua le mafai nei ona lipa masini na ona e tatau ona aumai se faatagaga mai le Digicel e o ai e faalelei masini na e i luga. O lo o fai nei la feutanaiga a le MCIT ma le Digicel i le tulaga lena, ona foia ai lea o le faafitauli lea, a o lea ua i ai nei le system lea e faaoga e fesootai ai le falemai ma o i Tuasivi. E ogatasi foi la le agaga lea ma... o le isi foi lea mea e logologo atu pea, o le tatou galuega e fai faatasi aua e talitonu lava a maua loa se information faapena, pe i ai se faafitauli faapena e fetatai ai, ona vave logo loa lea o taitai o le Matagaluega, pe logo mai foi au e talatalanoa mai po o ai lava o i luga o le Pulega a le Soifua Maloloina, ina ia vave ona foia faafitauli faapena.

Ou te le iloa foi e au ana ou le taamilo nei ou te le maua le tulaga lea na laga e le Afioiga i le uso a sui usufono. E aiga faatasi foi la le vaega lea ma le mataupu sa laga e le sui usufono mo Sagaga le Falefa i le tulaga lea sa saunoa ai i le fesootaiga foi lea e mafai ai ona so o se isi e access i le information a le gasegase i Apia. O lea la ua uma ona tofia e le Kapereta le Komiti e tilotilo i le tulaga lea i le faaogaina o le connectivity lea, e mafai ai ona improve le health system a le falemai. O le health system sa i ai a le falemai, o le system tuai. Ua oo mai i le taimi nei, ua le o toe faaogaina ona e le i atoatoa lona faiga. Na amata mai i le 1999, na tau amata ai foi la ia matou a o private doctors po o le general practitioners na tufa i ai mea o computers ma le faanoemoe e mafai ai ona fesootai foma'i tumacti ma le falemai, e maua mai ai information o gasegase e o atu ia latou. Aua o isi mai e fai le latou taamilosaga. A alu i le isi foma'i e le malie, alu i le isi foma'i, alu i le isi foma'i, pe toatolu pe toafa foma'i, ai seliloga lava e vaai atu o fualaau lava ia e tasi o lea e tusi mai e foma'i uma ia, ona faatoa talitonu loa lea i se mea faapena.

Peitai, a i ai se facility faapea e mafai ai ona access uma foma'i i le information o le mai; pe na tui o latou toto, o ai le foma'i na vaia ananafi, o a ni fualaau na tusi i ai, o a ni suesuega ua uma ona fai, pe na tui le toto pe na fai le faata pe na alu e vaai le fale fa'nifo pe na alu i le physio pe sa vaai le mata, e maua uma lava i totomu o le... Na ona oomi lava o le button lea e pei ona saunoa i ai le Afioiga i le sui usufono mo Sagaga le Falefa, ae sau uma ai lava ona lelei ai foi lea o le va'iga o lena gasegase, e le toe soona tusia ai ni fualaau ma o le a mafai foi ona galulue faatasi ai ma isi foma'i.

A o le agaga moni lea na saunoa i ai le sui usufono mo Aana Alofi Nu.3, ona o le tulaga foi lea e mafai ona... E pei lava la o lea na faatino ae le i faia i le tolu masina e le o faaogaina. A i ai se gasegase i so o se falemai i tua e mafai pe 24 itula ua maua atu le fesosasoani i Apia, aua na ona fesootai mai lava i Apia.

**Tulafono Tau Faaofi o le Faatatauina o Tupe Faaopoopo (Nu. 1)
2014/2015 – felafolafoaiga faaauau i luga o le faitauga faalua**

O ai le fomai ia e tiute ia mafai ona faamatala mai ai uiga o le mai ma mea uma faapena, ma tau atu foi i ai le fesoasoani a le fomai i mea e tatau ona fai ma le tulaga i laasaga e mafai pe ave loa i Tuasivi, pe fai le IV po o a togafitiga talafeagai mo lena taimi. O le agaga lena o lea e taumafai i ai ina ia lelei le fesootaiga.

Ma o le tali foi la lena o le isi fesili lea na aumai e le Sui Fofoga Fetalai po o afea e maua ai so latou fomai. O le mataupu lea e le o se mataupu fou, o le mataupu ua leva. Na saunoo ai foi le Afioga i le Palemia, o lea ou te manatua lelei lava le vaitau na saunoo ai foi le Afioga... na ou fesiligia foi le tulaga lea i fomai i tua, ae tele lava ni faamatalaga sa fai ma e tele foi ni suesuega na fai ona o le agaga lea ina ia faaoga fomai, nai lo le nofomau o se fomai i se falemai i tua, pe na o le taeao e o atu ai mai, pe fia ni mai pe sefulu pe luasefulu, maea loa i le aso atoa. E leai se mea e fai pe a leai lava se mai i lena aso atoa ma o le a maumau atoa le taimi o le fomai. Ae peitai, o le taumafaiga la lea a le Malo ia faaleleia auala o fesootaiga ma ia mafai uma e tagata ona taunuu i se falemai lata atu i se taimi puupuu o lo o i ai le fesoasoani a le fomai, o le ala lea. Ae ona o le tau faasoaina o le aufaigaluega, ae a oo mai se taimi o lea ua latalata le taimi e amata atu i le tausaga fou ua amata ona qualify mai a tatou fomai e 40 lea e aotauina nei i le Faculty of Medicine i le tatou lunivesite, faapena foi pe tusa ma le 60 teine tausii soifua lea o le a folifoli maea mai a latou aoga, ona faatupulaia lea o le aufaigaluega, ona mafai foi lea ona fetuunai fuafuaga e faatino ai se fuafuaga faapea pe afai ua talafeagai.

Lau Afioga i le Fofoga Fetalai, o nai mataupu ia sa laga i totonu o le Maota, ae le atoa lava se tali i so o se mataupu laga, ae i ai lava le talitonuga ua mafai ona faamalalamaina nisi o itu sa pogisa ai le mamalu o le Maota.

FOFOGA FETALAI: Malie lau Afioga i le Minisita toe tasi lava le....
Tulai mai le sui usufono mo Faleata Sisifo.

Tofa Lealailepule Rimoni Aiafi: Lau Afioga i le Fofoga Fetalai, o le fesili mulimuli faamolemole ona o lea ua maea. O le mea o le CT Scan lea na festiligia po o fea ua oo i ai aua o lea e faapea e oo mai ia Tesema, a o lea ua Ianuari.

FOFOGA FETALAI: Ia, faaiu maia le saunoaga.

Afioga Hon. TUITAMA TALALELEI TUITAMA: Ia, o upu lava na fai, o Ianuari e taunuu mai ai. O lea e sao lelei lava le sui usufono e le alo i le ata o le laau. Ae peitai, o le tupe sa faaagaaga mo le CT Scan, e tusa e \$1miliona. Ae peitai ane, ina ua fai tauofoga, na aumai le tau o le tauofoga malo e \$2miliona le tau o le CT Scan. O lea ia, o lo o talia... o lea ua faagasolo gaioiga a kamupani ia ua ave i ai ma le faamoemoe, o lea e le i uma Ianuari.

22 IANUARI 2015

**Tulafono Tau Faafiti o le Faatatauina o Tupe Faapoopo (Nu. 1)
2014/2015 – felafolafolaga faaanau i luga o le faitauga faalua**

A o lea ua e fesili mai, a o le isi toa lena ma o lea e i le faamoomoe, talosia ia oo atu i le faituga o Ianuari ua maua atoa le seleni lea e manaomia mo le CT Scan, a o lea ua faagasolo ua i ai le kamupani lea ua oka ai mea faapena. Ia onosai mai.

Tofa Lealalepule Rimoni Aiafi: Lau Afioaga i le Fofoga Fetalai, ou te le finauina le Afioaga i le Minisita. Ua iloa foi o a tatou lauga a saunoa loa le Minisita mo le Soifua Maloloina, tatou te faalogologo uma i le matagofie.

O Tesema lava lea na ou faalogologo o folafola e le toaina. Ae ui i lea lau Afioaga, po o le a lava le tau o le masini lenei pe fia miliona, e tatau lava ona ave le faamumama i ai aua o lea lava e ave a tatou gasegase i Tutuila, a o lea foi e ave i a tatou tupe ma tulaga faapena, ae e taua tele lea vaega lau Afioaga e faatogaina ai lou falemai fou ma le tele ua maea ona fai.
Ma le faaloalo lava.

FOFOGA FETALAI: Malo faafetai. Ia, e momoti atu le faafetai tele i lau Afioaga i le Minisita mo le Soifua Maloloina. E manatu foi ua o se toa ma lau Afioaga ma le Matagaluega e taumafai mai. E le o se galuega faigofofe le feagai ai o lau Afioaga ma le tausiga ma le puipuga o le saogalemu aemaise o le togafitia o gasegase i so o se auata, e le gata i gasegase e masani ai, a o faalavelave tutupu faafuasei. E momoti atu le agaga faafetai i lau Afioaga i le Minisita ma le Matagaluega. E faafetai foi i le lagolago a le Matagaluega i ona vaega esese, ua matauina lava le tele ma le anoanai o a tatou polokalame faalauloia. Ia sagai ane ai o le tai i le tatou galuega ma le tatou Matagaluega i lenei tausaga. E faaanau pea le tatou Faalapotopotoga o le SPAGHL, o lo o faataatia le tatou polokalame mo lenei tausaga ma le faatalitali atu i le Ofisa Sili o Pulega ma le Matagaluega o Aogya, o lo o talia pea nisi o mataupu tuua e pei ona i ai le faaaliga a le paita ma le mamalu o le tatou Komiti Faapitoa. A o le galuega ia ua uma ona faataatia le alafua mo lenei tausaga fou. E faamalo atu le onosai:
Ia, tulai maia lau Afioaga i le Minisita mo Faatoaga ma Faigafaiva, lau Afioaga i le Tama Matua, o lea ua avanoa le Maota mo le saunoga.

Afioaga Hon LE MAMEA ROPATI: Faafetai i lau Afioaga i le Fofoga Fetalai.

Ou te faatalofa atu i le paita o le tapuaiga a le atunuu, ae tainane foi le aufailoiu. E faatalofa atu foi i le aufaifaatoaga ma le aufaifaiva. O le a ou le toe oo atu lava i paita ma ou te le toe assaina le filifili o le vaasa aua o paita o Samoa ua taoto a o se alaoo, ma e leai lava se isi e mafai ona faapoopo pe toese se paita e tasi o lo tatou atunuu.

Ou te tulai atu i le ava ma le faaloalo i lau Afioaga i le Fofoga Fetalai ae tainane le paita o lenei Maota i le afio o lau Afioaga i le Palemia ma le Kapeneta ma Minisita Lagolago, ae tainane foi lau Afioaga i le Taitai o le Itu Agai ma Afioaga uma i sui usufono o la outou Itu.

22 IANUARI 2015

Tulafono Tau Faaofi o le Faatautaina o Tupe Faaopoopo (Nu. 1) 2014/2015 – felafolafoga faaauau i luga o le faitauga faalua

E talitonu foi o lo o tatou mafuta ma Ofisa Sili o Pulega ma Pule Sili o Matagalua ma Faalapotopotoga a le Malo, aemaise o le mamalu i le Ofisa nei i le Susuga i le Failautusi ma le aufaigalua.

E molimoli atu foi sina manatu e uiga i lenei Matagalua i lenei itula o le afiafi. Ou te momoli atu le faafetai tele i le paia sa tului ma saunooa i lenei Matagalua. I lau faitau atu i ai, e tusa e ese lenei Fonu. E tusa e 99.8% na o le faafetai lava i le Matagalua nei. E momoli atu ai le faafetai tele i lo outou paia, ma o se ai foi lea o le Matagalua nei, e le o au a o le Faatonusili ma e o lo o galulue. O i latou tonu lava ia e tatau ona ave i ai le faafetai – ua faamalo faafetai.

Na ona fia fai atu lava o sina upu puupuu i le tulaga i le amataga mai o le Paeaiga lenei 2011 seia oo mai i le tausaga mulimuli lenei, ona o lo o faataatia mai ai le plan e faatino ai le taitaiga o lenei Matagalua ma fuafuaga mo le agai i luma po o le Agriculture Sector Plan, ma o le Strategic ua uma ona faataatia.

E, tolu lava mea taua, o le mea muamua ia lava mea taumafa ma lelei ma healthy, food security.

O lona lua, ia lava ma faatuputupulaia fua o faaeleeleaga aemaise foi le sami i ia ma tulaga faapena, e mafai ona export atu i fafo, e faatele ai se contribution a le Matagalua i le GDP.

O lona tolu, ia avea foi mea gaosia i totonu o le tatou atunuu aemaise i fua o faatoaga, ina ia suia ai meataumafa ia e aumai i fafo po o le import substitution.

O mea taua na e tolu ia taumafai e fai ni auala ina ia faalelei ai. O le tulaga muamua lea ina ia lava taumafa, o lea lava sa outou silasila foi i ai, e pei o le tulaga lena na toe faatulaga ai le polokalame lea o le Agriculture Sector Plan, aua e taua atu le vaai i lo le aumai o se tusi lapoa lava e faitau, e tulemoe ae e te le malamalama ai. E taua atu la lou vaai ma talatalanoa le isi faifaatoaga i le isi faifaatoaga ma vaavaai i ana metotia ma faaali atu i le isi. E sili atu lena e motivate ai isi aufaifaatoaga.

O le anavatau a le Matagalua o lo o taulogologo atu i le aufaifaatoaga, o e lava e lulu ma loimata, e selesele foi ma le fiafia. O la e faafofoga mai le aufaifaatoaga, o le anavatau lena e faamanatu i ai i tausaga uma i Agriculture Show. O le mea lea e tulai mai it seems to be working, o lea ua vaai atu ua aoga le tulai mai o mea ia. Aua e le o toe po se lilo i lenei lava Matagalua ua leva foi ona i le Palemene, o le toatele lava e complain i le Matagalua lenei. O isi lava e lauga ma faapea, se tapuni ia lena Matagalua ae fai se isi faiga.

O ituaiga saunooa na sa i ai i na vaitaimi, ae ua lagona le fiafia ina ua ese le mea lea ua tulai mai. I le first thing lea e i lalo iinei, o le food security. O lea ua uma ona saunooa atu le Palemia ma fai atu ai foi se manatu. O le tausaga 2013 o lea ua achieve ai e tatou le tulaga lea i le United Nations po o le FAO United Nations le eradication of Poverty and Hunger, ia lava meataumafa a tagata o se atunuu, lea na maua ai le award a Samoa. O se tulaga faafetai lena ma o le tulaga lena tatou te fiafia uma i ai.

**Tulafono Tau Faaoifi o le Faatatauina o Type Faapopopo (Nu. 1)
2014/2015 – felafolafoaiga faaunau i luga o le faitaunga faalua**

O le tulaga la lea ua agai i ai le Matagaluega, ia amata loa ona export pe alu a tatou faaeleleaga i fafo. E le gata i faaeleleaga a o lea foi ua taumafai i mea faapena. O le agaga lava ia faatele pea fua o faaeleleaga aua le fofoga taumafa. Aua e leai se aoga e maua ai le award lea i le tausaga nei, ae oo atu i lea tausaga ua toe foi lava i le mea e tasi. O le mea foi lena sa ou le fiafia ai lava i le tele o nisi o saunooaga ma manatu sa faali i luga o televise ma nusipepa ma fai mai, o lea ua pala le talo, ua tele talo ua leiloa le mea o le a fai i ai. O fea ni maketi e ave i ai talo? O le a la le mea lea ua outou silasila atu i ai i le taimi lenei? O lea ua toe amata ona tele talo lea ua alu i fafo.

Na ou matua masii lava i fafo e matua sue mai ni a tatou maketi, a o le mea lava lena na taumafai atu i ai ia tele mai pea le talo aua o le mea lea e masani ona maua ai tatou, na o le faoso lava o maketi toe alu i lalo ona e le lava le supply. Aua o le vaega la e i fafo, e le mananao e maua mo na o le taimi nei po o sina vai taimi na o ni nai masina ona toe tuu lea, ae mananao ia alu atu i taimi uma ia aua ne i alu alu nofo.

Aua o le mea tonu lava lena o lea ua lavea ai Fiti. O le mea moni lava lea ua i ai nei, ua tatou take over ina le maketi o le talo. O le mea sa faigata ai ia tatou ona o lea sa tatou lavea i le taro leaf blight lea sa lau samasama ai lau o talo. O le mea la lea ua faigata, e ui lava ua toe taumafai mai isi varieties ia, ae ua faigata le taumafai e ave i fafo leaga o la e fai mai le vaega la e i Amerika, Ausetalia ma Niu Sila, leaga o lea sa lavea Samoa i le faamai talo ina ne i te i ua tatou mamai ai pe pisia ai nisi laau.

O le matua faigata lava o le mea sa faagai ma le Matagaluega aemaise o le aufaifaatoaga. A o lea ua alu ai alu ai lava, ua maua a tatou varieties pe valu ea pe iva, ae ua narrow down lava i le lua.

O le talo tasi ma le talo lua, ia concentrate i ai le aufaifaatoaga e toto talo ia, ae toto pea ma isi varieties aua e aoga i le fofoga taumafa o le atunuu. A o le lua lava lea ia toaga e toto aua o talo ia o la ua compete ma talo a Fiti.

Sa matou iloa lava le mea o le a oo i ai Fiti aua e tasi lava si tamai motu sa toto ai talo, ae ou te ofo foi i ia elelele aua e le pei o tatou a uma ona fai le toaga i i ona faamalolo lea o le elelele ae see atu i le isi itu, a o le mea lea sa lavea ai Fiti, na iu lava ia faaoga fertilizers e tau bring up ai, ae ua le fetani lava. O le mea la lea ua i ai nei, o taimi uma ma vaiaso uma ua alu lava a tatou container talo i fafo. Ia talosia ia aua ne i faavaivai a tatou faifaatoaga, ae unuai le mea lea ma alu ai lava faapea aua o lea foi ua vaavai i le frozen taro. O le tulaga lena ma o lea foi ua mananao mai i ufi, taamu ma isi mea faapena. Ou te talitonu lava la o le a feoololo le sao o le Matagaluega. Masalo o lea na amata mai i le tausaga lea na tea nei ma le tausaga lenei, o le a alu alu ai lava faapea ma unuai lava a tatou aufaifaatoaga e toto talo. Ou te iloa o lea lava o le a lelei le tatou tulaga lea.

O mea tau export, na o le talo lea ua i ai, a o lea foi ou te taumafai i le tatou ia. O lea foi na saunooa le Afioaga i le Palemia i le falei'a lea o le Bumble Bee, ia talosia ia materialize.

22 IANUARI 2015

Tulafono Tau Faaofi o le Faatatauina o Tupe Faaopopo (Nu. 1)
2014/2015 – felafolaloaiga faaaauu i luga o le faitauga faalua

Sa ou fai atu i lau lauga i le isi aso o lea e i ai le isi falei'a lea a tatou ua lata mai, ae na ou musu lava e tau atu ma toe lipoti atu ona e malosi tele le complain ma le suesue masae e le gata o nusipepa, ae ou te musu e fai atu i lena itu o le Maota. Na ou musu lava e tau atu se i ou vaai lava ua tulai mai.

O le mea la lea ua i ai nei o lea ua tulai mai, tou te le iloa le tu mai o le falei'a ona o la e i totonu o le isi shack tele a le SPA o la ua uma, ua uma ona fau uma pusa aisa ma mea uma. Masalo o le masina fou po o le amataga o Mati, ona outou tagai loa lea i le export lea o le a alu i fafo e le gata i i'a e lau e vaa a o i'a o le a alu i luga o vaalele.

O lea la ua ou fia talanoa atu ona o lea ua tulai. O le taimi la lenei, o loa e silasila i ai ma matamata ai i le shack la e pito i o i le Ofisa o le SPA, ona outou o lea i ai i totonu se i tatala atu ae toulu mai aisa la e i le pusa aisa.

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: Tulai mai le sui usufono mo Faleata Sisifo.

Tofa Lealailepule Rimoni Aiafi: E momoli atu le faafetai tele i le Afioga i le Minisita i galuega lelei ua tutupu ma lea atinae.

O ituaiga tagata la ia e tatau ona aumai, o tagata e le faalogologo tala. E le faalogologo foi i le pola e motu i tua ma le au faitatala aua o lea lava e fiu e alu atu fai mai o tala, a o lea lava e omai faatino. O lona uiga la, ua le faamaonia le mau a le vaega lea faapea o tala sao ia e aumai e tagata.

Faafetai i lau Afioga i le Minisita, o lona uiga o le lelei o lou sense, mataataata ma lou mataalia, faafetai.

FOFOGA FETALAI: Masalo ua sao le falei'a lea ona o le le silafia e le sui usufono mo Faleata Sisifo.

Susuga Hon Tuilaepa Fatialofa Lupesoliai Aiono Neioti Saiale Maleleagaai: Masalo o le falei'a lea ua muamua mai ae faatoa aumai mea e faatotoga ai.

FOFOGA FETALAI: Tulai mai lau Afioga i le Minisita e faaaauu le saunoaga.

Afioga Hon LE MAMEA ROPATI: Malo lava isi ou uso o Lealailepule. **Aua e te vivitia au ae vivii i le Afiu.** Ou te fai atu o le faainga o le tausaga lenei o le a outou silasila ai i le alu i luga o a tatou export o le i'a. Aua o le kamupani lea, e fagota o latou vaa i o tatou zone. E fagota i Toelau, fagota i Tuvalu ma fagota i Toga. O le a sau uma iinei le supply o i'a ma alu ai i fafo. Ae talosia ia, o le mea e sili o lea ua ou vaai atu o lea ua tu mai.

22 IANUARI 2015

**Tulafono Tau Faaoifi o le Faatatauina o Tupe Faapoopo (Nu. 1)
2014/2015 – felafolafogaiga faaanau i luga o le faitauga faalua**

O le mea la lea e lelei ai le mea lena aua o lea o le a taugofie ai foi oloa mo tatou le au faifaiva, e pei o maunu aua e tasi lava lena mea. Ua tau foi ma nai aufaifaiva a tatou i le taugata o maunu aua o le mea taua lava lena, ae e le gata i lena o meafagota. Ia talosia ia, o le mea e sili o lena ua taunuu.

O le tulaga lena e pei ona ou tau atua i le tatou Matagaluega, ma e taua tele lo tatou galulue faatasi aua a tatou ununai a tatou faifaatoga, e le gata o le a lelei ai meataumafa o le a maua mo le tatou atunuu, ae faapea foi oloa o le a lau atu i fafo e maua ai tupe e faaleleia ai lo tatou atunuu i le tulaga lea o le GDP.

O le mataupu e pei ona saunao i ai nisi o sui usufono mamalu.....

FOFOGA FETALAI: Ou te faamalulu atu i lau Afioega i le Minisita. O lo o maitau pea o lo o tele lava nisi o mea o lo o agai i ai le folasaga, ae ona o lea ua tatou taunuu i le tatou taimi malolo, ona lagona ai lea ua tatau ona faise tatou malologa. E momoli atu le fafetai tele i lau Afioega i le Minisita, o le a faauau lau folasaga ma lau tali mai pe a tatou toe talii mai i le Aso Fono a taeano.

E le faaititia foi le agaga faafetai e momoli atu i le tatou Maota i lenei vaega o le aso. Ua fai foi sina umi o tatou faaagagase i le tatou polokalame mai anafelele i le itula e 3:00. E momoli atu le faafetai ma le faamalo, faafetai Samoa, faafetai foi timai, faafetai i sui usufono mamalu ona o le taumafai mai pea e toe faamanatu nisi o mataupu sa laga, ae e le i tali atoatoa i ai Afioega i Minisita.

E faafetai atu i le paia ma le mamalu o le tatou mafutaga i tupu ma ee, tamalii ma failauga, faaululuga ma tulaga tofi o Matagaluega ma Faalapotopotoga a le Malo. Ua i ai le manatu o le a vavae foe, o le a tatou alo i le tatou faiga malologa masani ma le faanoemo e tatalo i le Atua, e toe taitaiina lo outou soifua manuia i le aso a taeano.

Ua faafetai Samoa i lau tapuaiga, e talitonu o lo o mau pea le toovae i lau tatalo ma lau faamanu i le Atua ua ae manu ai faiva o le Palemene i lenei aso. E tatalo i le Alii ia taitaiina le soifua manuia o le tatou atunuu, faamalo le galulue ma le tauatai i lenei aso, o lea ua sola le fetu o Leapai a o lo o tumau le alofa o le Atua ia Samoa.

A o le i faaiuina le Fonotaga, ou te tatalo atu i le sui usufono mo Faleata Sasae e tulai mai e fai se tatou tatalo faaiu, ona tatou malolo ai lea.

Na motusia felafolafogaiga lina ua tolopo Taualumaga a le Fono Aoso i le itula e 7:02 i le po seia autia le itula e 9:00 i le taeano o le Aso Faraile, 23 Ianuari 2015.

